

68-2-05-19

# SALMONII Macrini Iulio-

DVNEN. CVBICVLARII  
Regii, hymnorum libri sex, Ad Io.  
Bellaiū, S. R. E. Cardinalem amplifs.



20




CVM PRIVILEGIO REGIS.

PARISIIS.

Ex officina Roberti Stephani.

M. D. XXXVII.



SALMONI

Martin Luth

1571  
1572  
1573  
1574  
1575  
1576  
1577  
1578  
1579  
1580  
1581  
1582  
1583  
1584  
1585  
1586  
1587  
1588  
1589  
1590  
1591  
1592  
1593  
1594  
1595  
1596  
1597  
1598  
1599  
1600




# Salmonii Ma-

CRINI IULIODVNENS  
Hymnorum liber primus.

Ad Io. Bellaium S. R. E.  
Cardinalem ampliss.

Vatis dexter ades carminibus tui,  
Nec cantus citharæ despice Lesbæ  
Bellai, proavis edite Martiis:  
Quorum gloria erit clara perenniter  
Per fastos memores, atque diaria  
Francorum, à Capeto tempus ad hoc Duce.  
Qui ductum serie continua genus  
Augentes titulis splendidioribus:  
Rem semper patriam militiæ ac domi  
Prouexere, boni consilio, manu,  
Fido Regibus & pectore Gallicis.  
Siquando inciderent dura negotia,  
Si turbata nigro tempora nubilo,  
Hostilisque metus incuteret furor,  
Aduersum oppositæ tela Britannia,  
Funestisque leuem seditionibus,  
Et raptò solitam viuere Flandriam,  
Bellaii fuerant murus aheneus.  
A bello inde tuis ducta vocabula  
Præclaris animis conuenientia.  
At tu vincis auos optime Pontifex,  
(Cui possem & vtinam maxime dicere,  
Per te vt relligio reddita pristina



Luci, antiquum iterum surgeret in decus)  
Nam regni dubiis hisce tumultibus,  
Quos flagrans Caroli Cæsaris excitat  
In Francos odiûmque & violentia,  
Et vindex animi infania liuidi,  
Ostendis procerem te memorabilem,  
Cedentem eximio robore nemini,  
Terrorum & iaculis impenetrabilem.  
Dignos Rex ideo noscere callidos  
Rex ille inquam antor & delicæ omnium,  
Emuncta olfaciens nare sagaciter,  
Te fratrêmque, duo lucida sydera,  
Conferri geminis digna Laconibus,  
Inuietos rabie prorsus ab hostica, &  
Tutandis patriæ rebus idoneos  
Delegit, quibus vrgentia crederet,  
Et partem imperii præcipuam sui.  
Illi præcipiens arma Suëviæ  
Excire, atque suis Saxona sedibus,  
Francis auxilium ferret vt ilico.  
Commendans fidei Parisios tuæ,  
Vrbésque Atrebatî finitimas fero,  
Et constructa solo mœnia Belgico,  
Fixis limitibus nos dirimentia  
A Flandri assiduo militis impetu.  
Sed quò Musa ruis? munia quid Ducum  
Vix æquanda senis Minciadæ tuba,  
Vix & grandisonis Meonii modis,  
Aspiras gracili dicere barbitò,  
Culpæque exigui deterere ingeni?  
Ad pensum potius Musa redi tuum,  
Atque incœpta tibi perfice stamina.  
Neruis blanda agedum carmina diuide,  
Quæ, post bella, mei Langiadæ audiant  
Quærentes vacuis auribus otia.



## Precationis dominicæ paraphrasis.

O parens cuius domus est Olympos

Aureis pulchrè variatus astris,

Sit tuum nomen (velut est) per ævi

Secula sanctum.

Et tuum regnum veniat, voluntas

Et tua in terris vt in ære fiat.

Hoc die nobis ieiūa iūque

Suffice panem.

Sicque condones malefacta nobis,

Nos vt offensas aliis solemus

Sponte condonare, animoque cunctis

Parcere leni.

Néve tentari Pater alme supra

Ferre quàm possint patiare vires,

A dolo sed nos stygii tuere

Iugiter hostis.

## Salutationis Angelicæ paraphrasis.

Salve grata patri puella summo,

Qui mentem irradians tuam pudicam

Semper constituit manere tecum.

Inter fœmina fœminas beata.

Est fructusque tuæ beatus alui,

Cæli diuitiæ solisque, CHRISTVS.

## Ad Renatum Bellaium Pontificem Cœnomanorum. De Martyribus.

Fabulam vitæ peragam prius quàm,

Hactenus curis mihi quæ molestis

Acta ad extremum prope iam videtur

Vergere finem:

Aridam rugæ faciem seniles

Quippe deformant, acies hebescit

Luminum, rari quoque glabra circum  
Tempora cani:

Sed tamen vitæ peragam prius quàm  
Fabulam, morbis resoluta membra  
Marceant, velox tenues remigret

Sensus in auras:

Mens beatorum celebres coronas  
Martyrum versu memorare Præsul  
Optime, & partos sine non (quod aiunt)  
Pulvere honores.

Nanque constantem quoties eorum  
Rebus in duris animum recordor,  
Et tenax veri studium quicquid

Mente voluto:

Profus admiror, tacitûsque mecum hæc  
Mussito, O sanctæ fidei potens vis!  
Robur inuictum, nec amarulenta  
Morte domandum!

Eia age insignes pugiles Thalia  
Ad poli arguto ferat astra plectro,  
His triumphales lyra septineruis  
Concinat hymnos.

Res quibus largis opibus redundat  
Assatim multo cumulata censu,  
Quosque fortunæ liquidus fauentis  
Riuus inaurat:

Templa sueuerunt bene marmorata  
Ponere, atque aras Pariis columnis,  
Et sacerdotes reditu quotannis

Pascere certo:

Aureas diuis statuas hic offert,  
Hic Apellæ tabulas: at ille  
Purpuram, gemmas, holosericeæve  
Tegmina vestis.

Ipsæ nec byssi, neque diues auri,

Quod solo furax Arimaspus Indo  
Surripit cursu fugiens auaros  
Alite gryphes.

Itala testes meditor Camœna  
Inclytos, quorum generosa virtus,  
Et fides nullis superata pœnis  
Attigit axem.

Hoc feram voti reus ipse carmen,  
Si modo aspirans faueat poetæ,  
Afflet à summo bonus & canentem

CHRISTVS Olympo.

Posse me non vt recitare cunctos  
Arbitrer, qui pro Domino cruorem  
Ante fudere, & peperere vitam  
Morte perennem:

Quippe cæsorum numerare turmas  
Sit potis nemo, cuneosque densos  
Cum cateruatim ruerent ad ipsa  
Funera læti.

At velut flagrans rubus ille quondam,  
Quem sacer Moses rutilo micantem  
Igne inabsumptum tamen æstuosis  
Vidit arenis,

Damna flammarum nihil vlla sensit:  
Sic tyrannorum rabie impetitos  
Martyres nullis aboleuit ira  
Hosticatelis.

Spiſſa lignator nemora, & comantes  
Arborum frondes simul ac cecidit,  
Et sua saltus virides bipennis  
Exuit vmbra:

Protinus multo mage, latiusque ab  
Stirpibus trunci fruticantur imis,  
Ac repubescit modo cæsa ramis  
Sylua nouellis.

Quo pii plures fuerant perempti

Præsidum immani feritate, plures  
 Hoc resurgebant, fideisque sanctæ  
 Dogma serebant.

Cæterum quorum mihi palma nota est,  
 Et fides constans pietasque clara,  
 Hisce prænas lyrico iuuabit  
 Dicere cantu.

Nec modus vati fuerit canendi  
 Principem CHRISTVM, famulosque CHRISTI,  
 Flatilis donec vegetos fouebit  
 Spiritus artus,

## Ad Annam Monmorantium Francisci Regis Archiceconomum illustris.

Segni vita quibus ducitur otio,  
 Res tractare iuvat quos neque splendidas  
 Vt prælustre decus claraque posteræ  
 Genti nomina inhæreant,  
 Illis credibile est carmina despici,  
 Vocalémque lyram, & mella poetica,  
 De fama eximia sollicitis nihil  
 Victuris & honoribus.

At qui bella gerunt Anna vir inclyte,  
 Et causa patriæ cuncta pericula  
 Contemnunt, auidi fundere sanguinem  
 Si res publica postulet:

Cum vatum eloquium suauiloquentium  
 Aspernantur, opes atque Heliconias,  
 Sunt hostes sibimet, præmia & abnuunt  
 Rerum digna celebrium.

Vatum muneribus Rex Macedum ferox  
 Augustosque potens, eius & afflecta  
 Mæcenas volitant ora per omnium  
 Facunda assidue virum.

Nec doctis numeris Anna silebere

Nostorum olim hominum, militiæ ac domi  
 Rector præcipuus consilio, manu,  
 Et rege alter ab optimo.  
 Nam ne Cæsareis nuper adobruta  
 Effet militibus Gallia, proprii  
 Obiectu prohibes corporis, & tuis  
 Hostes proteris artibus.

### Ad Antonium Heroicum.

Magno Mantua quàm Marone gaudet,  
 Smyrnæique suo tument Homero,  
 Nostra Heroice tam tuis magisque  
 Gaudet Gallia dulcibus Camœnis,  
 Ac cælo caput erigit superbum.  
 Nam quo tempore sermo grauius atque  
 Perfecta latius vigeat arte,  
 Illi carmine florere terfo.  
 Tu, cum Gallica lingua adhuc iaceret,  
 Inculta & numeris suis careret,  
 Iam cultissimus eruditione  
 Magni flumine de Platonis hausta,  
 Et sanctis veterum libris Sophorum,  
 Iam purissimus elocutione,  
 Sensu argutus, & arte singularis,  
 Gallos carminibus tuis beasti.  
 Nostra & secula seculis vetustis  
 AEquasti eximie lepore Musæ.  
 Quicquid proinde tua excitata laude  
 Olim postera promouebit ætas,  
 Adiungétque phrasi æmulatione,  
 Acceptum id referat tibi necesse est  
 Authori, archetypo, artis & magistro.

## DE CHRISTO &amp; eius Martyribus.

Martyrum Regena, dominumque CHRISTVM

Rite solenni celebremus hymno,

Debitæ laudis melicum auspicantes

Carmen ab illo.

Fonte lustrali maduere quotquot,

Nuncupent ecceui sua scripta vates

Iustus, quàm qui proprio gubernat

Omnia nutus

Qui rudes fandi, solitòsque parua

Antè piscari rate, multilingues

Reddidit, misso per inane sancti

Flaminis ignes

Ille cælestis moderator aula,

Et coeterni patris alma proles,

Gentis humanæ Maria in salutem

Virgine natus.

Dum voluntati patris obsecundat,

Affici est flagris colaphisq; passus,

Inque crudelis stadii cucurrit

Solus arena.

Vt typum pœnæ reuocemus omnis,

Asperos necnon veterum labores,

Quos Anaxarchus, patiensq; Zeno

Pertulit olim;

Quos reus vani Meliti, educatus

Cùmque Pellæo studiis eisdem,

Libera Regem nimis ausus ipsum

Carpere lingua;

Quicquid infœlix Acragas nouauit

Antè pœnarum cruciatumque,

Quicquid AEGyptus, feritâsque Thracis

Dira tyranni:

AENEÏque atrox vituli repertor,

Et ferus Scyron, Scynis, & Procrustes,  
 Bebrycis quicquid laniena, necnon  
 Regis Hetrusci:

Non tamen pœnis fuerint I E S V  
 Digna conferri, tragicôque letho  
 Quod crucis duræ tolerauit alto  
 Stipite fixus.

Ferreis cheu manus hæc & illa  
 Figitur clauis, vtraque atque planta,  
 Mûles hastili latus euibrato  
 Haurit apertum.

Morte famosa licet interemptum  
 Hunc ducem coetus celebres sequuntur,  
 Antè qui vitæ fragili tulerunt  
 Præmia cæli.

Gentium quos nunc veneratur orbis  
 Præsides, ipsis & honora templa  
 Excitat, multus vocat & patronos  
 Rebus in arctis.

Quæ sit at C H R I S T I liquet inde virtus,  
 Quodd pie nemo precibus peractis  
 Spe sua falsus redit, aut petiti  
 Muneris expers:

Nunc & Heroum & veterum deorum  
 Iactet inductos thyasos vetustas,  
 Cùmque sacratas epulo statisque  
 Ritibus aras.

Ecquis Eurotæ precor ad fluentia  
 Inuocans votis geminos Laonas,  
 Compos optati fuit, aut salutem  
 Rettulit ægeri

Cærulæ frustra superator hydræ  
 Thyrsiger frustra colitur Thyoneus,  
 Cuique contorto viret inuoluta  
 Virga dracone.

Iure præfertur numerosus illis

Martyr, & festis memoratur hymnis,  
 Próque adoratur Ioue summus omni  
 Christus ab orbe.

Hic enim vitæ dator & salutis,  
 Curat & terras & in axe regnat,  
 Torquet æterno sed Auernus illum  
 Luridus igni.

Omnium princeps opifexque rerum  
 Nate ab intacta genitrice, sit laus  
 Et tibi & patri sine fine, sancto  
 Spirituique.

**C H R I S T V M**, non Apollinem aut  
 Musas à poetis inuocandas.

Cultorem bifidi montis Apollinem,  
 Cyrrhæi tripodes præside quo tument,  
 Grynæumque nemus, canaque ninguibus  
 Hybernæ Lyciæ iuga:

Summissis alii mentibus inuocent  
 Dicturi cithara carmen eburnea,  
 Nec voto immemores prætereant suo  
 Castum Mnemosynes chorum.

Me quem tinxit aqua lotio mystica  
 Paruum, Euangelii fruge salubriter  
 Paut sanctificus Spiritus, & piis  
 Alma Ecclesia vocibus:

Nugas hæc leues spernere oporteat,  
 Et **C H R I S T I** auxilio fidere solius;  
 Qui florens Helicon, Castalius latex,  
 Et Nympha Aonis est mihi.

Hic linguæ laqueos prorsus inutilis  
 Mutis dissoluit, plectrâque reddidit  
 Sæpe ori tacito persona, vocis &  
 Vsu ornauit idoneo.



Huius præfidiis omnipotentibus  
Confusus, dubitem (quanquam hyemet mare  
Sæuum) vela dare? & quamlibet horridis  
Nauim credere fluctibus?  
In nostra ergo polo pectora ab arduo  
Illabens, opicam barbariem exigit,  
Amandæque foras, & superæ expleat  
Vbertim sophiæ bonis.  
Tunc mentem æthereo numine percitus,  
Non mortale loquens, non hominem sonans,  
Partum virgineum fabor, & aurei  
Incunabula Principis.  
Pastores ouium fabor olympico  
Persuafos monitu posthabito grege  
Festinasse, nouam pignore cum sacro  
Inuississe puerperam.  
Dicam purpureos sydere satrapas  
Authore auriferis à regionibus  
Accessisse, recens vt puero edito  
Offerrent tria munera.  
De rapti solii sollicitum statu  
Herodem pueros cæ de nefaria  
Mactasse innocuos in sinibus piis  
Matrum torua frementium.  
Addet hucque operi dura catastrophe  
Viræ actæ domino puriter, vt trabe  
Alta pendulus ob flagitia omnium  
Se patri dedit hostiam.  
Hæc testudineæ voce canens lyræ,  
Vates dignus ero quem schola publica  
Et cirrhata cohors assidue terat,  
Quem ciues oculis ferant.

## Deos antiquos esse eliminandos.

Prisci poetæ carminibus Deos  
Sic extulerunt, sic memorabiles  
Gestas eorum res loquaci  
Futiliter poliere versu:  
Fucus loquendi ut lector inanibus  
Plerunque captus, vera ea crederet,  
Sermonem quæ culto fuissent  
Et lepidis celebrata Musis.  
Hinc illa fraudum vena scaturiit,  
Qua multitudo maxima gentium  
Epota, consensu ruebant  
Vnanimi exitium in profundum.  
Nam fabulosæ suauiloquentiæ,  
Atræ latentes mortis aculeos,  
Lethalia & furti venena  
Vinxerat addideratque dæmon:  
Ut captus illis blanditiis homo  
Syrene tanquam mortifera, libens  
Seruiret insani deorum  
Ritibus æthereo relicto:  
Mentem nec vnquam tolleret altius  
Ad cogitandum de domino poli  
Authore rerumque omnium, quas  
Imperio regit vnus æquo.  
At nos corusca lampade cælitus  
Illuminati, & vocibus entheis  
Ad dogma diuinum vocati,  
Prole Dei erudiente mundum.  
Afflavit & quos spiritus efficax,  
Æternitatis viuæque veritas,  
Sempérne cessandum putamus  
De domino, nec habenda verba?  
Illi ô sacremus quicquid opusculi est,

Quod Musa dictat, quicquid & ingeni  
 Vis parua molitur, piſque  
 Prinitias voueamus oris.  
 Illo extimeſcendum eſt nihil auſpice,  
 Illi referri conuenit omnia  
 Quæcunque ſtellanti ſub axe  
 Terrigenis benefacta ſiunt.  
 Quando boni fons non aliunde ſit,  
 Tantum nec vnquam quis ſibi vendicet,  
 Vt credat authorem bonarum  
 Se nimium temere eſſe rerum.  
 Sponte ergo faſces ſubdimus ingeni  
 Regi deorum, plectraque Teia  
 Cum barbito extenſiſque chordis  
 Offerimus reuerenter vni.

### De diuo Stephano protomartyre.

Quodd Deum cæli Stephanus negarit  
 In manu factis habitare templis,  
 Dixerit CHRISTVM populo ſalutis  
 Eſſe datorem:  
 Dentibus frendet ſynagoga preſſis,  
 Nec poteſt ſeſe tolerare carpi  
 Sanguinem ob fuſum cruce fixi in alta  
 Diriter agni.  
 Proinde veſano rapit vrbis extra  
 Impetu muros iuuenem necandum:  
 Clara diuina facies at illi  
 Luce refulſit.  
 Cuncta miſcentur trepido tumultu,  
 Veſte detracta, manibſque vinctis  
 Siſtitur conſtans pugil in patentis  
 AEquore campi.  
 Turbidis non ſic vbi forte nimbis

Mota tempestas, ruit axe hiulco  
Grando, & annosas lapidat fragosis  
Ictibus ornos.

Vt volant crebro glomerata iactu  
Saxa in infontem iuuenem supino  
Ore cementem superos, & alti  
Cæula cæli:

Tunc nitens olli est patefactus æther,  
Tunc patris CHRISTVM lateri assidentem,  
Angelis septum, rutiloque vidit  
Lumine amictum.

Dúmque crebrescit lapidum actus imber,  
Sæuit hostilis magis ira turbæ  
Ac magis, rubri lacero cruores  
Corpore manant.

Optimi non tunc operum magistri  
Immemor, flexis genibus rogauit  
Sontium vellet Deus vt furori  
Parcere cæco.

O inauditæ bonitatis actum!  
O virum nullis satis efferendum  
Laudibus! qui pro moriens cruentis  
Hostibus orat!

Obrutus denso silicium rotatu  
Martyrum princeps, pietatis ergo  
Reddidit vitam domino, & beata  
Morte quicuit.

Diue victrici decorate palma  
Primus, irruptæ fidelique præstans,  
Me tibi hoc plectrum placido mouentem  
Respice vultu.

Sit meæ portus placidus senectæ,  
Otium fœlix, requiæque mentis,  
Tractet vt semper citharam, & sonantes  
Dextera chordas.

## Virginis Mariæ apostrophe.

Inuita inuidia, hostiūque linguis  
 Sum virgo intemerata, erōque semper:  
 Et lac imposuit meæ mamillæ  
 Toto quo nec in orbe pulchriorem  
 Viderunt oculi prius puellum.

Sic olim placui Deo deorum,  
 Ad me accedere non sit vt grauatus  
 E summa omnipotentis arce cæli,  
 Inuita inuidia.

Proles ille meæ est, parens, Deusque,  
 Illi nata ego, mater & ministra,  
 Et quam (quod mihi pluris æstimandum est)  
 Delectam ante alias amauit omnes,  
 Vbertimque opibus suis beauit,  
 Inuita inuidia.

## Preces matutinæ ad Dominum

### CHRISTVM.

Mane in te mediter supreme Princeps,  
 Laudes mane tibi sacras rependam,  
 Adiutor quoniam meus fuisti.  
 Casta & cui potius vouebo vota  
 Aut quem iustius ore nuncupabo,  
 Quam te Christe meum patrem, Deūque,  
 Custodem, Dominum, ducem, magistrum, &  
 (Quæ clementia inusitata) fratrem  
 Cuius munere viuimus, valemus,  
 Et cæli liquidis fouemur auris,  
 Cuius munere restituta vita est  
 Primi perdita noxia parentis.  
 Cuius munere apertus est Olympus,  
 Fracta & tartaræ tyrannis aula.  
 Qui claro assereres vt ipse cælo

Humanum genus, haud grauatus alta  
 Pendere es cruce, sanguinèmq; viuum  
 Nostis fundere sordibus lauandis.  
 Mutos ergo alii Deos adorent,  
 Et terram digitis imaginatam  
 Quæ sensu caret, èstque surda & infans,  
 Sint illi licet ora, sint & aures  
 Fictæ significis manu periti.  
 Te vero Dominum, Deûmq; verum,  
 Prolèmq; vnigenam parentis almi  
 Ipso cum patre, Spiritûque sancto,  
 Quis par, atque eadem tribus potestas  
 Tellus rite colens adoret omnis,  
 Omnes assidue ferant fideles  
 Laudum perpetue iubilatione.

### De promulgata Euangelii luce.

Per seculorum secula perpetim  
 Rex CHRISTE sit laus & tibi gloria  
 Virtûsque, qui mundum beatæ  
 Fruge foues reparâsque vitæ.  
 Qui luminosis sol velut ignibus  
 Antiqua pellis nubila gentium,  
 Pro nocte auernali diemque  
 Restituis fidei serenum.  
 Iam non Deorum putida vanitas  
 Cæsæ coletur sanguine victimæ,  
 Nec thuris Eoi vaporos  
 Muta bibent simulacra fumos.  
 Iam disciplinis pasta salubribus  
 Vocum tuarum Græcia, fabulas  
 Leues poetarum reliquit,  
 Et veterum furias Sophorum.  
 Nanque esse possit quid furiosius  
 Fecisse cæsis quàm sacra liberis  
 Non raro, & humano litasse

Spiritibus Stygiis cruore?  
 Ut conticescam quæ Dionysiis  
 Indigna dictu, quæve Cotyttiis  
 Assueta patrari per omnes  
 Dedecorûm, scelerûmque formas.  
 Nunc omnis ætas deterioribus  
 Spretis anhelat pectore feruido  
 Ad iussa patris sempiterni,  
 Ingenuos sequiturque mores.  
 Posthac nefandas non meditabitur  
 Ceu fecit olim barbara nuptias  
 Persis, nec incesto parentem  
 Concubitu soboles inibit:  
 Falsis nec acti religionibus  
 Chara immolabunt pignora iam Scythæ,  
 Vescantur humanis nec olim  
 Carnibus indomiti Geloni.  
 Non Bebryces, non Massagetæ senum  
 Annos suorum præcipitant: neque  
 Mensa peremptorum cruenta  
 Semineces epulantur artus.  
 Turbæ voraci sed neque Caspii  
 Aetate fessos obiiiciunt canum,  
 Exponit Hircanus nec atrox  
 Alitibus rapidis eisdem.  
 Vis ô supernæ mira potentia!  
 Euangelique ô gratia amabilis!  
 Cessere per quam tot cruenti  
 Luce noua veniente ritus!  
 Quos CHRISTE psalmos optime maxime  
 Cantabit orbis, quæve epigrammata  
 Condigna, vel quas actiones  
 Perfoluet tibi gratiarum?  
 Non si diebus continuet dies,  
 In laude sacra noctibus additis,

Mortalis immortalē vti par  
 Indigitet, celebrētque digne.  
 Contentus atqui (quæ tua lenitas)  
 Duntaxat ipso pectore, & intimo  
 Affectu, anhelantum placere  
 Vota probas, fragilēque nixus.

### Ad Deum patrem preces vespertinæ.

Hanc commendo animam tibi atque vitam  
 O mitis Deus, & benigne custos:  
 Affusisq; solo repoſco ſupplex  
 A morte vt tuare me perenni  
 C H R I S T I nomine, vita, quique lux eſt,  
 Reſurrectio & vna mortuorum:  
 Vt cæcas abigens opacitates,  
 Huius mox tenebras chaosq; mentis  
 Diæ lumine gratiæ ſerenes.

### Ad Virginem C H R I S T I matrem,

O diua cliui Iuliodunici,  
 Quæ templa viuo ſplendida marmore  
 Perſæpe, ſacratâſque ſedes  
 AEthere poſthabito reuiſis:  
 Cui ſparſus aras vix numerabiles  
 Thuris vaporat fumus odorifer,  
 Lychnique pendentes ſuperne  
 Sacrificio faciente, lucent:  
 Cui Briſſa feſto & Naiades die  
 Vinctæ comofa tempora arundine  
 Pæanas occentant, coruſcæ  
 Et dominum venerantur æthræ.  
 Quam Leucocrene vallibus è ſuis  
 Cum fonte puro vdum caput extulit,  
 Mirata dilectas frequenter  
 Circum agilem volitare turres,



Pérque ipsa cæli cæcula ludere  
 Nunc nube clausam, nunc volucris choro  
 Hinc inde stipatam, ac deorum  
 Mellifluas per inane voces  
 Te concinentum, & carmine florido  
 Matrem vocantum regis Olympici,  
 Tactu absque connixam virili  
 Qui maculas hominum expiaret.  
 Te poscit æger sollicite, prece ut  
 Fessis dolores artibus exigas,  
 Clamore maturum apprecatur  
 Te querulo paritura fœtum.  
 Qui tela tractant Norica milites,  
 Fœcunda aratro qui sola suscitant,  
 Pictisque Atlantæum laceffit  
 Nauita qui pelagus carinis:  
 Præconio omnes te Dea supplici  
 Primam salutant, præsidio rati  
 Sese tuo vnus futuros  
 Incolumes, & vbique tutos.  
 Non ipse tedas donâve quæ tholis  
 Visantur altis cernuus offeram,  
 Non ferta Panchæâsque messes  
 Quas minimi facis ipsa, ponam:  
 Hac laude supplex te tamen eueham  
 Auris licebit dum superis frui:  
 Téque hisce compellabo verbis  
 Scripta quibus sacra te perornant.  
 CHRISTI genitrix ô venerabilis,  
 Electa diuini hospita spiritus,  
 Quam sancta sublimem tenâsque  
 Credulitas polum adusque vexit:  
 Es prædicanda hoc vnica nomine,  
 Quodd fœminarum nulla beatior  
 Sit nata, quodd perfecit in te

b.iii.



Mirifica arbiter ille rerum:  
 Quæ nec fuerunt scilicet antea,  
 Erûntve .nam quid mirificentius,  
 Quàm numen æternum pudica  
 Virginis aluo hominem induisset  
 Dicit beatam virgò puerpèra,  
 Proin posterorum te series, neque  
 Celabit argutis tuum vnquam  
 Grata, memòrque modis honorem.

### Ad Gelonidem coniugem.

Dilecta ô mihi me magis Geloni,  
 Sic in me tuus anne amor refrixit,  
 Aeternum fore quem prius putabam,  
 Festinanter vt huc venire visum  
 Nolis dulciculum tuum maritum:  
 Quicum blandula lufitare noras  
 Haurire oscula, identidem & datare  
 Vbertim ambrosio rigata odore,  
 Et iuxtim thalamo meridiari:  
 Vt pluris facias inepta matrem,  
 Et fratrem vnicum & vnicam sororem,  
 Notarumque choros puellularum,  
 Quàm commercia te viri vocantis  
 Amplexus ad amabiles, torumque  
 Et stacte & Syrio fragrantem amomot  
 Non hæc antè receperas Geloni,  
 Cum tu luctifonum vale exeunti  
 Pertristis mihi diceres, & vdos  
 Impleres lachrymis sinus obortis.  
 Dicta illa AEolii abstulere Cauri  
 Ceu sparsum cinerem leues procellæ  
 Latis turbine sæuiente campis.  
 Quid si te ad Scythiam, feròsque Turcas  
 Ad raras Arabum domos vocaren?

Molli hic temperie serenus aer,  
 Non æstu calet aut rigescit algu,  
 Hic fert collibus editis racemos,  
 Fruges planitie benigna tellus.  
 Hic de paupere fit citra laborem  
 Diues, cui sua res Geloni curæ est.  
 Quanquam diuitiis nihil mouemur,  
 Lucellôve rei peculiaris.  
 Nam præsentia me satis supérque  
 Ditabit tua, contuberniûmque,  
 Huc sospes modo ventites, & vna  
 Hic cum coniuge victites Macrino,  
 Dilecta ô mihi me magis Geloni.

Ad Ioannem Bellaium titulo diuæ  
 Cæciliæ Card. amplis.

Gente qui ducis genus à vetusta  
 Clare Bellai, proauos sed omnes  
 Dote virtutum premis, artiûmque  
 Laude bonarum.

Rideas, sanum nec habere pectus  
 Iudices, siqui tibi velle paruo  
 Vasculo visi fuerint aquosum  
 Claudere fontem.

Et tamen vecors animique fidens  
 Spero idem, cum te numeris minutis  
 Claudere, imbelli cithara tuas res  
 Dicere tento.

Audeat vatis videsis quid error  
 Seduli, in vestram studiûmque gentem  
 Impotens, vt quò nequeat venire  
 Cogitet illuc?

Proferam præcæ tenuine plectro  
 Stirpis ornamenta & opes superbas,

Et viros quondam celebres domique  
Militia<sup>q</sup>ue

Oris hæc longe grauioris essent,  
Vique dicendi mage concitata  
Digna, tu quali potes atque frater  
Langius vti.

Sat mihi solum fuerit referre  
Quod queat vocis modicæ Thalia,  
Vt domus fructu scateat perenni  
Prolis honestæ.

Inter hos fausto subolefcis ortu,  
Ampla quem ducit series honorum  
Per gradus omneis, grauiumque format  
Actio rerum.

Præditus Princeps ideo sagaci  
Nare te legit sibi singularem,  
Conscium arcani, simul & probata  
Mente fidelem.

Roma mirata est, dominis<sup>q</sup>ue rerum  
Tybris orantem, & Themesis Britannus,  
Quique Neptunum penetrat bicorni  
Gurgite Rhenus.

Urbium mater populosa, cursu  
Quam secat lenis bifido, facitque  
Insulam cui Sequana, te sacrorum  
Præsede gaudet.

Nec fauor Regis prius acquieuit  
Quam caput sacro tegeteris ostro,  
Tertio Romanæ obeunte sedis  
Munia Paulo.

Vtque maiorum tibi fama laudi est,  
Ipse sic illis decus es vicissim  
Fulgidum, offusis nebulis<sup>q</sup>ue nunquam  
Sydus opertum.

## Ad Carolum Caluum Iuliodunen.

Quid Calue cessas? plectra sonantia  
Quin sumis, hanc & Lesbiam chelyn  
Intendis, vt solenne Regi  
Cælituum crepet icta carmen?  
Hac luce CHRISTO sunt noua cantica  
Flectenda, victis qui prius hostibus,  
Orci triumphantisque turmis  
Ad patriam remeauit aulam.  
Non festa sacrum laurea verticem  
Velauit, alto non Capitolio est  
Inuectus, auratoque curru  
Militibusque Ducem secutis.  
Contra tot hostes cum foret asperum  
Certamen illi, solus erat tamen  
Pericla qui pugna subiret,  
Se daret in mediūque campum.  
Atqui triumpho cum memorabili  
Septus intenti nube, reuiferet  
Sublimis æternum parentem,  
Ad rutilum & reuolaret axem,  
Non vni honores tum sibi debitos  
Vmbis piorum inuidit & Angelis:  
Vtrique cinxerunt magistrum  
Plausibili reducem corona.  
Dextræ propinquus nunc patris affidet  
Dum facta mundi iudicet omnia:  
Agnosque secernens ab hœdis  
Destinet hos Erebo, hos Olympo.

## Fesceninum canticum in nuptiis

## Isabellæ Portiæ Iuliodunen.

Vndenam nostras ferit altus aures  
Clamori insana domus vnde rixa

Feruet, & tantos agitata miscent  
Strata tumultus

An Dionææ noua nupta luctæ  
Insciens, horret geniale foedus  
Icere, & pugnax solitum duellum  
Conserit Hymen

Quid viro pugnax Isabella tantum,  
Nocte permittis neque nuptiali  
In tuo primos gremio pudoris  
Carpere flores!

Ille, si nescis, merito reposcit  
Debitum, tedæ est ea lex iugalis  
Quam Deus sanxit Paradisi amœnis  
Saltibus olim.

Ne precor ruga caperes seuera  
Nubilam frontem, sua neu marito  
Gaudia infesta grauis exhiberi  
Mente excuses.

Esse quem sæuunt tibi reris hostem,  
Cuius horrescis tremebunda telum,  
Mox ubi cernes propius, probèque  
Noris, amabis.

Turpe te verò neonymphe vinci  
Iurgiis, fletu, prece, dente, & vngui,  
Turpe ab accenso tibi iam redire  
Marte minorem.

Non rosas carpent quibus est timori  
Spina, nec mellis sapidum liquorem  
Haurient siqui metuant apum vim  
Vulnificarum.

Laurea nullus potitur corona,  
Aut equis celsus niueis triumphat  
Antè, ni strato spoliū reportet  
Hoste petītum.

Perge ad optatam per acerba palmam,

Nec, fluant quanuis rosei cruores,  
Desine ascenso statuas priusquam in  
Monte tropheum.

### Actio gratiarum cibo sumpto.

AEterne princeps orbis & artifex,  
Qui te timenti das alimoniam,  
Pisces & vndosi profundi,  
Aeris volucrèsque pascis:  
Perfoluo sumptis pro dapibus tibi  
Grates canori carmine iubili,  
Actæque vitæ perperam, cum  
Pace tua veniam reposito.  
Inter leones Assyrios situm  
Pascis prophetam, & ne noceant, facis:  
Nos sancte pascens à periclis  
Omnibus eripere ô memento.

### Ad virginem parentem.

Regina prudentum inclyta virginum,  
Cui mater Anna est, Ioachides pater,  
AEtate qui sera senectæ  
Te vacuam genuere labis.  
In gratiam per te probra flebilis  
Vertuntur Eux, nobile tu decus  
Matrum pudicarum, edidisti  
Omni hominum generi salutem.  
Gaude Angelorum ô gloria præpetum,  
Quæ gaudiorum indeficientium es  
Enixa fontem sempiternum,  
Incolumi niueo pudore.  
Tam grata cuius virginitas fuit  
Summo Tonanti, solam vt amauctit,  
Solâque semorit volens, ex  
Innumero grege foeminarum:

Ex virginum omnique agmine idoneam  
Castus ferundo visceribus Deo,  
Mortalis ut factus, gementem  
Eriperet Styge mundum ab atra.  
Istæc fauoris præcipui nota est,  
Pis quod adsit cum Deus omnibus,  
Nulli tamen se copulauit  
Quam propius tibi mirisque.  
Sponsam pater te nam sibi deligit,  
Fœcundat almus spiritus integram  
Omnino ab amplexu virili,  
Filius è tua homo exit aluo.  
Ferri in latebris hic vteri tui,  
Et lacte pasci non niueo abnuuit,  
Sintque caldo confoueri, &  
Sæpe tuis requiescere vlnis.  
Cum patris esset filius hic Dei,  
Compar & eiusdem omnipotentia,  
Non esse, non dici recusat  
Virginis ille tamen propago.  
Coniunctus atqui mirificis modis  
Ut ante tecum est flamine pronubo,  
Per te esse nobiscum subinde  
Cœpit ita, atque homines amare.  
Nos inter egit bis tribus illicet  
Lustris & ultra, voce salubriter  
Quænam via esset luminoso  
Erudiens populos Olympo.  
Nunc & piorum pectoribus manens,  
Pastusque carnis nos refouens suæ, &  
Potans sacrosancto cruore,  
Assimiles sibi pene reddit.  
Ornere quantis per sobolem tuam  
Agnoscat orbis totus honoribus,  
Per quanta te matrem euidenter



Ceperit & benefacta sentit.  
Supplex honorat propterea duo  
Augusta vere nomina, filii,  
Sese ad quod inflectit genu omne  
Terrigenum, superum, inferorum.  
Tuumque virgo nomen amabile,  
Ad mentionem cuius alacriter  
Ii gaudio exultantque plausu,  
Chara quibus tua sancta proles,  
Sol ille tanquam, qui radios suo  
Fulgore diuim clarior anteit,  
Et gloriam obscurat perennis  
Fons rutilans & origo lucis.  
Inter beatas tu quoque fœminas  
Virgo refulges non secus aurea  
Ac luna, cum pleno minores  
Orbe premit rubicunda stellas.  
Atqui tui sic gloria nominis  
Hæret tenaci glutine filio,  
Non possit ille vt nominari  
Quin genitrix memoreris vnâ.  
Cum ferret olim tristia funera,  
Presso dolebas tu quoque pectore:  
Nunc regnat excelsis in astris  
Participem statuens te honorum.

### De valetudine Susannæ filia.

Hoc restabat adhuc casibus heu meis,  
Hoc tot tristificis anxietatibus,  
Vt vix trima Susanna  
Mêlque ac deliciæ mœx  
Febriret misera, & depopulantibus  
Cæco ardore rogis intima viscera,  
Vitalisque medullas.  
Sensim exucta liqueceret

Alpinis gelidæ non secus in iugis  
Effluxere niues, quas calor impotens,  
Et Phœbeia lampas  
Æstiuis radiis ferit.  
Sic spiris & operta vndique stupeis  
Et fartim globulis oblita cereis,  
Igni perpetuo fax  
Collabi in cineres solet.  
O confusa malis gaudia liberum!  
O felle immodico turbida suauitas!  
Omni ex parte beatum  
Terrenis nihil ô locis!  
Fœlix nuper eram visus, amabilem  
Propter progeniem, charæque pignora,  
Quæ mellita Gelonis  
Optanti ediderat mihi.  
Inuidit piceo squalida mors peplo,  
Iniecitque manum flebilis Atropos  
In vitalia nostra,  
Binos abstulit & rapax.  
De bis iam ecce tribus tertia lectulo,  
Dura in febre iacet pallida, funeri  
Et luctatur acerbo  
Vitæ inter creperæ moras.  
Saltem Cælicolæ qui superant precor  
Mi concedite patri incolumes diu,  
Contentique duobus,  
Hos seruate superstites.  
Docta pingat acu tegmina serica,  
Cum dulci Maria scita Susannium,  
Incumbat Charilaus  
Musis ingenuis puer.  
Qui materno vtero fœtus adhuc latet,  
In lucem veniat tempore idoneo,  
Nec vexata dolore

Succumbat nimio parens.  
 His tibicinibus canities mea  
 Sustentata meet terminum ad ultimum,  
 Hoc sit fulta bacillo,  
 Canæ matris anilitas.

## Ad Dominum CHRISTVM.

CHRISTE seruator miserere nostri,  
 Quando spes in te posita omnis vno,  
 Ne tua, ô quamquam meritos, precamur  
 Obruat ira.

Ne velis actæ meminisse vitæ  
 Perperam, vultu sed enim sereno  
 Aspice afflictos, tuâque obsecrantes  
 Gratia iungat.

Neu sine vt nobis ferus obsit hostis,  
 Quæritans siquem valeat vorare:  
 Tu Deus noster, manuum sumus nos  
 Plasma tuarum.

Seu mari effundat radios ab Indo  
 Sol recens, seu nox tenebrescat atra,  
 Voce clamosa tua sint vocanda  
 Nomina nobis.

Nostra sis semper bone spes IESV,  
 Dæmonum & firmus iacula umbo contra,  
 Cuius obiectu valeamus omnes  
 Despicere ictus.

## Ad Regem Franciscum in procinctu.

Quæ bella tractas optime principum  
 A sede dexter CHRISTVS olympica  
 Fortunet, hostilèsq; præfens  
 Auxilio furias retundat.  
 Confusus acri Cæsar Iberia, &  
 Germanicorum viribus agminum

Vefanit exultans, tuæque  
Ecce premit ditionis vrbes.  
Non iura cæcum, non superi mouent  
Affinitatis vinclæve proximæ,  
Germana nec festis quodd eius  
Nupta tibi est Leonora tedis.  
Rerum cupido tam infatiabilis  
Peruasit eius pectus inæstuans  
Ardore habendi, vt sese egenum,  
Iam rapiat nisi cuncta, credat.  
Sensit rapaces Neruius heu manus,  
Sensit Sicamber, sensit & Atrebas,  
Sensere Romani, ferâxque  
Insubria, atque gemens Nauarra.  
Aptæ ultionis sed Nemesis potens,  
Mentes superbas plectere & artifex,  
Ad Sextias adduxit illum  
Nuper aquas Latio relicto.  
Francis ô omen lætificum loci!  
Inauspicatum nec minus hostibus!  
Cimbros enim illic Theutonîsque  
Dux Marius superauit olim.  
Et lustra vix dum sunt duo condita,  
Ex quo coacta Borbonides manu  
Obsedit incassum vetustam  
Massiliam fugitiuus exul.  
Quin vrbe eadem dum focerum inclyta  
Constantii stirps milite Gallico  
Victrix adurget, morte turpi est  
Maximianus atrox peremptus.  
Cæsar moneri cladibus ô tribus  
His debuisset, ne volucris mala  
Intraret amens ominosa  
Cæsaribus loca Theutonîsque.  
Ast axe terras æquus ab arduo

Despectat imas, factaque qui Deus  
 Mortalia, huc egit furentes  
 Supplicio vt merito trucidet.  
 Fretus secunda proinde ope numinis,  
 I Gallia Rex, i nihil hæsitans  
 Causæ assuturum iustiori  
 CHRISTVM, animûmque tuis daturum:  
 Tutare forti pectore patriam  
 Authore cælo sceptraque credita,  
 Pro gente commissa, focisque,  
 Pro laribusque pia indue arma.

### De Christoforo Longolio.

Hoc ergo inclyte Longoli sacello  
 Florenti tegeris sepultus æuo:  
 Nec facundia quam tibi pararas  
 Constanti studio, improbo labore,  
 Te de faucibus impotentis Orci  
 Labentem eripuit tenebriosis,  
 Aut duras potuit mouere Parcas.  
 Linguae mundities disertioris,  
 Actæoque madens lepore sermo,  
 Siccis cippum oculis quis hunc videbit,  
 Cordi curia cui sit & tribunal,  
 Et cultæ nitor elocutionis?  
 Te vixisse tamen, stylôque dulci  
 AEquales superasse, scripta liquent  
 Testatum tua, posterisque tradent  
 Vno te modò Tullio minorem.  
 Et quæ iam niueis volauit alis  
 A Gange occiduas adusque Gades  
 Te fama asseret, ac virum per ora  
 Longum constituet tibi sepulchrum,  
 Longam constituet tibi immo vitam.

## Primi psalmi Dauidici paraphrasis.

Ter quater felix erit, impiorum  
Factio cui non scelerosa cordi,  
Nec via fontum stetit, aut cathedra  
Sedit iniqua.

Lege at in sancta Domini voluntas  
Fixa constanter fuit eius omnis,  
Et diu ac noctu meditans in illa  
Hæsit amanda.

Arboris iuxta vitreos aquarum  
Constitæ riuos erit instar idem,  
Quæ suo dulcem dabit affluenter  
Tempore fructum.

Defluet cuius folium nec vnum,  
Peruirens & quem feret illa fructum  
Cunq̃ue, durabit populo futurus  
Vtilis ipsi.

Impius contra Superiorum & osor,  
Pulueri fiet similis minuto,  
Quem procelloso iacit huc & illuc  
Turbine ventus.

Nam cadet caussa sceleratus omnis,  
Stare nec cœtu poterit piorum,  
Cuncta cum appendet Deus eius æqua  
Facta statera.

Vtque iustorum via, vita, mores.  
Candidi semper Domino placebunt,  
Omnium infœlix ita, & impiorum  
Vita peribit.

Omnium Princeps, opifexque rerum,  
Nate ab intacta genitrice, sit laus  
Et tibi & Patri sine fine, sancto  
Spirituque.

## Ad Renatum Fabricium Iuliodunen.

Hunc psalmum tibi Fabrici dicamus,  
 Qui præfatio siue cæterorum est,  
 Seu princeps numerum suum tuetur,  
 A nobis modo sapphicas redactus  
 In leges, tibi vti tuoque fratri,  
 Quo nil doctius elegantiusque  
 Molle tinniat, exprimâtque ad vnguem  
 Sensus sceptriferi sacros prophetæ,  
 Conceptu nec ab illius recedat.  
 At seu præstitimus prout decebat,  
 Siue id non sumus affecuti vt æquum est,  
 Qualemunque tamen libenter vni  
 Hunc psalmum tibi Fabrici dicamus.

## Ad Dominum CHRISTVM.

Largitor veniæ Deus,  
 Tanti humana salus cui fuit, emori  
 Vt velles trabe in ardua,  
 Pro cunctis que tuum fundere sanguinem.  
 Instanter prece supplices  
 Clamosa petimus lucido ab æthere,  
 Et regni solio tui,  
 Vt veritas oculos hæc sola ad infima  
 Terrarum, atque hominum genus  
 Sorde à tabifica mitior expies,  
 Exempta penitus nota  
 Lethali scelerum mole prementium.  
 Rerum ô maxime conditor,  
 Fac Euangelii defluat vt tui  
 In sensus dociles charis,  
 Diuinæ & vigeat verba per enthea  
 Vis dulcedinis, efficax  
 Ad frugem ipsa bonam flectere pectora,

Errorum vt grauium via  
 Omissa, veniant ad tua protinus  
 Omnes sacra fidelia,  
 In te vnóque pii spem stabilem locent.

## Nænia in funere Antonii Papilionis.

Ah Quietalem properas ad atrum  
 Tam cito Antonii tenerámque nuptam  
 Deferis primæ moriens in ipso

Flore iuuentæ?

Illæ conclauis latitans opaco  
 Angulo diuos & acerba fata  
 Tristis incuscat, vocat & maritum

Nomine amatum.

Cœtus effusim muliebris ægram  
 Visitans blande fouet, ac dolorem  
 Quo potest pacto, minuitque inanes

Arte querelas.

At dolor crudus, nimium recensque  
 Respuit fomenta manus medentis,  
 Sæua adhuc necdum patiuntur vllos

Vulnera tactus.

Ergo mi coniux tibi linquor (inquit)  
 Copulæ primis genialis annis,  
 Nec mihi de te licet expetitam

Gignere prolem,

Quæ leuet nota viduæ figura  
 Tædia, & desiderium mariti  
 Leniat præsens, mea & ante ludat

Mobilis ora?

Non enim posthac sociabit alter  
 Me sibi, extinctum comitarer & iam  
 Morte si accita Stygias sit æquum

Ire sub vmbras.

In virum non me studio fideli



Vincat Alceſtis, Capaneïve coniux,  
Quæque lethales moritura forſit  
Porcia prunas.

Sed fides iſtud prohibet verenda,  
Nec licet cuiquam cadere antè Summus  
Quàm pater vitam in tenues abire  
Iuſſerit auras.

Hæc inexpletis iterans ſubinde  
Queſtibus, functo mulier marito  
Fida perluget, faciémque ſparſo  
Pulvere turpat.

Te tamen ſleri vetat alta virtus,  
Præditus qua ſplendueras ſuperſtes,  
Quæque te mundi penitas aduſque  
Prædicat oras.

Sedibus quæ tam regio remota  
A tuis, cui non bene notus eſſes  
Moribus rectis, ſtudioque legum  
Cæſarearum

Conditum quanvis tumulto cadauer  
Deterant vermes auidi, tamen pars  
Addita eſt aſtris melior, per orbem  
Fama vagatur.

### Ad poetas Gallicos.

Bixi, Dampetre, Borboni, Dolete,  
Vultæque operis recentis author,  
Facundi numero elegante vates,  
Fœlices animæ atque honore dignæ,  
Quas & Gallia noſtra gloriatur,  
Fidenter medium exerens & vnguem  
Gentes Auſonias laceſſit audax.  
Mercedem à patria feretis ecquam,  
Decretis quibus eueheminique  
Muſæi celebres leporis ergot

Vestra nanque opera & labore factum,  
Insigni simul eruditione,  
Hæc vt natio Gallicana nullo  
Antè humaniter instituta cultu,  
Et quæ barbara diceretur olim,  
Iam agrestem exuat expolita morem,  
Ipsam iam Attida Græciâque totam  
Doctos prouocet, ac Remi nepotes,  
Nec sese Italia putet minorem.  
Rem laudabile publicam est tueri,  
Hostes Marte fero domare pulchrum,  
Vrbes cingere mœnibus præaltis,  
Sublimem niueis equis sedere,  
Arcus erigere, & superba passim  
Ornare exuuiis trophæa fixis,  
Circos construere, excitare templa,  
Arces ædificare, aquæve ductus  
Vrbi inducere, liberalitate  
Prona effundere congiariûmve  
Donatiuæve in hos vel hos viritim.  
Præclara hæc fateor, nec abnuenda  
Bixi, Dampetre, Borboni, Dolete,  
Vultæque operis recentis author,  
Si cui cornea forte fibra non est.  
Longo tempore sed tamen fatiscunt,  
Suntque obnoxia casibus, ruinis,  
Diro & fulminis igne dissipantur.  
At præconia luculenta vatum,  
Tinctæ & nectare Hymettio Camœnæ  
Annos vsque ferent, nec interibunt  
Dum stellis polus aureis nitescet,  
Ardore immodico flagrabit æstas,  
In vastum fluuii ruent & æquor.  
Testis Solius ille Apollinaris,  
Aruernæ soboles beata terræ:  
Testisque Ausonius pecuniosæ

Lumen Burdegala: Thalia quorum  
 Magni insigniit accolae Garumnæ,  
 Pendentisque cauis iugis Gebennas.  
 Nam laudum artifices poeticarum,  
 Et quos buccina cunque sacra vatū  
 Viuaci extulerit canora bombo,  
 Fient conspicui atque sempiterni,  
 Annorum senium nec extimescent  
 Et vates, & erunt opus perennes.  
 Quocirca Aonio furore raptum  
 Vestris iungite me choris amicū,  
 Et sextum sacrum in ordinem vocate.  
 Hoc si contigerit fauore iusto,  
 Sublimi ardua vertice astra tangam,  
 Crassi diuitias nec anteponam,  
 Brixi, Damipetre, Borboni, Dolete,  
 Vultusque operis recentis author.

Ad Dominum CHRISTVM  
 ante somnum.

Spes CHRISTE mundi luxque fidelium,  
 Titane fulgens purius igneo,  
 Qui clarus emergens ab Indo  
 Flectit equos pelago aurifrænes.  
 Caliginosas tu tenebras tui  
 Splendore vultus lætifico fugas,  
 Noctemque peccati profundam  
 Discutis, atque animos serenas.  
 Hac obsecramus nocte vti dæmonum  
 Contra vafrorum noxia nubila,  
 Cæcos & insultus, fauorem  
 Sancte tuum auxiliūque præstes.  
 Illumines vt pectoris intima  
 Obscura nostri, cuncta pericula  
 Defensor auertas, nec vnquam

Mortiferis iaceamus umbris.  
 Iustis nouentur fessa quietibus,  
 Dulcique somno corpora, ut dehinc  
 Fota ipsa surgant ad diurnum  
 Obsequiosa magis laborem.  
 Prompta interim mens excubias agat,  
 Sempérque sensus permaneat vigil,  
 Expectet aduentum tuum quo  
 (Nanque repens aderis) paratus.

### Ad Ludouicum Marthanum:

Mos fuit Graiis Italisque, quondam  
 Voce apud mensam canerent ut assa  
 Acta maiorum pueri modesti  
     Carmine prisco.  
 Sæpe tibicen fidicénque mixtim  
 Arte concordi modulatus vna est  
 Musa concentu lepido ut subiret  
     Gratius aures.  
 Fructus haud simplex erat accubantum,  
 Quod voluptatem melos afferebat,  
 Imbuebatur veterumque clara  
     Laude iuuentus.  
 Ante conuiuas utinam assuescant  
 Martyrum dici celebres Agones,  
 Nostra & usurpent Ludouice priscum  
     Secula morem:  
 De Deo ut dulces numeri canantur  
 Impudicarum vice fabularum,  
 Oblocutricis neque funditentur  
     Toxica linguæ.  
 Nunc merò postquam maduere multo,  
 Qui toro accumbunt, lacerant vel acri  
 Vulnere absentes, ioca vel proterui  
     Turpia ructant.  
 Iam palàm tritum est epulis ipsis

Aptior quænam latici Lyæo  
Ora scitari, meliôrne turdo

• Phasias ales.

Hic apri iactat fapidi ferinam,  
Iste præponit capream fugacem,  
Ille boleto ancipitique fungo  
Tubera præfert.

Sermo de mundo muliebri at isti,  
Cultior quænam sit & vrbe tota,  
Quæ laborato liget aut capillum  
Comptius auro.

Hæc cibo circum posito feruntur  
More solenni, neque pransitanti  
Cuiquam curæ est recitare cunctis  
Vtile quod sit.

Quàm foret pulchrum domini Dei que  
Verba, & æternæ documenta frugis  
Promere, & sese geminis fouere  
Pastibus illic.

Acta cælestis memorare CHRISTI,  
Eius & duros comitum labores  
Quos tyrannorum pietatis ergâ  
Perculit ensis.

Dispudet nostros Ludouice vinci  
Moribus castis studiôque recti,  
A Dei ignaris, Strygi que lufis  
Fraude Sciarchæ.

Ad coniugē in Natali virginis Mariæ.

IN CHRISTO soror ô Geloni chara,  
Coniux dulcicula, admodûmque grata,  
Sancto & fœdere copulata mecum  
Natalem Mariæ reuexit annus  
Solennem, ac venerandam vtrique lucem.  
Proin vestis nitidæ venusta cultu

Matronalibus annulisque fulgens,  
Sed fide mage sanctimoniâque,  
Et virtutibus id genus sacratis  
Te phana ocyus ad propinqua confer,  
Et summo ædiculam Deo dicatam.  
Illic poplite prouoluta flexo,  
Et supplex animi precare C H R I S T V M  
Ignoscat vitiiis vt ipse nostris,  
Indulgens veniam piaculorum,  
Nos noctes quibus improbe diésque  
Ipsam offendimus, ipsiusque patrem.  
Dein vt quos dedit ille posse natos  
Seruet incolumes, alat, gubernet,  
Rectis moribus & det erudiri.  
Postremo pete vti quietiori  
Ambos coniugio velit fruiſci,  
Et tristes abigat procul querelas,  
Ne casti dirimant amoris ignes,  
Neu diuortia iurgioſa gignant.  
Verum ante omnia ſculpat vt medullis,  
Inque ima ſua ſancta iuſſa mente:  
Quippe eſt lex Domini magiſtra vitæ,  
Conuertens animas, fidele pignus  
Fauis dulcius, Atticóque melle, &  
Quæ paruis ſapientiam miniſtret.  
Hæc ſunt ô mea quæ rogare par eſt  
Hac feſta Mariæ celebritate.  
Quæ virgo & genitrix ſimul, ſed vna eſt  
Virginum decus, atque norma matrum,  
Næuo ne minimo quidem notata.  
Illam conuenit vſque ferre cantu,  
Et pſalmis memorare luculentis,  
Per veſtigia & eius ambulare  
Virtutum cupida æmulatione,  
Quæ Diuam aureolo intulere cælo,

Iunxere & soboli suam parentem,  
Immortalibus vt bonis fruatur,  
Necnon gaudia gaudeat beata.

**Dominũ CHRISTVM** ante om-  
nia hominibus piis esse inuocadum,  
exemplo diui Stephani.

Martyr inuictæ fidei propinquum  
Dum sibi lethum Stephanus videret,  
Densa saxorum streperet fragoso  
Grando rotatur:

Lucidum attollens oculos ad axem  
Liuidos morte & inedia natantes,  
Intimo supplex Dominum inuocauit  
Pectore **CHRISTVM**.

Non opem in pœnis aliunde poscit,  
Cogitat solum pia mens **IESVM**,  
Iura cui norit data sempiterni  
A patre regni.

Eius exemplo moniti tenemus  
Quò sit accessus quoties precamur,  
Nostra spes in quem merito reflecti  
Debeat omnis.

Quin apud diui monumenta Lucæ  
Sacra testatum est, aliud sub ipso haud  
Esse quod nobis tribuat salutem  
Nomen Olympo.

Id neget si quis, rear infidelem,  
Prorsus indignum venia, vetemque  
Ne comes mecum veniat, domo neu  
Degat eadem.

Obuium **CHRISTVS** trepidis asylum est,  
Iuge munimen, clypeusque & ara,

Inque curarum grauibz procellis  
 Anchora sacra.

Huc fatigati fugiamus omnes,  
 Conferet gratam requiem laborum,  
 Sarcinas tollens humeros molesto  
 Fasce leuabit.

Hic sit infestis statio carinis  
 Fida, ab hoc omnem penitus salutem  
 Vsq̃ue speremus, dare vult potēstque  
 Optima solus.

Quis cadet causā? metuet quis acrem  
 Iudicem, cui sit tamen aduocatus  
 CHRISTVS, æterni genitoris altum  
 Ante tribunal

### Ludouicus Tellignius ad Arethusam.

Coniux voluptas vnica coniugi,  
 Candore quæ lac, quæ cumulos niuis  
 In vertice Alpino iacentes,  
 Lilia cana, rosasque vincis.

Flauos amanti pande capillulos  
 Auro nitentes diuite valdius,  
 Purāque ceruicem politis  
 Marmoribus magis albicantem.

Formosiores sunt tibi lucidis  
 Stellis ocelli, desuper integit  
 Quos rara flexi semicirclo  
 Sylua supercilii nigello.

Malæ rubenti murice eburnæ  
 Illuminantur, labra corallina,  
 Et melle voces delibutæ,  
 Me mihi surripuere nuper.

Odora mollis cinnama fert sinus,  
 Surgunt & ex te deliciæ vndique,  
 Da mi columbatim ducenta



Oscula, da thalami tributum.  
 Pifeus haud sic falsa per æquora  
 Alpheus vndis antè sequacibus  
 (Vt te ipse) anhelando perurfit  
 Ad Siculas Arethusan oras.  
 Viuum ecce fugistu mihi sanguinem,  
 Mundas amabo conde papillulas,  
 Quæ lactis expertes tumescunt,  
 Me niueo alliciuntque luxu.  
 Quantis perustus faucier ignibus  
 O lenta cernis, quàmque ego langueam,  
 Languore nec nostro moueris  
 Propterea, at miserum relinquis.

## Ad Deum patrem actio gratiarum cibo sumpto.

Donis quando tuis omnipotens Deus  
 Pauisti famulos, dans alimoniam,  
 Et iusto refouens corpora ferculo  
 Longis fessa laboribus:  
 Quid per nos fieri, quid dæ secus velis  
 Ostende, & dociles effice, dirigens  
 Quo mandata animis sancta volentibus  
 Fiant in tua posterum.  
 Cœpti per te operis sit bonus exitus,  
 Nec quisquam officio vt functus erit suo,  
 Elatis animis proinde superbiat,  
 Soluat sed tibi gratias.  
 Quæ sunt recta, operum fons etenim omnium es  
 Virtutumque caput, nec sibi vendicet  
 Quicquam hinc vanus homo, at perpete gloria  
 Authorem celebret Deum.  
 Diuinæ sit honos omnipotentæ,  
 Patrique, & genito, & Spiritui sacro:

Quos tres in parili nunc credimus  
Regnare æthereo polo.

### Laura Francisci Petrarchæ loquitur.

Franciscis ego debitor duobus,  
Quorum munere consecuta famam  
Immortalem, hominum celebror ore.  
At tanti tibi si videbor hospes  
Vt vtri image debeam requiras,  
Illi præcipue, potissimùmque  
Laura debeo qui potentiorum  
Regum maximus, inclytissimûsque est,  
Qui virtutibus hoc honorat æuum,  
A tergoque duces relinquit omnes,  
Qui sunt, quique fuere, eruntque posthac,  
Altum marinore nam nouo sepulchro  
Et dignum elogium suo sepulchro  
Neglectæ prope cognitæque paucis  
Citra spem mihi præmii excitauit,  
Non olim meus hoc Petrarcha fecit.

### Ad Margaritam Valesiam Reginā Na- uarræ cum filium funeraret.

Regiæ si tot ditionis vrbes,  
Atque inexhausto domus aucta censu,  
Si genus clarum, celebrique sanguis  
Splendidus ortu:  
Ingeni si vis generosa magni, &  
Deditum pectus studiis honesti,  
Efficaxque Afros cicurare fando  
Lingua leones:  
Casuum immunem quibus ipsa vita  
Voluitur sursum temere ac deorsum,

Quempiam præstent hominûmque supra  
Fata reponant:

Digna quæ tantis cumulere donis,  
Ante mortales videaris omnes,  
Galliæ Regina, decus, tuoque  
Addita sæclo.

Nanque vestrigal tibi abusque summa  
Pensitat Vasco volucer Pyrene,  
Pascuis diues Biturix, & altis  
Neustria syluis.

Si tuæ gentis genus atque origo  
Prima quærat, Priamum necesse est  
Excitem, & Francos ab amante Martis  
Hectore ductos.

Quis manu audacem Capetum, quis acrem  
Nescit Augustum, & Valesi nepotes,  
Aureis omnes trabeis & aurea  
Torque decoros?

Hos tamen longe tuus ecce frater  
Corporis raris animique vincit.  
Dotibus, fratrem prope & ipsa veris  
Laudibus æquas.

Fruge præsertim pietatis alma,  
Disseris de qua quoties, ab ore  
Mella facundo, riguósque fundis  
Nectaris imbres.

Proinde te vatum chorus omnis effert,  
Quisquis & CHRISTI studio incalescit:  
Nam nihil cæcos moror aut retorta  
Mente Sophistas.

Quominus sed non tamen ista præstant,  
Sortis humanæ patiare casus  
Numini visum quoties ab alta  
Arce tonare.

Incidunt quædam fateor molesta,

Quæ sua mentem moueant quiete  
Interim, & mordax penetrante sensu  
Tentat amaror.

Sed solet C H R I S T I bonitas paratam  
Ferre opem, præsens & adesse moesta,  
Mole nequando nimia dolorum  
Victa fatiscas.

Liberum immaturo obitu tuorum  
Angier site, & lachrymare nolim,  
Sim ferus, durósque adamantas imo  
Pectore gestem.

At voluntati superûm gerundus  
Mos tamen, quam rem facis ipsa: nec te  
Opprimi luctu sinis anxie per  
Tædia vitæ.

Verum (adhuc si quis modo restat angor)  
Hunc vir, hunc frater minuat superstes  
Quæque quinquennis tibi nata celsa  
Ludit in aula.

### De periculo vitæ allegoria.

De rupis specula supinioris  
Conspexi fragilem meam phasellum  
Huc illuc tumidis agi procellis  
Tantum non decimo & perire fluctu.  
Nam remis sine ductilique clauo  
Ventis oppositis proculque portu  
Spes fallacior infidelis auræ,  
Et cæcus dubii fauoris æstus  
Iactabat mare naufragam per altum.  
Sublatis oculis ad ipsa sed tum  
Cæli cærule, Summe rector inquam  
Hanc nauim in loca tutiora subduc,  
Syrenis neque cantibus dolosis,  
Quæ discriminis huius vna causa est,

Auferri in scopulos sinas malignos.

## Psalmi secundi paraphrasis.

Cur cæca tanto murmure gens fremit,  
Cur commouetur vulgus inanibus  
Rectoris æterni rebelle

Imperio dominique CHRISTI

Facto ecce Reges agmine prouunt,  
Rubroque amicti murice Satrapæ,  
Iussis vt opponant parato  
Sese animo æthereis furentes.

Rumpamus aiunt vincla, adamantinos  
Nexusque, eorum deposito iugo,  
Morem nec affixis seuerè  
Legibus indociles geramus.

Quid consequentur his proceres minis,  
Vanique coepti consiliis, nisi vt  
Cæli arce stellata sedenti  
Commoueant Domino cachinnum?

Eius corusco dextera fulmine  
Armata telis sæuiet igneis,  
Cum voce dementes minaci  
Corriget, attonitosque reddet.

Illum ipse Regem vertice in ædito  
Sionis (inquit) constituam mihi,  
Illum ipse sacratum perungam  
Ambrosio Charitum liquore.

Subiunxit hæc mox, Tu mihi filius  
Mente ô cœua ducte perenniter:  
Te rite cultores parenti  
Congenerem vnigenamque credent.

Tu regna tantum, tu populos petas  
Dextra regendos chare puer tua,  
Per me tibi extremas dabuntur



Oceani vel adusque metas.  
Expers potestas finis erit tua,  
In contumaces cuspide ferrea  
Vteris, illi conterentur  
Non secus ac figularis olla.  
Ergo tyranni iam respiscite  
Posthac, & æquum discite iudices,  
Legisque diuinæ tenacem  
Notitia excolitote mentem.  
Stringat verendo relligio metu  
Distenta castis pectora gaudiis:  
Contingat offensum laceffi  
Ne dominum, & pereatis omnes.  
Exarserit nam cum furor illius,  
Vindicta fontes iustæque adobruet  
Fluctu repentino, beati  
Qui spem in eo posuere firmam.

### Ad diuam Mariam Lazari & Marthæ sororem.

Obstrepat vulgus licet afferenti  
Pro coargutis mihi certa nugis,  
Veritas vincat tamen, & reuulsus  
Exulet error.  
Dum tuas laudes lyra lenis effert,  
Huc ades præstans soror excitati  
Lazari & Marthæ, generosa summi  
Hospita Regis.  
Quis furor quosdam male suadus egit,  
Vt tuo vellent maculam pudori  
Addere, & turpi nihil inquinatam  
Labe notare?  
Antea castam Maro sic Elissam  
Perperam vano lacerauit ore,

Mentiens Trois tacito perustam  
Igne mariti.

Tu domo illustri generata, & amplis  
Affluens gazis, dominum secuta es:  
Sobrie vixti, Paphiisque semper  
Criminis expers.

De patris regno est quoties locutus,  
Ore pendebas vigil à sacrato,  
Rore cælestique siticulosa  
Corda rigabas.

Cùmque ab obscuro reuocasset orco  
Virbium fratrem, pia Martha cœnam  
Hospiti & festas epulas verendo  
Tèque parastis.

Indicum fundens alabastrus vnguen,  
Verticem CHRISTI redolente nimbo  
Sparsit, & suavi domus affatim omnis  
Risit odore.

At grauabatur comitum vnus istud  
Liuida eructans maledicta lingua:  
Tum tua inuenit, meruitque CHRISTVM  
Causa patronum.

Hic typus mortis fuerat propinquæ,  
Hæc sepulturæ Domini figura,  
Qui tuum prædixit ob id futurum  
Nobile nomen.

Iàmne per totum celebraris orbem:  
Et sit omnino tibi quod receptum est,  
Præco suggestu hæc quoties ab alto  
Acta perorat?

Fata siquando recolentur almi  
Regis in templis, recolere Diua,  
Tèque cum CHRISTO canet omnis vna  
Turba piorum.

## Ad Hubertum Sufannæum.

Non vlllo potuit vincere lubrica  
 Te fortuna modo, prospera seu foret  
 Læta & fronte serena,  
 Seu vultu aspera nubilo.  
 Et quæcunque fuit (si memini bene)  
 Pendere hanc domino cælitus à Deo  
 Dixisti, omnia summi  
 Patrîsque arbitrio regi.  
 O verba eximio consona pectori!  
 O vocem insolitis laudibus excipi  
 Dignam: quæque facit mens  
 Vt passim tua clareat!  
 Duret propositum hoc tempus ad vltimum,  
 Nullisque euariet mobile casibus,  
 Ne quid forte queratur  
 C H R I S T V S, si titubes leuis.  
 Hæc nulli valeant vincere robora  
 Motus, nec stabilem debilitet fidem  
 Hostis subdolanus Orci,  
 Aut vis supplicii minax.  
 Néve Huberte piis te studiis grauet  
 Hæres, in fragili & pectore persequi  
 Quæ sunt grata Tonanti, ac  
 Recto incedere tramite.  
 Non regno ille Dei conueniens erit,  
 Mercedem famuli nec referet probi,  
 Qui complexus aratri  
 Stiuam respiciat retro.  
 Qui clauum vndiuagi nauigii regit,  
 Subducat si agilem tunc oneri manum  
 Cum vesana procella est,  
 Actutum pereat ratis.  
 Cœpisti quod opus mordicus, id tene:



Sic percharus eris numini olympico,  
Cuius nostra beatur  
Donis vita perenniter.

## Ad Victorem Berodæum Turonens. Secretarium Regium.

Siquis dente palam furente mordet,  
Aperte maledicit huic & illi,  
Ut certe hunc ego cunque ferre, & eius  
Notis vulneribus queam mederi.  
At si fronte quis obuius serena,  
Et lingua illice captiosus, atrum  
Ficto pectore comprimit venenum,  
Cæcis eminus instat & sagittis,  
A tergo feriens modo hunc, modo illum:  
Hunc tanquam rabidum canem, ne pâmve  
Vitandum mihi semper ipse rebor,  
Ignêsque haud secus ac Iouis tremiscam.  
Hanc Diui procul ô fugate pestem,  
Immanem hanc furiam innocentiorum:  
A conuentu hominum repellitote,  
Hanc Victor fuge, ab hac catus recede.

## Ad Io. Bellaium Card. amplifs.

Magnus Sesostris bella ferociter  
Gessisse terris fertur in exteris,  
Duxisse captiuos, iugóque  
Imposito domuisse Reges.  
Idem triumphis Ogygium suis  
Anteisse Bacchum, diuite ab India  
Qui victor, ad currum tigresque  
Iunxit ouans variâsque lynces.  
Memphim Sesostris quippe decemiugi  
Curru insolescens ad patriam redit,

Auro capistrati tetrarchæ  
 Quem subeunt dominum vehentes.  
 Hæc cur minus sunt cognita posteris,  
 Quàm quicquid olim Græcia ad Ilion,  
 Thebæsvæ, Colchoſumve Phasim,  
 Thermopylas, Marathona gessit  
 Quàm rura vastum per mare in Italia  
 Vectos penates à profugo Phryge:  
 Aut sæua diuiso Senatu  
 In generum foci duellæ  
 Non contigerunt historiographi,  
 Non cura vatū, qui memorabiles  
 Pugnas triumphatōsque Reges  
 Eruerent tenebris ab ipsis.  
 Paucis Scſostrim quodd nisi versibus  
 Dum facta gentis Niliacæ explicat  
 Ornasset author splendorum  
 Herodotus veterūque rerum,  
 Leges tulisse illum regionibus  
 Bello subactis, iuræque, nemo iam,  
 Non dico, nouisset, sed ortum  
 Nec fugiens meminisset ætas.  
 Ingens Patrone est gratia dulcibus  
 Habenda Musis, quarum ope, gentium  
 Regūque res gestæ perennes,  
 Quicquid & egregium est vbique,  
 Nam si tacebunt quæ benefeceris  
 Fontem incolentes Castalium Dææ  
 Oblivia inuoluent, sitūque  
 Liuida nox premet obsoleto.

### Ad Abellium Fontanum Iuliodunens.

Quid conuitiolis quotidianis  
 Instas, assidue petens, vt edam  
 Quos lusi cithara modos Abelli?

Et verba AEolio ordinata plectro:  
Nec cernis tamen interim pericla  
Impendētia, quādocunq; inepti  
(Quales scilicet hi mei libelli)  
E nido ante suum exiere tempus:  
Nec demens metuis seueriorum  
Censuras Italū, & notationes,  
Vni qui cor habent habentque nasum:  
Si sit cura mææ tibi vlla famæ,  
Traduci neque me velis, monebis  
Quicquid compositum est ineptiarum,  
Vt clausum teneam, domique seruem,  
Infœlicibus vstulæmve lignis.  
Fidi hoc consilium sodalis esset,  
De me solliciti meisque rebus.  
Ne pluris tamen æstimare versus  
Informes, nec adhuc bene inchoatos,  
Quam votum videar precēsque amici  
Rari, præcipui, & peculiaris:  
In vulgus veniant tuo rogatu,  
Male & scrinia prouidi relinquunt.  
Hoc abs te sed enim petam vicissim,  
Vt si prodierint, inauspicato  
(Quod Fontane palam liquet futurum)  
Sis patrocini, ferāsque culpam, &  
A damno omnia facta tecta præstes,  
Atque ictus clypeo tuo retundas  
In nos vulnificentiū ruentum:  
Hac emittimus hosce lege Abelli.

Finis primi libri Hymnorum.

# Salmonii Ma-

CRINI IULIODVN. HYMNORUM liber secundus.

• Ad Io. Bellaium S. R. E. Cardinalem amplifs.

Bellai pater & Patrone vatum,  
 Nullo nomine iustius vocaris,  
 Multa etsi tibi sint honorum & ampla,  
 Debetur tibi qualis ista cunque est  
 Lucubratio, vt annuum tributum, &  
 Forturæ reditus Macrinianæ.  
 Nam cum nostri opibus tuis agelli  
 Pinguescant, niteant, & excolantur  
 Abs te munificentiore dextra:  
 Næ dignus sim odio, parumque gratus,  
 Si de frugibus ingenique messe,  
 Quamquam infertilis admodum, recusem  
 Saltem primitias tibi dicare,  
 Lectarum & decimas aristularum.  
 Herbis in teneris adhuc virebat  
 Immatura meæ seges Camœnæ,  
 Culmorum noua cum superfluatorum  
 Fratri luxuries tuo dicata est.  
 Rubro at te petaso infulisque clarum,  
 Et Sidonide lena inauguratum,  
 Pars messis melior probatiórque,  
 Et fructus magis vber addecebat,  
 Quem vultu accipias vti sereno,

Atque vlnis precor obuiis Patrone  
A semper tibi dedito colono.

## De Deo difficile loqui, nisi fides adsit.

De Deo Musæ quoties loquuntur,  
Non eis portas facile inuenire est  
Obuias vocum, propriisque numen  
Dicere verbis.

Nanque res tanta est Deus, vt capaces  
Illius non sit reperire sensus,  
Rite nec sacrum queat vlla nomen  
Lingua profari.

At fides nostris simul vt refusa est  
Mentibus, fulget noua lux repente,  
Et Deum fixis vigil intuetur  
Sensus ocellis.

Soluitur linguæ prius impeditæ  
Tarditas, crescit pius ore sermo,  
Nubilis & lux animi recessus  
Intrat abactis.

Gentis Hebrææ quid ait propheta  
Cui premit fulgens diadema crines,  
Quique præsago ferit incitata  
Nablia plectro?

Credidi, sum mox ideo locutus.  
Non locuturus nisi credidisset  
Ille: diuinis trifidum erudiuit  
Versibus orbem.

Et fide arcanas duce opes reclusit  
Entheo afflatu super astra raptus,  
Arduum miro penetrans volatu  
Cycnus Olympum.

Qui regis cunctos Pater atque Princeps,  
Virginis casta genitricis aluo

Edite, vt mundi scelus expiaretur.

Sanguine fuso.

Hac fide illabens mea corda firma,

Cogitent vt te & meditentur vnum:

Nec pio hæc cesset tibi lingua laudem

Dicere cantu.

## Symbolum Apostolicum.

Credo (idque ex animo) in Deum Parentem,

Tellus cuius opus nitensque cælum.

IN CHRISTUM Dominum Deumque nostrum,

Eius filium & vnicum & coæuum,

Quem diuinitus integella virgo

Vi Spiraminis influente sacri

Concepit, peperit doloris expers,

Et mammae niueo fluore pavit.

Qui sub præfide Pontio peremptus,

Affixusque cruci, cauo subinde

Tymbo conditus, Inferos adiuit,

Hinc luce ilico tertia reuixit.

Pòst ad sydera scandit, & propinquus

Ad dextram Patris axe sedit alto,

Dum rursus veniat, superstitesque &

Functos iudicio vocet supremo,

Agnos segreget vt suos ab hædis.

In sanctum quoque Spiritum, fouemur

Cuius numine, fingimur, docemur.

Credo Ecclesiam entheam atque sanctam

Quam nos Catholicam pii vocamus.

Quin communia cuncta credo Sanctis,

Quos Baptisma, fides & vna iungit.

Peccatorum etiam remissionem,

Necnon carnis anastasin vniuersæ.

Postremo requiem beatiorē, &

Dix præmia sempiterna vitæ,

Iis qui pectore credidere toto.  
 Hæc confessio & hæc fides eorum est,  
 Quos fas dicere iure Christianos.

## Ad CHRISTVM Genethliacum.

**A**Equæua summi progenies Patris  
 Rex CHRISTE regum, deque Deo Deus,  
 Ignare finis principique,  
 Omnipotens opifexque rerum,  
 Idem puella nate tenerrima,  
 Quæ nuptiarum munia nesciens,  
 Cælestis afflatus superne est  
 Mirifica tumefacta opella.  
 Hac luce festa si meritos pii  
 Aris honores ingerimus tuis,  
 Præana si lætum frequentes  
 Voce tibi modulamur alta,  
 Cultique adorat liniger annuo  
 Numen sacerdos rite memor tuum,  
 Ac fruge stans horna meroque  
 Sacra tuis facit alma fanis:  
 De sede cæli flecte domestica  
 Huc dia mitis lumina protinus,  
 Nostrósque procliui favore  
 Prosequere auxilians precatus.  
 Tu nudus inter bruta animalia  
 Orte ð secundis alitibus puer  
 Vagisti, & angusti mapalis  
 Semiruto iacuisti in antro.  
 Tu gestientis casta puerperæ  
 Dio ore fugis pendulus vbera,  
 Sopitus interdum quiescis  
 In teneris refouentis vlnis.  
 Tu pro cubili purpureo premis  
 Præsepe durum, sparsaque stramina,

Algore & hyberno tremiscis,  
Matre vicem miserante acerbam.  
Quem non egestas hæc tua mouerit,  
Cognorit orbem qui tibi conditum,  
Fixas & horrendum frementi  
Oceano fluuiisque metas?  
Non defuerunt Angelicæ tamen  
Diuina turbæ cantica, gloriam  
Psallentis æterno Parenti,  
Plausibilem populisque pacem.  
Illis bubulci qui regionibus  
Custodiebant montiuagos greges  
Venere festini, tuasque  
Suppliciter coluere cunas.  
Stellæ secuti lumina præuiæ  
Magi affuerunt Perside ab vltima,  
Aurumque, odoratamque myrrham, &  
Thura tibi Nabathæa donant.  
Quid tale Cures, quid Corybas suo  
Fecere in antris Gnosiacis Ioui,  
Cum nota Saturni furentis  
In sobolem tremere tur irat  
Innoxiorum hinc funditur effero  
Sanguis Tyranno, densa cadauera  
Mucrone cæforum minaci  
Fleta legunt, tumultantque matres.  
Abominantur sacrilegum nefas  
Carmelus ingens & Libani iuga,  
Retrôque Iordanes cruentam  
Vertit aquam caput amne condens.  
Infanticidæ Regis atrocitas  
Audita Idumæ est, cum lachrymabiles  
Lugentium frustra querelæ  
Sydera clara poli ferirent:  
Cum cassa fletu præsidia edito



Captaret infans, ceu vitulus tener  
 Tollente rugitum leone  
 Inualidam fugit ad iuuenecam.  
 At matre summotâ, exitiabili  
 Prædam minorem dente premit leo,  
 Raptinque discerptis voracem  
 Visceribus ferus implet aluum.  
 Versu at minuto ne triuialiter  
 Res persequamur tam memorabiles,  
 Sunt ista Germani cothurno  
 Grandiloquo referenda Brixii.  
 Sufflaminanda est ingenii rota,  
 Ne confragosis implicita orbitis  
 Frangatur, aurigamque cæcis  
 Attonitum in salebris relinquat.

## Carmen natalitium ad Georgium Seluam pontificem Vauren.

Hactenus festo-celebrare cantu  
 Hunc diem solenne mihi Georgi,  
 Qui Deum humana specie labanti  
     Protulit orbi.  
 Sors pium mutet quid iniqua morem  
 An si inexhaustis premar ipse curis  
 Torpeam infœlix, neque verba CHRISTO  
     Debita dicam?  
 Non in hybernis Scythiæ pruinis,  
 Sarmatum aut densis niuib. filescam:  
 Non, graui si me regio perurat  
     Subdita cancro.  
 CHRISTE par summo soboles Parenti,  
 Quatenus nostros nisi sumis artus,  
 Quas tibi laudes chelys ista, quosve  
     Concinet hymnos  
 Quippe tu mundi è melioris aula

Matris illabens gremio pudicæ,  
Nudus haufisti puer has inópsque  
Ætheris auras.

Editum angustis tuguri ruinis,  
Inque præsepis medio repostum,  
Ecce bos supplex afinúsque bruto  
Calfacit ore.

Non tamen defunt Superúm choreæ,  
Non ibi infontes ouium imagistri,  
Non Magi longè roscos secuti  
Syderis ignes.

Virgini augustæ saluisse quantis  
Gaudiis pectus tacitum putemus,  
Cum nouum vèstigal ab vsque Eoo  
Sumeret Indo?

Cum casæ vilis gelido iacentem  
Angulo natum thyasi Angelorum  
Cingerent, læta canerent bubulci  
Carmina voce?

Hæc tibi spretis veterum Dcorum  
Fabulis dicenda magis Georgi,  
Hæc tuo Antistes studiose vatum  
Ore canenda.

Iam suas, Musæ tibi opes recludunt,  
Téque Parnassi iuga ad alta ducunt,  
Iam tua vndanti rigat Hippocrene  
Guttura riuo.

Tum velim sancto comes esse vati,  
Et lyræ dulces tetigisse chordas,  
Rite tum charo præeat Sacerdos  
Selua Macrino.

In eodem natali Domini nostri

I E S V C H R I S T I.

Lux ô lætitia, & fructus fœcunda beati,

Augusta ter, ter maxima.  
Quo te iam pridem celebrem præane voluto,  
Quo dithyrambo concinam.  
Obruor immensa sed maiestate, tuoque haud  
Effabili mysterio.  
Et mecum, quid ad hæc cælestia lumina verto  
Oculos sopore marcidost  
Quid versus inopes rerum delirus & amens  
Nugæque inanes funditor  
Attonitos video quanta caligine sensus  
Inuoluat hæc æternitas  
Virginis in gremium cælo demissa pudicum,  
Vt seruet humanum genus,  
Humanum genus heu primorum errore parentum,  
Sæuoque morfu perditum.  
An non nobile opus desunt mihi verba stupenti,  
Hæretque lingua faucibus?  
Quid frustra ingenium crucio, Musasque fatigo  
Oneri serundo non pares?  
Non si Cyrrhaeis specubus Deloque relicta  
Immigret in me Cynthius,  
Proluat & toto me gurgite Castalius fons,  
Fons aut volucris Pegasi,  
Possim vel minimam meritorum attingere partem  
Huiusce partus aurei  
Virgo virginibus quo pulchrior omnibus vna  
Intacta Christon edidit,  
Non segmentatis ornata puerpera lectis,  
Opulentiores ut solent.  
Rupis at excææ dorso informisque cauerna  
Parit beata filium.  
Vilia bos circum & pandus præsepia asellus  
Lambunt puellum cernui.  
At terra & rutilus resonat concentibus æther,  
Latique plaudunt Angeli:  
Mellifluo quorum iussu sermone bubulci

Visunt recenter editam  
 Progeniem cæli, & munuscula suppliance dextra  
 Castæ parenti porrigunt.  
 Tres etiam Eoo venere Heroes ab orbe,  
 Stellam secuti lucidam,  
 Qui puerum rerum Dominum authorémque fatentur  
 Per dona largi mystica.  
 Hæc inquam meditor, verbisq; efferre laboro:  
 Sed vota vires deferunt.  
 Quod tamen exigua tibi Rex æterne Camœna  
 Diuæque matri pangimus  
 Sume fauens, animūque nouis hortatibus imple,  
 Vt te inuocemus iugiter,  
 Et natalitio hæc referamus gaudia cantu,  
 Gratesque agamus debitas,  
 Quodd celso è folio cælisque decemplicis aula  
 Stellis micante lucidis,  
 E'que sinu veniens Patris omnipotentis honoro,  
 Terras ad has descenderis:  
 Et non horrueris nostræ indumenta figuræ,  
 Aluum & subire virginis.  
 Scilicet vt sumpto mortali corpore, tandem  
 Poenas Parenti penderes  
 Humana pro gente, crucem sublatu in altam,  
 Clauisq; fixus ferreis.  
 Atqui isto interitu Barathri est euerfa tyrannis,  
 Salus & homini reddita.  
 Proinde tibi grates agit immortaliter omnis  
 Piorum I E S V Ecclesia.

De casa in qua CHRISTVS  
 natus est.

Clarauit olim si modicum larem  
 Ingens Molochi pauperis Hercules,

Fumosa si Theseus egenæ  
 Tecta Hecales, inopémque mensam:  
 Quanto magis Rex Cælicolûm & sator  
 Hanc CHRIS TV S ipsam nobilitat casam,  
 Non hospes vnus diei,  
 Aut dape fortuita refectus?  
 Hic matre natus virgine vagiit  
 Intérque asellum nudulus & bouem,  
 Hic lactis haustum purioris  
 Ore puer sitiente duxit.  
 Hic Angelorum turba hilaris melos  
 Cæleste fudit, hic ouium duces  
 Rerum salutarunt Monarcham  
 Lanigeris gregibus relictis.  
 Hic obtulerunt munera Reguli  
 Myrrhámque & aurum thûsque friabile,  
 Stellæ iubar clarum secuti  
 A roseis orientis oris.  
 O terra felix Bethlemiotica,  
 Intaminatæ prole puerperæ.  
 Cessere, se vinci fatentes,  
 Cretæque iam, stablîsque Delos.  
 Tu caltha & albis florida liliis  
 Mollisque vernæ perpetuum rosa:  
 Te Regis altricem supremi  
 Mellifluæ memorent Camœnæ.  
 At vos herilem Christiadæ locum  
 Læti frequentate, hic Deus hic Deus  
 Dignatus abiectis oriri  
 Semirutæ tuguri ruinis:  
 Omnes doceret pauperiem vt pati,  
 Exempla Princeps insolita exhibens,  
 Rebûsque contentos pusillis  
 Temnere opes, nimiumque fastum.

## Ad Virginem matrem.

Diuinæ sobolis sancta puerpera,  
Fortunata parens, virgo perenniter,  
Argutis citharæ tu quoque concini  
Es digna AEoliæ modis.  
Incunabula nam cum pueri aurea  
Æterni lyrico carmine dixerim,  
Pastorum obsequium, visæque Regibus  
Astri lumina præui,  
Vt fortam superest laude feram sua,  
Et magnæ tribuam munera Virgini  
Spectanda haud pretio, at qualia scilicet  
Vates exiguus potest.  
Optarem altiloqui Mæonidæ forent  
Nunc fœcunda mihi pectora, versibus  
Possem mirificis quo noua tam sacri  
Partus dicere gaudia.  
Vires deficiunt, hei mihi, debiles,  
Tantisque ingenium rebus inops labat,  
Hæc cantanda licet Virgilii tuba  
Non plectro gracili dies.  
A summo haud sed enim numine degener,  
Cuius tot radias munere dotibus  
Illustrata, boni consulis omnia, &  
Affectum modo respicis.  
Per partus igitur lumen Olympici  
Lac mammæ precor & virginæ, tuus  
Vati vt supplicis auxiliariis  
Succurrat mihi filius.

## De Francisci Regis victoria, ad Musas.

Auribus siquid studiisque dignum  
Optimis Diuæ cecinistis vnquam,

Galla quod fixum memori teneret  
Mente iuuentus:

Voce quod dulci teneræ puellæ  
Coniugum in molli gremio referrent,  
Et senes festa quoties soluti

Luce sederent:

Nunc nouæ chordis citharæ, nouoque  
Pectine expressum reuocate carmen,  
Nec neget doctis Helicon aperta  
Vatibus antra.

Nanque Rex prono Superum fauore  
Hoste Franciscus domito, vrbibusque  
Impigre tota Insubria receptis

Marte secundo,

Patrios victor repetit penates  
Diues aggestis spoliis & auro,  
Ac sacris votiua pius reponit  
Munera templis.

Editis pendent inimica tela  
Arcubus passim, galeæque inanes,  
Quæque de fufis rapuere Celtæ  
Signa manipulis.

Compitis ætas epulatur omnis,  
Igne & accenso choreas in orbem  
Ducit, ac potans pateras recenti  
Flore coronat.

Inter & lautæ repetita mensæ  
Vina, præclari Ducis vsque laudes  
Concinit sacras, Pyllos eidem  
Optat & annos.

Sic ferox Aëuan Oriente victo,  
Aureo curru, variisque celsus  
Lyncibus, læta ad patrias reduxit  
Agmina Thebas.

Punico sic & iuuenis triumpho

Scipio prædam Libycam reportans,  
Templa Tarpeii Iouis alta, picta in  
Veste petiuit.

Maeste procinctu studiisq; Princeps  
Martius, Alpes hyemem sub ipsam  
Qui niue obstructas aperis, & acri  
Frangis aceto.

Tum notas demum titulosq; nostris  
Antè præfectis Ducibusq; iniustos  
Vertit aspirans Deus, & superbum  
Contudit hostem.

Ergo te charæ patriæ parentem,  
Laurea insignem pie Rex corona  
Efferant Musæ, & monumenta rerum  
Tanta tuarum.

Se tuæ aptabunt, mihi crede, laudi  
Posteris, tantas neque res silebunt  
Acta Francorum, & memorata longis  
Secula fastis.

Nos quidem quantum modicæ valebunt  
Ingeni vires sterilisq; vena,  
Ista nitemur celebri nepotum  
Tradere famæ.

Vos modo arcano reparate Diuæ  
Pectus afflatu, & mea vatis ora  
Ferro pulmone adamantinæque  
Voce ciete:

Voce quæ Phœbi per vtranque metam  
Regis æternet generosi honores,  
Triste nec fatum, cariæmve longi  
Sentiat æui.

Spem bonam certus refero, quod imis  
Læta mens gestit calefacta flammis,  
Et mihi visi tripodes sacro cum  
Colle moueri.



De amore erga Deum ad Ren.  
Fabricium Iuliodunen.

Vere scripserat antè Martialis  
Marco nescio cui suo sodali,  
Vicissim vt quis ametur, esse amandum.  
Hæc certe ratio Renate nostræ  
Iucundum patriæ decus, valebit  
Summum erga Dominum Patrémque rerum,  
Rite cui poterit litare nemo,  
Nemo impendere debitos honores,  
Et gratus fieri obsecratione,  
Vt par est: nisi eum colens amarit,  
Affectumque animi dicarit omnem.  
Nanque vt anteuenit Deus, priórque  
Nos complectitur, occupans, amore:  
Sic (vt conueniens quidem ac peræquum est)  
A nobis cupit inuicem ille amari.  
Quo amabit modo enim Deus colentem,  
Si vicissim ab eo ipse non ametur  
Noster ergo amor offerendus illi est,  
Illi affectio consecranda mentis,  
Quando præueniens amauit omnes,  
Et nos sanguine filii expiauit.  
Eius CHRISTVS enim est amoris arra,  
Verum symbolum, & absolutus index,  
Cui sit cum Patre Spirituque sancto  
Laus indiuidua & decus perenne.

De seipso, & vitæ casibus.

Quot subiecta hominum est vita periculis!  
Voluunt terrigenas quàm variæ vices!  
Vt se insuauia miscent  
Nostris tædia gaudiis!

Aetatem teneram matre sub optima  
Indulgenter agens, læta pueritiæ  
Stultus tempora triui  
In ludis iuuenilibus.

Paulatim inde domi factus adultior,  
Flagrantem Aonios flexi animum ad choros,  
Apprime & mihi cordi  
Vatum blanda fuit chelys.

His cum essem assidue deditus artibus,  
Et nonnulla meæ fama Polymniæ  
Francas sparsa per vrbes  
Paucis versibus editis:

Antistes Biturix diuitiis potens,  
Et clarus Latiae tegmine purpuræ,  
Me illectum in sua tecta  
Magnis pollicitis vocat.

Segni illic animum pressus inertia, &  
Incumbens choreis quam studiis magis,  
Musarum otia fugi,  
Tam grata ante mihi otia.

Fecissem ô vtinam Dulichio vaser  
Quod Laerte fatus remige dicitur  
Qui Syrenia victus  
Surdo enasse per æquora.

Ergo infrugiferis alite non bona  
Mersus deliciis, dedidici miser  
Quicquid gnauior ætas  
Doctrinæ imbiberat prius.

AEquum est propterea mi veniam dari,  
Hæc si nescio quid Musa opicum sonat,  
Nec respondet ad ipsam  
Primi temporis indolem.

Annis quid senii quod grauioribus  
Dum spero requiem, dum mihi ferias,  
Vela & vertere portum

Ad mollem meditor catus:  
 In tristes scopulos vrsit atrocior  
 Tempeſtas rapido turbine naufragum:  
 Me bacchante procella  
 Pene & præcipitem dedit:  
 Cum illis ſolliciti viuere cogimur,  
 Qui ferro atque hominum ſanguine gaudeant,  
 Quorum immanis egeſtas  
 Præda explerier haud potis.  
 Quid lites fugere heu profuit hætenus,  
 Quid pacem vſque ſequi, & Pieria otia,  
 Si inter cæde madentes  
 Viuendum eſt mihi milites?

### De virgine Maria.

Florida deinceps referam Camœna  
 Ex tribu Regum Mariam creatam,  
 Quam dedit mundo geneſis vetuſtæ  
     Nefcia culpæ.  
 Prole tam pulchra nimis Anna fœlix  
 Non tibi tantum, generi ſed omni,  
 Quanta diſfuſa eſt miſeris per illam  
     Gratia terris!  
 Quare & aſſumptam ſuperos ad orbes,  
 Lucido gemmis folio locauit  
 Arduam, & iuxtim voluit ſedere  
     Altitonans Rex.  
 Illius vultu decoratur æthier,  
 Et nitor ſtellis, radiſque creſcunt,  
 Teſta vt obiecto melius coruſcant  
     Aurea Phœbo.  
 Principis ſalue veneranda ſummi  
 Mater, & lecti genialis expers  
 Virgo, laus nanque hæc tibi ſingularis  
     Congruit vni.  
 Vt feram cultas tibi cantiones,

Barbiti tangam quoties eburni  
Fila, da plectro numeros loquaci  
Frangere dignos.

## Ad Gelonidem vxorem de concordia coniugali.

Vinclis amoris connubialibus  
Vxor marito iuncta fideliter,  
Cui rebus in cunctis voluntas  
Vsq̃ue eadem est, animisq̃ue concors:  
Mallet cruenta quæ nece millies  
Interfici, quàm legitimam stolæ  
Fœdare matronalis vlla  
Labe tori vetiti pudorem:  
Si vita Diuûm munere longior,  
Ampla & domi res suppetat affatim,  
Dulcêsq̃ue risus liberorum  
Obstrepitent patrias ad aures:  
Quot præbet ipsi gaudia compar?  
Quanta hinc voluptas nascitur & quies?  
Quàm molle curarum leuamen  
Siqua minus cecidere læta?  
Sic vixit olim, Dardana quàm prius  
Ad bella læua pergeret alite;  
Vxore ter fœlix amanda  
Phyllacides, thalamóque casto.  
Regi Pheræo dedita sic fuit  
Alcestis vxor, morte vicaria  
Vt fata frigentis leuarit,  
Próque mori tulerit marito.  
Et nupta Caris splendida Satrapæ  
Fama celebri tempus ad hoc viget,  
Quæ dite construxit sepulchrum,  
Ore, viri cineres & hausit.

At si molesto diffidio domus  
 Tumultuetur, prauâque iurgiis  
 Matrona clamoris fremiscat,  
 Iura tori neque sancta curet:  
 Versatur illic Cerbereus furor,  
 Discordia horrens Cyclade scissili  
 Bacchatur, incinctæque diris  
 Eumenides dominantur hydrys.  
 Testis Thyestes, & Pelopis nurus  
 Incesta, Lemni & fœmineum nefas,  
 Absorptus ad Thebâsque merfis  
 Amphiarus humo quadrigis.  
 Quid notius quàm trux quæ in Iasone  
 Medea gessit, munera flammeis  
 Imbuta cum misit venenis,  
 Diuitias Ephyræque vertit?  
 Incendio Rex interit Creon  
 Ambustus illo coniuge cum noua,  
 Dextrâque crudeli parentis  
 Innocui perire nati.  
 Hortatibus non quòd sit opus meis  
 Hæc explicaui: at gratior vt foret  
 Qua vincta mecum pax fidésque  
 Me mihi chara magis Geloni.

### Ad Hilermum Bellaium toparchum clarissimum.

Postquam constitui domi manere  
 Propter tædia morbidæ senectæ,  
 Infestum & grauis herniæ laborem,  
 Nec me posse vagos sequi Tetrarchas,  
 Nec tam incommoda ferre dura vidi:  
 Ne me Pieridum choris salutem  
 Dixisse, æréve dirutum putares

Non vltra Aonijs merere castris,  
 Istæc militiæ prioris acta,  
 Hoc est carmina pauca dedicaui  
 Bellai tibi, mihi cum fuisses  
 Dux & signifer hisce semper armis.  
 Quæ si pumice sint polita nullo,  
 Ascribes cumulo molestiarum  
 Quæ me angunt, ideo quodd appetente  
 AEtatis senio magis magisque  
 Morbis discrucier laboriosis.  
 Assuetum tamen Ennium poetam  
 (Esset cum podagræ dolore tortus)  
 Versus conficere, & tuba duella  
 Grandi gesta ferunt sonare quondam.  
 Impar sim licet Ennio, doloris  
 Nonnunquam in medio mei poctor,  
 Angorem & fidium canore solor.  
 Sic (vt maxima conferam minutis)  
 Cum Briseida peruicax Achilles  
 Raptam à Plistenide doleret olim,  
 Mœrorem lyricis modis leuabat.  
 Siquis ne faciam vetet poema,  
 Méque à dulcibus arceat Camœnis,  
 AEgrescant magis ac magis dolores,  
 Vix menssem & fuero superstes vnum,  
 Curarum agmine tædiôque morbi.  
 Qui me deside conficit veterno.

### Ad Helenum Chærestium sororis filiū.

Elige angustos agedum penates,  
 Linque Chæresti fora, pelle curas,  
 Curua si cordi est lyra, Thespiarum &  
     Sacra Dearum.  
 Est tibi ad Launi viridans agellus,  
 Viçites in quo procul à tumultu

Ciuium, cuncta & fugitans honorum  
Grandia vites.

Consulent fortasse aliter parentes,  
Quos mouet flatus popularis auræ,  
Quique egestatem reputant supremum  
Esse malorum.

Degere at parco tenuique victu  
Ipse iam primis didicisti ab annis,  
Et leuem fumum, & procerum superbos  
Temnere fastus.

Plurima in magnis opibus pericla  
Esse te sacræ docuere chartæ,  
Propriæ si cor tamen vlla tangat  
Cura salutis.

Notus & cui non epulo ille diues  
Ignei fundo Barathri sepultus,  
Dum dapes lautas amat, & suauis  
Gaudia vitæ?

Ebrii fuco Tyrio tapetes  
Tonfiles, mensas citreâs tegebant,  
Omnis argento domus enitebat,  
Omnis & auro.

Ille sarrano recubans in ostro,  
Bacchicum gemma laticem bibebat,  
Quicquid & rarum sapidumque auaro  
Ventre vorabat.

Sæpe conuiuiis peregrina vina  
Persicóque escas dedit apparatu,  
Adiacens dixit regio omnis illum  
Sæpe beatum,

Interim tetra scabie vlcerosus  
Lazarus, tabens senio, faméque,  
Ante consedit nitidas Toparchi  
Diuitis ædes.

Esui & præberi aliquid poposcit

Voce clamosa querulôque fletu,  
Siquid è mensa Domini superfit  
Vbere dandum.

Auribus surdis abeunt ministri,  
Nec viri quisquam precibus mouetur:  
At canes, eius medicante lambunt  
Vlcera lingua.

Signa vix se per duodena Titan  
Voluerat, cum mors inopem corusco  
Sustulit cælo, piccâsque ditem  
Misit ad vmbras.

Qui polum tollens oculos ad altum,  
In sinu vidit genitoris Abræ  
Lazarum, diuorum epulis in alma  
Luce fruentem.

Tum rogat patrem lachrymanter Abram  
Lazarum, vt mittat stygios ad ignes,  
Qui sitim sedet riguæ cupita in-  
spergine guttæ.

Inter hunc & te (Pater inquit) ingens  
Est chaos, densæ in medio tenebræ,  
Hinc inaccessus superisque manes  
Callis ad imos.

Nuper ad votum tibi res fluebant,  
Lazarus rursus mala multa passus:  
Ille nunc gaudet, gemis æstuoso  
Mersus Auerno.

Terreat res hæc homines repostis  
Semper assuetos inhiare gazis,  
Splendide ornari, genium affluenti  
Pascere luxu.

Ingeni vires hebetat sagina,  
Gloriæ fulgor stolidos inescat:  
Hæc caue, missa & face, delitescit  
Anguis in herba.  
Prædiis posthac ego Launianis



Tūque contenti, superest quod æui  
Ambitum citra placida exigamus  
Pace fruētes.

Non enim cuidam male suāsit olim  
Pindarus Crēti, tenuem vt cupressum  
Diligat, syluæ patriam feracem  
Linquat opacæ.

Cui sua arriident lare rura paruo  
Vrbium turba procul otiantī,  
Perperam huic certe prope causa agendi  
Tollitur omnis.

Quod libet si non licet, hæc velimus  
Quæ probat virtus, ratio suadet,  
Nec sibi clumbis sinuosa laxet  
Fræna voluptas.

Tam fuit nulli tenuis supellex,  
Parua tam nulli domus, arcta resque,  
Quin adhuc pauper mage post fuisse  
Funera vellet.

Plura cui Cæli Dominus talenta  
Credidit, reddat rationem vt ille  
Plurimum par est, magis hæcque onustus  
Luce recedat.

Rebus instructi modicis vterque,  
Fortiter casus toleremus omnes,  
Et lare angusto Dominum fideli  
Mente colamus,

Qui status fixis humiles ocellis  
Desuper spectat, neque commouetur  
Principum gazis opulentiorum, aut  
Diuite luxu.

## Ad Stephanum Aqueum toparchum clariss. de Epiphania.

Hac luce Reges purpurei Deum  
Videre cunis factum hominem suis,  
Aurumque, Orontæamque staten,  
Et tribuunt Nabathæa thura.

Hac luce lymphæ constituens sacræ  
Baptisina CHRISTS, limpida cæuli  
Iordanis intrauit fluenta,  
Primus aquis, voluitque tingi.

Hac luce coram discipulis nouis,  
Et matre dia vertit aquam in merum,  
Cum lege mensas nuptiali  
Extrueret Galilæa Cana.

Mysteriis hæc clara tribus dies  
Vatum piorum rite epigrammatis  
Laudata cantari meretur,  
His melicis Aqueæ & Camœnis.

Patri sit almo gloria perpetim,  
Eiisque proli, Spiritui & sacro,  
Quos mente constanter fideli,  
Tres numero & profitemur vnum.

## Ad virginem Mariam.

Natus & quis tam genio sinistro  
Vt tuas laudes patiat ægre  
Virgo, quæ primam nec habere es vnquam  
Visa sequentem?

Lilium vepres velut albet aspros  
Inter, & spinas rosa munda duras,  
Aureas sic tu Galilæis inter  
Nympha puellas.

Concipis quem olim puerum, parisque  
Absque congressu genitrix virili,  
Rebus in nostris agat vt remisso  
Iure precamur.

## De Iano Lascare Rhyndaceno.

Hic frigeranti sub nemorum coma,  
 Antrique grato margine roscidi,  
 Sol axe dum summo, leuſque  
 Sylua virens agitur aura:  
 AEstum Napææ dūmque agiles leuant  
 Molli sub vmbra:& sicubi vitreis  
 Fons purus erumpat scatebris,  
 Nuda lauent vbi membra, quærunť.  
 Hic stratus inquam, tu modo non neges  
 Regina eburnam Calliope chelyn,  
 Plectrūmque, vocalēſque chordas,  
 Et fidibus ſocianda verba:  
 Heroa dicam Laſcarin, editum  
 Auguſto auorum ſanguine Cæſarum,  
 Quos inter excellunt ſubactor  
 Siſthoniæ Theodorus oræ,  
 Ianuſque prudens. Horum ab origine  
 Clarus, iuuentæ tempora tranſigit  
 Non otio, imbelliue luxu,  
 Sed patriis eques acer armis.  
 Spe liberandi Boſphorus alluit  
 Quas preſſus arces, regnāque Dorica,  
 Oppreſſa Turcæis tyrannis,  
 Dura maris mala, dura terræ  
 Perpeſſus olim. nil vbi opis videt  
 In Chriſtianis Regibus, & ſuam  
 Deſperat à victoris armis  
 Poſſe via patriam eripi vlla,  
 Ad liberales protinus impigre  
 Conuerſus artes, ſcilicet otio  
 Ne ſegnīs indigno periret  
 Viſ animi generoſa magni,  
 Fandi leporem, & mella poetica,

Et disciplinas Socraticæ domus  
Mox (posset vt mirum videri)  
Mente auida sitienter hausit.  
Tum Phœbus illi cæsariem sacra  
Lauro reuinxit: vósque Deæ nouo  
Vati ora Permessi liquore, &  
Castaliis satiaſtis vndis.  
Tractu inde longi temporis aulica  
Spectatus inter sæpe negotia,  
Regesque, Tetrarchasque summos  
Conſiliis monitisque iuuit.  
Dilexit omnes, omnibus inuicem  
Dilectus, apta temperie ſciens  
Condire festiuis ſeuera,  
Tristiſque hilari verendus.  
Fautor bonarum præcipue artium,  
Quas ſic amauit, cætera vt omnia,  
Dum poſſet abiectas fouere,  
Ferre & opem modo, poſthaberet.  
Si te dediſſent aurea Laſcari  
Gratæ priorum ſecula Græciæ,  
Nunc nomen heu virtus inane  
Cum fuit in pretio, tuliſſes  
His digna factis præmia, & vt vagus  
Tot nationum regna per, Hercules,  
Libérque, Ledaíque fratres,  
Marmoreis colerere templis.  
Laudare quiſquis quandoquidem volet  
Te par vt, omnes colligat omnium  
Qui ſunt virorum, qui fuerunt,  
Vnus vt iis cumulere, laudes.

### Psalmi C X I X. paraphraſis.

Clamaui ad dominum dolore preſſus,  
Curarum & vario volutus æſtu:

Mœstas audiit ille mox querelas,  
 Ac placabilis affuit vocanti.  
 A prauis animam meam labellis  
 Illæsam tuare, liberæque  
 A lingua Deus alme fraudulenta.  
 Nam lingua quid iniquius scelestæ,  
 Concinnante dolos, calumniæque?  
 Hæc carbonibus igneis, potenti  
 Iactis hæc similis manu sagittis.  
 Tam longo hei mihi sum quodd incolatu  
 Inter vivere flebiles coactus,  
 In terra & peregrinus esse dura,  
 Inque angore meum comesse panem.  
 Cum iurgantibus insciisque pacis  
 Semper pacificus fui, loquebar  
 Et quæ pacis erant: at ii maligno  
 In me bella odio graues mouebant.

Ad Io. Bellaium Cardin. amplifs. cum  
 Romam proficisceretur.

Ergo iter tritum toties recalcas?  
 Nec viæ terret labor ullus aspræ?  
 Nec pruinofum caput inserentes  
 Nubibus Alpes?  
 Vndenam incessit tibi tantus ardor,  
 Ter quater Romam dominam videndi,  
 Quas & Hetrusca Tyberinus arces  
 Alluit vnda?  
 Non eo traxit tua te voluptas,  
 Vt solo dulcis patriæ relicto,  
 Inclyti quæ se titulis superbis  
 Iactat alumni,  
 Tam procul chara toties ab aula  
 Cederes, linquens properante gressu

Optimum Regem, procerumque cœtus  
Tristis amicos.

Te magis pacis ratio, reique  
Publicæ constans amor impulerunt,  
Et fides regno in dubiis probata  
Sæpe periclis:

Prorsus ut nullos fugeres labores,  
Barbarum vel si Tanaim iuberet,  
Si Tagum Princeps, refugiove Nili  
Quærere fontes.

Nuper admissis properans veredis  
Alpium euasti iuga iuncta cælo,  
Quæque dux Pœnus superauit acri  
Confraga aceto.

Proinde nil mirum tua si Sacerdos  
Summus appendens merita examussim,  
Docta velauit tibi florulento  
Tempora cocco:

Si tui Princeps memor ipse (quantis  
Iane sis absens, procul & remotus)  
Te tamen censu bect, ac merentem ho-  
noribus ornet.

Perge Bellai pede perge fausto,  
Quoque cœpisti, & patriam tuere,  
Sospitem quæ te reducémque votis  
Omnibus optat.

### Ad Io. Sanellium Paulinum.

Seu tu Stentoreis vocibus intonans  
Pubem Iane doces Iulioduniam,  
Nec parcis lateri, dummodo literas  
Purgatis bibat auribus:  
Seu cella tacite clausus in abdita  
Pangis suauifonis carmina versibus,  
Verlarisq; Deas inter, Hyantii

Quæ Tempe nemoris tenent:  
 Eia ð differ opus protinus, & meis  
 Da nugis operam, pumice quas bene  
 Deterlas tetrico Rutilii & tuo  
 In lucem edere cogito.  
 Has templi paries virginei facer  
 Ostendat modica publice in affula,  
 Has & turba frequens prætereuntium  
 Intentis oculis legat.  
 Ne mirere tamen si toties mihi  
 Laudetur genitrix Regis Olympici,  
 Quando non alia est pectine dignior  
 Vatum argenteolo cari.  
 Hæc ignara viri ventre perintegro  
 Enixa est Dominum, & lacte aluit suo:  
 Illum inquam Dominum cui mare naufragum,  
 Terra obtemperat, & polus.  
 Si Pauline igitur credis amiculo,  
 Nugis posthabitis prorsus inanibus,  
 In totus Mariæ laudibus innubæ  
 Mecum plectra mouens, eris.

## Ad Lazarum Bayfium supremæ Curia Confiliarium.

Lumen supremæ Lazare Curia,  
 Legationis munere regia  
 Qui functus, æternum reportas  
 Patribus à Venetis honorem:  
 Turbæ imperitæ barbara factio  
 Quid molliatur prouidus aspicias,  
 Quantòque conspiret furore  
 Artium in interitum bonarum.  
 Quod ni patronum res te Heliconia  
 Sit nacta fortem, & vindice ni manu

Tutere, lorica trilicique  
Eius opes prope dissipatas:  
De disciplinis ilicet omnibus  
Quas liberales iure bono vocant,  
Vtraque de lingua sit actum, &  
Parisiæ studiis Mineræ.  
Atqui Herculano robore præditus,  
Pulchræque adactus vi Sapientiæ  
Consorte Budæo, profani  
Monstra domas furiosa vulgi.  
Contra loquacem barbariem tibi est  
Contentio acris, iugéque prælium,  
Constanter hostiles retundenti  
Ægide Palladia tumultus.  
Damni quid & res necubi musica  
Defensor obstas, accipiat, vigil:  
Et lucè librorum fugantur  
Cimmeriæ tenebræ tuorum.  
Ciuiilibus tu lampada legibus  
Præfers coruscam, nubila discutis,  
Nodósque subtili latentes  
Mentiꝝ acutæ acie resoluis.  
Debet disertus caufidicus tibi,  
Debet iuuentus Lazare Gallica, &  
Si nosse cui cura est biremes  
Vsa quibus pelago vetustas.  
Huius precamur propositi tenax  
Artes bonas ô more tuo foue:  
Sic Regis inuicti fauore  
Semper honorifico fruaris.

### Ad Gelonidem.

O meis hærens penitus Geloni,  
(Sic Amor vati faueat) medullis.



Mecum & ð plus quàm Calybum perenni  
Vincta metalló.

De fide quid ceu male derelicta  
Hactenus certi quereris mariti,  
Mœstaque infana sine lege plangis  
Pectora dextra?

Pellicis forsan laqueis teneri  
Suspica reris, graue seruitutis  
Quem iugum exercet, variisque curis  
Aula fatigat.

De mea ne tu probitate quæso  
Hæsites, fidus tibi ego atque constans  
Quandiu dulcis reget hos manebo  
Spiritus artus.

Seu mihi sedem rapido perussi  
Sole Getuli, dederitque Leptis,  
Quæque contorquet volitante nimbo  
Syrtis arenas:

Seu latus mundi glaciæ rigescens  
Iugiter, tristi, niuibúsque densis,  
Te velim solam, tibi mancipatus  
Obsequar vni.

## Ad Mellinum Sangelasium Horti clausi Antistitem.

Quid me Sangelasii vsque & vsque iurgas,  
Configisque graui notatione,  
Addictum velut oppidóque seruum  
His sub imperiis Gelonidæis?  
Ægrotis dare, dum valemus ipsi,  
Rectum consilium solemus omnes,  
In nostrisque malis subinde cæci.  
Delicta alterius dracone Mauro,  
Iouisque alite perspicaciores

Visu figimus & notamus acri:  
 Nec quid mantica gestet ipsa tergo  
 Olim respicimus seuerè noster.  
 Atqui si subito Macrinus esses,  
 Censerès aliter, nec obsequentem  
 Me Nymphæ nimium meæ putares.  
 Quam cur suspicere atque amare porro,  
 Et supplex grauer esse, subditisque:  
 Cum Lucretia castitate dici, &  
 Forma Tyndaris elegante possit  
 Vna hæc me leuat omnium laborum,  
 Et curas abigit molestiores:  
 Vna hæc delicias iocôsque tractat,  
 Ac vitam facit esse suauiore:  
 Vna hæc denique fabulosa quicum,  
 Quicum seria diuidam, inque dulci  
 Consuetudine cuius acquiescam.

Ad Regem Franciscum de morte Lu-  
douicæ matris eius augustiss.

Late patentis maxime Galliæ  
 Franciscæ Princeps, inuidiam Deis  
 Iugi quid applorans querela  
 Visque moues, quòd adempta mater?  
 Illi modo illi, perpetuæ quibus  
 Spes nulla vitæ, flebiliter gemant,  
 Si forte turbarit penates  
 Tecta nigro Libitina peplo.  
 Illi cupresso limina funebri  
 Orbata velent, tristia præficæ  
 Lamenta nec desint, nec alti  
 Luxuries operosa busti.  
 Regina Carum sic opulens viro  
 Sepulchrum amato nobile condidit,

Quod deinde mirati extulerunt  
Laudibus immodicis nepotes.  
**A**Egyptum opimam, quâque papyrifer  
Stagnante Nilus diluuiο irrigat,  
Ad sydera educit minantes  
Pyramidas locuples Amasis.  
**Tu** cui hisce mater sit data legibus,  
Vt summa quādocunq; necessitas  
Diūmque consensus vocaret,  
Ad patrium reuolaret axem:  
**L**ongis laceſſas ne querimoniis  
Decreta fatorum, & ſtabiles colos:  
Neu more plebeio fatiſcat  
Vis animi generoſa magni.  
**R**egem atque vulgus non eadem decent,  
Perſonam age ipſam reſpice quā geris,  
Indigna maiestas pudendo  
Eſt tua ſuccubuiſſe luctu.  
**Sic** illa vixit flere ſit vt neſas  
Tam ſingularis funere ſceminæ,  
Admiſſa quæ menſis Deorum  
Nectareos bibit ore ſuccos.  
**Q**uæ luce ſcœlix ætherea vagas  
Nubes ſub ipſis nunc pedibus videt,  
Ac iuncta Cœleſtium quietis  
Ordinibus tua regna ab alto  
**C**uſtos tuctur. Proin meritæ pius  
Delubra viuο marimore conſtruas,  
Et flaminem, & ſacros quotannis  
Indigeti ſtatuas honores.  
**N**os turba vates Rex tua, debitas  
Laudes canemus, feſtâque carmina,  
Nec facta deleri parentis  
Immemori ſenio ſinemus.

# Ad Charilaum filiolum febricitatem.

Tene depascens Charilae febris  
Bimulum irretit teneros per artus  
Cæca grassatur rabiæ sine adustis

Insita venis?

Quis patrem posthac redeuntem ab vrbe,  
Blæfulo arridens hilarabit ore,  
Inque constricta iniiciet tenaces

Colla lacertos?

Iam tibi vestes hyali colore:

Mater infectas, crocæoque luto,

Balteum intexto graphicum Gelonis

Neuerat auro.

Tinnulis eccui crepitacula bullis

AEquoris baccis opulenta rubri:

Eccui ebur fabra dabiturque buxum

Arte politum?

En Philus villo niueo catellus

Affidet cunis domini iacentis,

Atque qua morbum potis est querela

Luget herilem.

Hic mouet nil te Charilae fili,

Nil fluor notæ riguis papillæ,

Quæque vagitus cohibebat ante

Nænia mœstos.

Quo tuum papare abiit minutum?

Quo tener risus saliente corde,

Venit ad fratris quoties Susanna

Garrula cunast

Gaudia in planctum tibi versa morbo

Sunt graui, pallor, macièsque vultum

Efferat, functi tenuis videris

Corporis vmbra.

Sospitem ô febrî fugiente reddat

Te mea, & matris prece motus æther,  
 Sis vt ambobus baculus caduceæ  
 Nate senectæ,

## Ad Gul. Budæum libellorum supplicum in Regia magistrum.

Quodd magni reditus tibi feruntur,  
 Multis prædia quodd iugis coluntur,  
 Quæ non miluius ambiat volatu,  
 E multis mihi prædicaris vnus.  
 Quodd centum tibi serias supràque  
 Digni Pontificum toris Lyæi  
 Explet vinea fertilis quotannis,  
 E multis mihi prædicaris vnus.  
 Quodd villa est tibi Marliana sculptu  
 Affabre, & variis polita signis,  
 Cultu & materiata sumptuoso,  
 E multis mihi prædicaris vnus.  
 Quodd vxorcula liberos pudica  
 Lætanti edidit vtriusque sexus,  
 Formosos, dociles, amabilesque,  
 E multis mihi prædicaris vnus.  
 Quodd te fert oculis amârtque Princeps,  
 Magistratibus euehitque claris,  
 Committens tibi supplices libellos,  
 E multis mihi prædicaris vnus.  
 At quodd Romuleos præmis nepotes  
 Rerum notitia eruditore,  
 Acri acumine, lectione iugi,  
 E paucis mihi prædicaris vnus.  
 Quodd Graiſm lepida elocutione  
 Sic præstas, mediis vt ortus Argis  
 Possis Pallados aut in vrbe credi,  
 E paucis mihi prædicaris vnus.

Manans corda riget desuper arida.

Vltro tu miserefcere

Affuctus, veniam das lachrymantibus.

Nam pleni opprobriis sumus,

Et fannis anima est nostra potentium

Heu mordacibus obuia,

Fastu qui tumido despiciunt, inops

Passim quicquid & infimum est:

Ex iis eripe nos, atque iterum asserere

Regni in læticiam tui,

Perfundens supera pectora grãtia,

Sancti nominis in decus,

Et cœlestis honorem omnipotentia:

## Ad Virginem CHRISTI matrem:

Mater Tonantis, virgo eadem simul

Salute fausta quam leuis aliger

Charam Deo ostenditque, & omnes

Ante hominum genitas beatam:

Natura victam se super, & suas

Leges refringi mullitat insolens,

Scitata quo hant magistro

Tanta opera, aut quibus architectis.

Humor pudica lacteus affatim

Mamma scaturit, virgineo sinu

Gestàsque adorandum puellum,

Quem nequeat capere omne cælum,

Miranda partus gaudia floridi,

Normamque matrum transgredientia!

Ignara congressus virilis

Nympha parens puerum, edidisti.

Te casta laudent ora fidelium,

Te consalutent Angelici chori,

Quæ Regis æterni coxam

Innuba progeniem tulisti.

Tu Mosis ardens legiferi rubus,  
 Quem lambit ignis, nec tamen officit,  
 Tangenda tu nunquam prophanis  
 Arca Dei manibus supremi.  
 Signat pudorem virginum rubus  
 Illæsus igni, & te ð genitrix pia,  
 Florente semper puritate,  
 Viuificum peperisse fructum.  
 Sacrarium te Rex fidicen vocat,  
 Dei parentem te Esaias canit,  
 Te montem inaccessum propheta,  
 Quem timuere lacu leones.  
 Te cæli honorat terra puerperam,  
 Laudumque festis plausibus euehit:  
 Dum viuet, aliam te Macrinus  
 Ipse suis celebrabit hymnis.  
 Non vlla nam mi pagina gratior,  
 Titillet aut quæ pectora valdius,  
 Cantamini quam qua decenti  
 Tuque puérque tuus Camœna.

### Ad Maturium Berenicum Iuliodunen.

Maturi AEoliis dedit cantibus  
 Iam tum inde à teneris primitus vnguibus,  
 Dic quanta ex lyrico carmine gignitur  
 Ludenti tibi suauitas:  
 Seu te fixa polo sydera lucido  
 Pulchro constituit quæ Deus ordine,  
 Seu sacram historiam efferre magis iuuet  
 Lucæ Euangeligraphie  
 Hoc præclarius, hoc crede beatius,  
 Quam si vulnifica belligerum latus  
 Accinctus framea, compita cursites  
 Noctu impune per urbica.  
 Nimirum hinc referes vulnere scæpius,

Incurtes miser in multa pericula,  
 Illinc ætherei florida præmii,  
 Contingent tibi gaudia.  
 Quocirca monitis si fueris meis,  
 Necnon consilio moriger vtili,  
 Constanter facies quod facis, & pius  
 Incumbes studiis libens.

Secundi libri Hymnorum finis.

# Salmonii Ma-

CRINI IVLIODVNEN:  
 Cubicularii Regii Hymnorum li-  
 ber tertius.

Ad Io. Bellaium S. R. E. Card.  
 amplifs.

Nulla pingatur mihi cartha posthac  
 Magne Bellai sine te, gerátque  
 Omnis augustum liber hoc & illo  
 Margine nomen.  
 Nonacris Perseo fuerat quod Harpe  
 Gorgonis contra furias Medusæ,  
 Ramus AENEÆ Stygias petenti  
 Aureus umbras:  
 Hoc erit Vati tua clara virtus,  
 Nominis necnon titulus verendi



Æmulos contra, rabidæque sæua  
 Toxica linguæ.  
 Pharmaco scite medicatus illo  
 Nil ego aduersas trepidabo pestes,  
 Quæque consuerunt mala fascinantes  
 Gignere Diræ.  
 Quin tui census ope fultus omni,  
 Hactenus nullis carui ipse rebus,  
 Multiplex vitæ quibus exigendæ  
 Vfus egeret.  
 Hæc bonæ vobis referam Camœnæ,  
 Inque membranis perarabo rasis,  
 Vos piis porro studiis neporum  
 Tradite famæ.

### Ad diuam virginem Mariam:

Migrate hinc procul ô procul prophani,  
 Nec solennibus interesse sacris  
 His nondum thyasis inaugurati:  
 Cantanda est genitrix mihi Tonantis  
 Cælo laudibus, & ferenda veris  
 Felicissima virginum atque matrum.  
 Vos casto huc sed enim venire gressu  
 Fas, quicumque pii, & fauere lingua,  
 Et festa requiete ferari,  
 Dum vates Mariæ poema pango  
 Matronæque poli, puerperæque,  
 Tactus nescia cum virilis esset.  
 Romana meditans melos Camœna,  
 Musæis operor focus sacerdos,  
 Noménque indigito parentis almæ,  
 Cuius viscera delibuta sancti  
 Dio chrismate Spiritus tulerunt  
 Cunctarum artificem arbitrumque rerum,  
 Authorem veniæ, ducem salutis.

Ecquo mi intima mens anhelat æstro?  
Quo præcordia concitantur æstur  
AEdes tota tremit, tholique vibrant,  
Subsultim sacer & tripus mouetur,  
Ac tinnitibus affremunt lebetes,  
Numen credite, numen ipse cerno,  
Et magnæ radiis parentis afflor.  
O cæli decus integella Virgo,  
Diuinæ sobolis beata mater,  
Claro sydera cui nitore cedunt,  
Tithoni senis & decora coniux,  
Et cum candidula sorore Titan:  
Quæ candore ebur, & niuem recentem,  
Et marmor Parium, premisque conchas  
Rubro quas legit Indus in profundo,  
Et canentia lilieta veris,  
Et mulctralia lactis alba puri,  
Vel si candidius quid esse possit.  
Te Princeps sibi sempiternus ille,  
Cuius numine temperatur orbis,  
Ex omni numero iuencularum,  
Et matrum grege destinauit vnam,  
Voto ac seposuit peculiari  
Assumentî hominem parens vt esses,  
Esses virgineo parens pudore  
Illibabilis, ante munda & omnes,  
Cuique haud vlla parem videret ætas.  
Optatum ô mihi non neges fauorem,  
Argutæ quoties chelys sonoras  
Plectro Lesbiano fides refringam,  
Pæana emodulans tibi dicandum,  
O cæli decus integella Virgo.

# Ad Franciscum Regem de Massilia liberata & Borbonio fugato.

Quis te esse curæ maxime Principum  
 Franciscæ posthac Cælicolis neget?  
 Authore quis CHRISTO refellat  
 Incolume hoc tibi stare regnum?  
 Id si profecto vnquam fuit antea  
 Re comprobatum, si indubitabile,  
 Hoc rerum inaudito tumultu,  
 Hisque adeo patuit periculis:  
 Cum Celtiberum transfuga copiis  
 Confusus, urbem Massiliam diu  
 Obsedit, infausis que demens  
 Bella auibus scelerata mouit.  
 Concussa primis Gallia motibus;  
 Prædonis ausus mœsta nefarios,  
 Et non inexpertos timebat  
 Militis occidui furores.  
 Mœrentis abs te Dux bone patriæ  
 Pendebat vno præsidium & salus,  
 Et te leuaturum ruinarum  
 Spes populis erat imminentem,  
 Si iusta fortis bella capefferes  
 In parricidam, & qua ditio patet  
 Ad nomen edicto vocares  
 Plebem alacrem, proceresque dandum.  
 Testatus illum cuius ope imperas,  
 Non stare per te, quo placida minus  
 Pace omnis Europe fruatur,  
 Gadibus à Tyriis ad Arcton  
 Istique Peucen, multaque conquerens  
 Huc te coactum, sollicita induis  
 Inuitus arma, & propter amnem

Castra locas Rhodanum, futurus  
Tantisper illic, dum coeat manus  
Externa, latæque agmina Franciæ,  
Nauarrus & quas Rex agebat  
Egregius iuuenis cohortes.  
Huic tincta fuce Sidonio chlamys  
Demissa tergo fulget, iaspide  
Stellatus Eoa sinistrum  
Cantabricus latus armat ensis.  
Vt cœpta in hostem castra mouerier,  
Iuncto que præcepit ponte Druentia  
Traiectus, & totam propinqua  
Planities aciem explicauit:  
Pugnæ futurum se ratus imparem,  
Claudique cernes Borbonides vias,  
Discessit, obsessamque turpi  
Massiliam effugio reliquit.  
Terrore cæcos tum sine & ordine  
A tergo euntes Galli equites premunt  
Passim, impedimentis que raptis  
Corpora multa virum trucidant.  
Nec luctuosis cædibus est modus  
Factus prius, quam exercitus hostium  
Amfractuosa arcem Monœci,  
Et scopulos Ligurum subiret.  
Victis ut instes iam superest, neque  
Coire rursus sparsam aciem sinas:  
Persæpe nam neglectus ignis,  
Exiguaque latens fauilla,  
Incendium ingens flamine quamlibet  
Paruo excitatus sustulit, auctus &  
Paulatim in immensum, vorauit  
Heu miseras rediuius vrbes.  
Virtus tueri parta, nihil minor  
Quam parta nondum quærere: viribus

Contende Rex totis precamur  
 Continuare diu hos triumphos:  
 Fecere qui te Scipiadis parem  
 Carlóque magno, cuius adhuc ferox  
 Saxóque Thuringísque clara  
 Rite memor recolit trophæa.

## Ad Gulielmum Mainum liberorum Francisci Regis præceptorem.

Inter illustres procerum cateruas  
 Vivere in summa poteramus aula,  
 Atque vestiri tenui Indicorum  
     Vellere Serum,  
 In foro causas celebri actitare,  
 Et reos linguæ eloquio tueri,  
 Vnde opes multæ mihi, & vnde merces  
     Cresceret ingens.

Extera naues onerare merce,  
 Et sinus mundi penitus latentes  
 Quærere, emptarum & pretio beari  
     Vbere rerum.

Captus at magno studio bonarum  
 Artium, vestroque Helicone Musæ,  
 Malui voti modicus paterno  
     Viure agello:

Malui cultor laris esse parui  
 Rebus angustis animosus, inter  
 Liberos dulces, & amica notæ  
     Fercula mensæ.

Me mei nondum Gulielme moris  
 Pœnitet, largos capioque fructus  
 Instituti huius, placet & quietæ  
     Formula vitæ.

Quid quod & multi, tenues poetæ

Hæcce fortunas, requiemque amœnam,  
Præferunt Regumque & Episcoporum  
Censibus amplis?

Quodd frequentatur domus arcta doctis  
Cœtibus, nostrum prece qui fauorem  
Ambiunt proni, cupiuntque chari  
Esse Macrino?

Publicæ grata vt monumenta ceræ  
Vrbis oblatos sileamque honores,  
Nec mihi raro cumulata ab ipsis  
Munera amicis.

Hoc statu terra in patria Maine  
Viuo, contentus nihil inuidenda  
Sorte, natorum numero, & placenti  
Coniuge fœlix.

### Ad Deum Patrem:

Rerum summe Parens, cuius ope omnia  
Tellus frugiferens passim animantia,  
Ceu mitissima mater  
Vescis frugibus educat.

Qui sole & pluuiis desuper imbribus  
Fœcundas & agros, pascua & herbida,  
Pisces amne marique,  
Necnon aere aues alis.

Si quondam Isacidas dulce tibi genus  
Vadentes Arabum per loca inhospita  
Celsa largus ab æthra  
Pauisti dape Cœlitum:

Nullo cuncta potens semine si creas,  
Et vitæ tribuis dona quibuscumlibet:  
Nunc mortalibus agris  
Apta ô suffice edulia.

Nam nos plasma tuum, nos tua plebs sumus,  
Aura te supera præside vescimur,

Nutrimenta precamur

Da te respicientibus.

Vt cum ceperimus quæ tua largitas

Indulgere solet, pectore mox pio

Necnon hymnifero ore

Soluamus tibi gratias.

## Ad Almaricum Tyrellium auum maternum.

Almarice tuus nepos Macrinus,

Ingratus foret, admodumque agrestis,

Et primæ immemor educationis,

Si de Castaliæ liquore lymphæ,

Quo Musæ faciles cum rigarunt,

Te prorsum duce præuióque ad amnem,

In præconia nil piásque laudes

Deriuaret aui, inter & vagantæ

Plebeiorum hominum silenter ymbras,

Contempto sineret iacere busto

Inculpatam animam, sacrosque manes.

Tu cunabula nanque nostra princeps,

Tu parui teneros nepotis annos

Fouisti gremio subinde molli, &

Cum infantiliter impedita vinclo,

Balbutiret adhuc tenace lingua,

Tu vocis modulos rudes figurans,

Et blæxæ dociles sonos loquelæ,

Mi verba articulata suggerebas,

Pappare & prætor meum regebas.

Mox cum firmior esse cœpit ætas,

Doctrinæque capax politioris,

Tu per præmiola apta contumacem,

Luctantemque pati scholare frænum,

Inuitans modo eburneis sigillis,

Conditis modo saccharo placentis,  
 Nunc & passere, carduelibusve,  
 Et volucribus id genus canoris,  
 Ut dempto ipse metu libros amarem,  
 Rudimentaque discerem: auferebas.  
 At mors ecce tibi interim volatu  
 Furtiuo ingruit, eripitque terris  
 Te canum (fateor) senemque: sed qui  
 Nelidem superare dignus esses,  
 Longosque Euboicæ dies Sibyllæ.  
 Hic orbata suo iuuenta ductu  
 Incœpit mea desiderare, chartis  
 Nec se dedere ceu prius solebat:  
 Ut cum pontinagæ magister alni  
 Clauum deseruit, vacillat illa, &  
 Toto naufraga fluctuat profundo.  
 Ecquæ his pro meritis tibi rependam?  
 Quo te carmine, prosequarque voto?  
 Circum odoriferi sepulchra flores  
 Confertim veniant, leuisque tellus  
 Compositis fiet ossibus iacentis.  
 Nec Vrsônia non Philippa tecum  
 Quæ consors thalami fuit, sed vnâ  
 Busto molliter in cauo quiescat,  
 Donèc iudicii vocet supremi  
 Cælestis tubicen, sonansque clangor.

### Ad Nicolaum Britannicū Campanum.

Mirum est quibusdam, docte Britannice,  
 Multi rogant & quid fieri queat  
 Sacræ quis vt legis professor,  
 Gnarus Apostolicæque voces,  
 Plerunque viuat flagitiosius  
 Iis qui molestis arua laboribus  
 Fœcunda sulcant, quique nunquam



Pierios adiere fontes.

Spernuntur illo dogmata nomine  
Diuina passim, multus & abstinet  
Euangelii à sanctis Camœnis,  
Motus ea ratione tantum.

Interpretantur non tamen æquiter,  
Nec sacra debent propterea male  
Audire, quòd plures periti  
Non, doceat velut illa, viuant.

Num qui coluntur frugiferi nitent  
Omnes agelli si solo inhuberi  
Frugisque dentur, num suoapte  
Protinus ingenio valebunt?

Fructum nec omnes sic animi ferunt  
Quanquam eruditi. Sed neque fertilis  
Terra absque cultura potis sit  
Latificos peperisse fructus.

Sine altera ergo est vtraque debilis,  
Vt CHRISTVS ipsis vocibus indicat,  
De semine olim quas locutus  
Dissimilem in segetem cadente est.

¶ Qremus omnes agricolam Deum,  
Effoeta nostræ mentis vt apparet  
Hæc arua, culturamque verbi  
Iniiciens, det habere frugem.

Nos terra sparso debita semini,  
Seménque verbum est, agricola & Deus,  
Cælestis afflatu Fauonii  
Semina sparsa fouens & agrum.

Ad Deum, in aduersis vt adsit.

O exercituum Deus,  
Cæli excelsa super culmina qui sedes  
Cinctus Spirituum choro,  
Circumque innumeris stantibus Angelis.

g. iiii.

Tu solus Deus omnium  
 Regnorum, expositis qua spatiis patent  
 Telluris sola Dædalæ,  
 Et qua fluctuago confraga rupium  
 Assultu mare verberat.  
 Tu stellata poli texta decemplicis,  
 Terramque ex nihilo facis,  
 Nec par artificum est vlla tibi manus.  
 Aures quæ so aperi tuas,  
 Mœstorum gemitum lugubrem vt audias.  
 Imas de Supero throno  
 Ad terras oculos flecte fauens, vti  
 Cernas quæ patimur mala,  
 Et nos sæuitia protege ab hostica.  
 A metis maris Indici,  
 Ad Phœbi occidui sera cubilia,  
 Numen solius ô tuum  
 Notescat populis orbem habitantibus.

## Ad Philippū Coffeium Pontificē Con- stātien. Delphini magnū eleæmona.

Pauperis vilem tegetem Molorchī,  
 Natus Alcmena celebrauit hospes,  
 Cum Cleonæi fera contudisset  
 Ora leonis.  
 Quam nisi intrasset generosus ille  
 Clauiger, longo & memor extulisset  
 Musa narratu, meminisset olim  
 Nemo fuisse.  
 Has quoque insignes mage reddis ædes  
 Pontifex, quæ te accipiunt, tuoque  
 Dexter aspectu, faciēque dulci  
 Tecta serenas.  
 Quin & extentis fidibus, chelyque

Obuius sumpta tuus ecce vates  
 Audet intranti tibi dedicatum  
     Dicere carmen.  
 Cui tamen tantus precor insit olim  
 O lepos, ætas adeoque viuax,  
 Hospitem vt noscant mihi te fuisse  
     Postera secla.  
 Pict id: Phœbus neque fallit augur  
 Certus obscuris dubiisque rebus,  
 Et mihi laurus crepitu vsta fœlix  
     Præbuit omen.

### Ad Carolum Caluum Iuliodunens.

Dum pabulosæ regna Britannia  
     Inuisis hospes, ditis & insulæ  
     Tot phana diuorum decora,  
     Tot celebres specularis vrbes,  
 Nos hic supini composito otio  
     Per læta vatis pascua Daunij  
     Erramus, Andinos Matinae  
     Instar apis, legimûsque flores.  
 At rura primum Gallica cum redûx  
     Calcabis, & te nostra Bononia  
     Spectabit aduenisse saluum,  
     Oceanoque alacrem remenso,  
 Quæcunque charis mira sodalibus  
     Narrabis, illa gente notaueris,  
     Maiôrne sit Princeps minôrve  
     Principe Francigenum Britannus:  
 Anne Angla Celtis natio Martiis  
     Ciuitatis laude domesticæ  
     Antistat, an sit conferendus  
     Vasconico Thamefis Garunnæ.  
 Atqui aure nobis ista bibentibus  
     Attentiori, sedulus ingerat

Belnenſe fœcundum miniſter,  
 Quôdque merum Genabi arua mittunt.  
 Sed barbara illinc iurgia ſint procul,  
 Nec more Thracum litibus improbis  
 Conuiua bacchetur, calentes  
 Impulerit ſimul ac Thyoneus.  
 Fuſi bimembres ſic Lapithis prius,  
 Dum vina mentem præcipitant nouæ  
 Vxor in raptum, ebriôſque  
 Extimulant ad iniqua bella.

### Ad Hilermum Bellaium cognomento Langium.

Muſarum columen, decûſque Langi,  
 Dulce & præſidium tui Macrini,  
 Si quæras quid agam procul remotus  
 A veſtræ & grege ſeparatus aulæ,  
 Dicetur tibi, verſibûſque paucis  
 Summa propoſiti mei pateſcet.  
 Non me ignauix inertixque dedo,  
 Aut indulgeo marcido ſopori  
 Muſtarum Endymion iuuncularum,  
 Nec delenificis dolofa Syren  
 Me vinctum illecebris tenet voluptas,  
 Præbens molle merum dapêſque raras,  
 Menſæ & lautitias opimioris.  
 Hæc peius cane, peius angue vito,  
 Et raro procul à domo recedo,  
 Cogar ne madidos ſequi, vagôſque,  
 Et turbam veterum ſodalitatum.  
 At contrà genium ſubinde fraudans,  
 Contraſtûſque domi, libros reuoluo, in  
 Gratiam & redeo nouem ſororum,  
 Quæ Pimpleide frigerantur vnibra,  
 Et caſtæ Aoniis lauantur yndis.

Doctis ingenium excolensque chartis,  
 Vitæ damna refarcio prioris.  
 Quo quidem in studio acquiesco fœlix,  
 Quicquam ipso neque maius esse duco.  
 Et sic exhilaror, triumpho, regno:  
 Nunc demum ut mihi vivere ac fruisce  
 Optati videar quiete portus.  
 Hoc tantum quod abes, mihi molestum est,  
 Et sim colloquii tui quod expers,  
 Musarum columnen, decusque Langi.

## De pluuiis & tempestatibus, ad Deum.

Iam continenti prodigialiter  
 Septem dierum curriculo pluit,  
 Reclusa ceu nimbis sit ingens  
 Imbriferi cataracta cæli.  
 Mortalium mens anxia iam metu  
 Antiquæ Pyrrhæ secula cogitat,  
 Cum regna submersitque gentes  
 Fluctifonis cataclysmus vndis.  
 Iam strata mœstos agricolas seges  
 Angit, carent & fructibus arbores,  
 Decussit enatos furenti  
 Impete quos violentus Auster:  
 Immobili seu lege necessitas  
 Humentis anni diluvium hoc mouet,  
 Imbres ut effundant in vnam  
 Signa meant & aquosa sedem:  
 Siue imminentis non dubium mali  
 Præsaga monstrum Pleias ingerit,  
 Quo constet ô supreme Princeps  
 Te vitis hominum esse læsum.  
 Sic cum Gigantum terribilis cohors  
 Titaniorum scanderet æthera,  
 Confusa robustis lacertis,  
 Spéque nimis tumefacta vana,

Tu fontium ausis concitus impiis,  
Missi tremendo fulminis impetu  
Euertis vnà illos, onustis  
Montibus impositosque montes.  
Immanis & cum cæde Lycaonis  
Offensus, orbem perdere destinas,  
Iuges quaterdenis diebus  
Humifico ruis axe nimbos.

Quod ni minuta Deucalion rate  
Lectique consors Pyrrha biuerticem  
Parnasson elapsi petissent,  
Fatidicæ Themidôsque templum,  
Iam tum procella vindice fluctuum  
Vndæ obruissent omne hominum genus:  
Sarcire merforum ruinas  
Nam ii lapidum potuere iactu.

At seu perenni lege necessitas,  
Sive imminentis prodigium mali  
Hæc flabra conuoluunt, grauésque  
Horrissono tonitru procellas,  
Tu maior illis atque potentior  
Supreme Princeps, omnia numine  
Curas inadstricto, tutumque ad  
Arbitrium, imperitâsque fatis.

Audi obsecrantis proin lachrymabiles  
Orbis querelas, & scelerum immemor  
Compesce nostrorum furentem  
Diluuiem, pluuiâsque seda.

Præuaricantes sit satis hætenus  
Luisse nos hæc, ob vitia improba,  
Pacemque tranquillo petentes  
Respice iam Deus alme vultu.

Sæuere culpis tot capitalibus  
Læsum haud negamus te merito Pater,  
Maiora & admissis fatemur

Supplicia esse adhibenda nostris.  
 Peccamus atqui si quoties velis  
 Punire fontes, telæque flammea  
 Torquere ab excelsis, tua omnem  
 Ira breui vacuabit orbem.  
 Rex CHRISTVS olim cur hominem induit,  
 Duræque passus supplicium crucis:  
 Tete nisi ut mitem doceret  
 In populos, veniæque largum?

### Latatur ob redditam serenitatem:

Post atros nebulis dies,  
 Et fœda imbriferis tempora flatibus  
 Austri iugiter humidi,  
 Mixta & turbinibus fulgura concitis,  
 Cæli grata serenitas,  
 Aurarumque tepor lene strepentium,  
 Ac spissæ nemorum comæ,  
 Illimis tremula sicubi fons aqua  
 Præter prata virentia,  
 Conuallésque fugax labitur herbidas,  
 Ad scribendum animos mouent,  
 Et curæ studium mi chelys excitant.  
 Non Mauortia ut audeam  
 Heroum fidicen dicere prælia,  
 Tristésque AEacidæ minas,  
 Quas rapta iacit iratus amicula:  
 Non ut Scipiadas equis  
 Inuectos niueis in Capitolium  
 Sapphus carmine concinam:  
 Hunc quod Sidonium contuderit Ducem,  
 Victa & nomen ab Aphrica,  
 Primus Romulidum rettulerit patrum:  
 Illum quod Syriæ agmina  
 Cum magno Antiocho vicerit, & bona

Cis Taurum spoliauerit  
 Regni parte sui: Sit mihi suauius  
 CHRISTI Principis omnium,  
 Et laudes Mariæ virginis inclytas,  
 Diuorūque celebrium  
 Cum CHRISTO ætherea luce fruuentium,  
 Hac testudine promere  
 Tantisper, numeris dum grauioribus  
 Assuescit mea Picris,  
 Discens Mæoniam grandiloquentiam,  
 Siqua effingere sit potis  
 In præconia rerum artificis Dei.

### Precatio vespertina.

Ante finitæ Deus alme lucis  
 Terminum, fusa prece supplicamus,  
 Nos vt assueto tueare custos  
 Semper amiore.  
 Somnia à nobis procul atra cedant,  
 Terreant motam neque spectra mentem,  
 Neu soporati maculemur hostem  
 Comprime vafrum.  
 Hoc Pater rerum venerande præsta  
 Per tuum natum Dominūque nostrum,  
 Cuncta tu quicum moderaris & cum  
 Flamme sancto.

### Ad Claudium Cappusium librarium Regium.

Quando ipsi sitiunt amice fontes,  
 Et me vis tibi missitare versus,  
 Votis paruerim tuis libenter,  
 Atque hæc qualiacunque nostra mittam,  
 Hoc est, ligna feram in nemus, quod aiunt,  
 Et ponto latices ineptus addam.



Hoc pacto tamen, hæcque lege tantum,  
 Ut pro quisquiliis ineptiisque  
 Effugit mea quas inops Thalia,  
 Tu nobis tua mutuo remittas  
 Exacta & tetricum probata ad vnguem,  
 Quæ quando libitum est fauente Phœbo  
 Et dextris facis affabre Camœnis  
 In vatam numero Latina Syren.

Ad Odonem Collignium Cardinalem  
Castillionæum ampliss.

Odo purpurei decus Senatus,  
 Ante annos merito create Præsul  
 Sensu, moribus, eruditione,  
 Hanc febrem ut male Dii Deæque perdant,  
 Quæ te tot cruciat molesta menses,  
 Nec nauare operam finit Camœnis  
 Liberalibus, ut prius solebas,  
 Et sermonibus vtriusque linguæ,  
 In quas iam tenero eminens ab vngui,  
 A tergo & comites tuos relinquens  
 Florebas ita: sic equis & albis  
 AEquales puer antè gnarus ibas,  
 Ut spe incredibili, indole & beata,  
 Gaudio afficeret tuos amicos,  
 Atque ipsum prope vinceret Beraldum,  
 Quo nil tersius elegantiusque,  
 Cultæ munditia ac lepore linguæ.  
 Nunc morbo ah lepidæ silent Camœnæ,  
 Nec iam personat aula litteratis  
 Tua heu colloquiis, identidemque  
 Cogor dicere, & acer imprecari  
 Hanc febrem ut male Dii Deæque perdant,  
 Quæ te tot cruciat molesta menses,

Odo purpurei decus Senatus.

De eo qui edicta Iuliani Cæsaris in  
Christianos Nicomediæ discerpfit.

Te quibus exornem numeris fortissime martyr,  
Edicta qui nefaria,

Infanasque foro medio discerpere leges  
Non extimescis Cæsaris?

Tam clarum admirans facinus Bithynia vidit  
Atque ipsa Nicomedia:

Cum tu mirifico C H R I S T I inflammatus amore,  
Firmoque constans pectore

Carnificum risisti enses, incendia, & vncos,  
Plumbum, fidiculas, malleos.

Cumque irrupisti densum moriturus in agmen,  
Spretisque sanctionibus

Vulgari toto quas iusserat orbe Tyrannus  
Crudelis ille apostata,

In Domini infontes famulos interritus alta  
Voce efferum redarguis,

Qui statuas C H R I S T O velit atque idola relicto  
Cæsis adorari hostiis.

Non mihi Dorotheus simul & Gorgonius hic sunt  
Honore fraudandi suo,

Qui tua consiliis animantes pectora fidis,  
Ferenda suadent omnia,

Mille & inauditis cruciatibus antè cadendum,  
Veri abneganda quam Dei

Exposita indignis licet heu mysteria probris  
A Iuliano perfido.

Accensos tu igitur viuens coniectus in ignes,  
Sudum euolas ad æthera.

Maceror hoc vnum, & laudi fero deesse moleste  
Sanctissime ô Martyr tuæ,

Pigra quodd inuoluit ignarum incuria nomen,  
 Nec tradidit nepotibus.  
 Sed tamen æterno cælestis codice vitæ est  
 Notis figuratum aureis:  
 Sic vt nulla queant quantumlibet inuida posthac  
 Illi nocere obliuia.  
 At tu exemplar eris venturo nobile sæclo  
 Quid ferre nos oporteat  
 Ante Evangelii quàm sacra fidemque sinamus  
 Sua carere gloria,  
 Veridico & præferri hominum mendacia CHRISTO,  
 Laus cuius absque termino est.

## CHRISTVM vitæ æternæ myste- rium mortalibus aperuisse.

Oscines quasdam veluti volucres  
 Lignea claufas cauea videmus;  
 AEmula voces hominum scienter  
 Fingere lingua,  
 Nosse verborum neque vim suorum,  
 Cûrve dicantur, quid & illa signent,  
 Sed sonos citra rationis vsum  
 Fundere inanes.  
 Non secus multos itidem loquentes  
 De Deo rebûsque sacris videre est  
 Sæpe sermones fatuos sine vllò  
 Promere sensu.  
 Id Sophis æuo Phariis priore  
 Contigit, Græcis paritèrque & Indis,  
 Ante quàm CHRISTVS sua protulisset  
 Lumina mundo.  
 Cæterum templi simul atque velum  
 Prorsus est illo moriente scissum, &

Sancta Sanctorum patuere nullis  
Abdita claustris.

Spiritus postquam sacer ille summo  
Missus à cælo, calefecit igni  
Intimas mentes, & Apostolorum  
Corda nouauit:

Vanitas ingens veterum Sophiorum  
Tum redarguta est, & ineptus error,  
Tum suis Phœbus dare verba Delphis  
Desiit augur.

Tum Libys mutus quoque factus Ammon,  
Atque Cyrrhæi tripodes, Clarosque,  
Nec specus quicquam blaterat Trophoni,  
Amphilochusve.

Iure nimirum, veniente quando  
Sole & Eoas iaculante flammæ,  
Eius obscuram radiis decebat  
Cedere noctem.

Par fuit claro tenebras diei  
Atque virtuti dare terga noxam,  
Par Deo vero dare fraudulentos  
Dæmonas herbain.

Ergo solennes sine fine CHRISTO  
Sint Deo laudes hominisque, qui nos  
A malis tutos Geniis nefandi  
Afferit Orci.

Qui docet quæ sint sacra grata Patri  
Maximo, nobis sit & ambulandum  
Qua via, vt tandem redeamus vnde  
Venimus olim.

### Ad Gelonidem.

Quam te, sentio, amem Geloni coniux,  
Cum mentem sua solitudo pascit  
Gratæ nectare cogitationis:  
Cum liber procul arbitris remotis

Sedato strepitu negotiorum,  
 Mecum inuissito solus ambulando.  
 Nam male inteream Geloni, si tum  
 Ex omni numero iuuenularum,  
 Quæ passim in domina videntur aula,  
 Te præter subit vlla mancipatum,  
 Pendentemque tuo ex amore vatem.  
 Quid rerum ò mea nunc agas voluto,  
 Quæ tecum comites, quibusque opellis  
 Tunc desiderium leues mariti.  
 Mox ad gaudia iam peracta versus,  
 Ad lusus lepidos lubentiâsque,  
 Me nuper quibus ipsa recreasti,  
 Suspiro miser, æque pectore imo  
 Educens gemitus, subinde dico:  
 Si posthac sine te Geloni viuam,  
 Postremûsque hominum miserrimûsque  
 Iratam experiar mihi Dionen.

### Ad Io. Baiardû Cœnobiarchâ Issiodoreû.

Quantum fatigat mentem hominum furor  
 Baiarde, quanta heu pectora cæcitas  
 Obscurat, illusiisque sese  
 Sensibus insinuant tenebræ!  
 Mortalium pars maxima liberos  
 Hoc concupiscens proposito fouet,  
 Hac mente lætatur sibi esse  
 Progeniem numerosiore:  
 Crescente sensim vt postquam adoleuerit  
 AEuo illa, & artes ingenuas capax  
 Libarit ipsis sub magistris,  
 Mox ad opes, properetque quæstum.  
 In omne pulchris diuitiis decus,  
 Omnes honores, & sita commoda,  
 Huc vota tendunt, huc labores,

Corporis huc animique vires.  
 Nulla interim de numine mentio,  
 Veroque cultu numinis, & quibus  
 Huic disciplinis fit litandum,  
 Sacrificii placeat quis usus.  
 Gratum Tonanti pectus vt innocens  
 Nil est peræque, vitæque sordium  
 Ignara: maiestas suprema est  
 Præcipue hoc veneranda cultu:  
 Quem si quis insons obtulerit Deo,  
 Placabit illum. sin scelerum reus,  
 Commissa planctu lachrymisque  
 Eluat, & veniam precetur:  
 Nunquam relabi sollicitus velit,  
 Constantiamque hanc prouidus afferat,  
 Contingat vt ne peius ipsi  
 Si toties iteret quod obsit.  
 Non thura, non aurum exigit à suis  
 Gemmasve Christus, non holoserica  
 Bis mersa Cadmæis ahenis,  
 De Pario neque templa saxo.  
 Primum ergo mentis candida puritas,  
 At poenitudo sacrum erit alterum,  
 Delicta flenti profuturum, &  
 Consilia in melius nouanti.  
 Addetur et si tertia victima,  
 Qua rite læsum propitiem Deum,  
 Solabor afflicto, egentes  
 Largus alam, medicabor ægris.  
 In cogitatu multus ero precum: &  
 Cum hæc perseverans omnia fecerim,  
 Fecisse me nil confitebor,  
 Ista magis tribuamque C H R I S T O.

# Ad Franciscum Fulcetium theologum Iuliodunens.

Lacte Fulceti niueo bonarum  
 Artium, & sacri dape paste verbi,  
 Dic pium mecum fidibus Latinis  
     Dic age carmen.  
 Gentibus cunctis oriturum, & orbi  
 Enthei CHRISTVM cecinere vates,  
 Nec fefellerunt, pater ecce misit  
     Cælitus illum.  
 Factus è casta est homo matre verus  
 CHRISTVS, æterni soboles parentis,  
 Spiritu sancto penetrante puram  
     Virginis altum.  
 Dius exortu puer auspicato  
 Dempfit occasum, tenebras fugavit,  
 Induit nostram Deus & figuram,  
     Seruet vt omnes.  
 Integrum vitæ, scelerisq; purum  
 Pontius iudex Solyma vrbe damnat,  
 Sontis ad vocem populi gelatus  
     Corda timore.  
 Flagra pòst diræ colaphósque gentis,  
 Spinea pressum caput & corona,  
 Ardua exhalans animam pependit  
     In cruce Soter.  
 Mortuus, mortem vt superet suorum,  
 Ianua est vitæ melioris hæc mors:  
 Nam fuit nobis moriens salúsque &  
     Vita redemptor.  
 Saxeo fidi comites reponunt  
 Membra sub noctem tumulto sacrata,  
 Orbis & lati brevis vrna Regem  
     Continet alnum.  
 Tres dies corpus fuit in sepulchro,

Ad nigros manes anima eius iuit,  
Inde surrexit rediuuius, ore &  
Lucidus aureo.

Nube sublimis tenui, astra coetu  
Scandit alato comitante Diuūm,  
Patris ad dextram residet, quousque  
Iudicet omnes.

Nanque venturus, niueos ab hœdis  
Segreget fuscis vti pastor agnos,  
Æquus assignet sua & vniuersis  
Præmia censor.

### Ad Pacificum Salmoniū fratris filium.

Instas Pacifice, & molestus vrges,  
Præscribam vt tibi diligenter, ecquid  
Euadas vti doctus, est agendum,  
Et scribas numeros venustiores:  
Quales Cæsius & Saleius olim  
Terfſusque edidit ante Flaccus illos,  
Flaccus Pindaricæ decus Camœnæ.  
Non certe mihi id otii relictum est,  
Hæc vt fufius explicare possim:  
Nec doctrina ea, Musicæ vel artis  
Consummatio, vt erudire quenquam  
Perfekte valeam, bonūque demum  
Certis reddere regulis poetam.  
Qui, quod non habeam, dare ipse possim:  
Hoc dicam modo, pauculisque verbis  
Explanabo, vti patruī Macrini  
Sis ob hanc memor institutionem,  
Dictis promoueas domesticisque.  
Si credis mihi, cum stylum parabis,  
Accingêris & æmulationi,  
Duntaxat veteres leges poetas:  
Nec cunctos tamen, ast eos recepta



Qui carmen feriunt probum moneta.  
 Non est hęc opus indicare qui sint,  
 Quiuis ẽ triuio docebit istud.  
 Posthęc schemata sedulo notabis,  
 Illorũmque phrasim, tropos, figuras,  
 Et fœliciter ordinata verba.  
 Siquid historicum poeticũmve,  
 Aut siquid physicum erues, & acri  
 Attendes studio anxiaque cura.  
 Postremo quoniam artium magister  
 Est vsus, iubeo vt subinde carmen  
 Componas numero modo hoc, modo illo,  
 Assuetudine robores Camœnam,  
 Atque exercitio stylum fatiges.  
 Tum si forte tibi poema fœlix  
 Phœbi compositum fauentis œstro est,  
 Ne tu propterea tumore vano  
 Insleris, tibi nẽve ineptus vni  
 Credas, Quintilios adi seueros,  
 Ipsorum & tua subde scripta linæ.  
 Hoc si consilium sequẽre, nec te  
 Præbebis monitis meis rebellem,  
 Vix certe effluet integellus annus,  
 Cum iam commoda luculenta cernes  
 Sementis patræ, vberẽmque messẽm,  
 Et Iulii paries decus colonis.

### De obitu Iac. Fabri Stapulens.

Ergone flagrans ille Deo senex,  
 Afflatus almo pectora Spiritu,  
 Et disciplinarum recoctus  
 Omnigena Stapulensis arte,  
 Entheca virtutum & Sapientiæ,  
 Quo iustiore Gallia non tulit  
 A sesquimillenis & vltra

(Quamquam hominum illa ferax sit)annis:  
Terras relinquens, interitu suo  
Mœrore cunctos obruit intimo,  
Quicumque alebantur senili  
Frugiferi Sophia magistrie  
Longæuus etsi, non tamen occidit  
Minore damno, flebilis aut minus,  
Ætate cum iam fessa humiatum  
Ut iuuenem quærentur omnes.  
Syren voluptas improba sobrium  
Non fregit vnquam Cypridis aut gulæ,  
Nec se sibi vni procreatum, at  
Vtilitati hominum putauit.  
Eius libellos orbe Britannia  
Diuisa toto, Gallus, & Italus  
Volunt, & Istrum septicornem  
Qui bibit, Hesperiumque Bethim.  
Claras ob artes plurima pertulit,  
Exercuitque hunc immeritum diu  
Sorbona Hyantæis alumnis  
Æqua parum, nimium Sophistis.  
Immotus acres sustinuit minas,  
Constantiæque haud flectere de via,  
Attrita ceu rupes ab vndis  
Proposuit, potuitve cogi.  
Æui peracto iam prope seculo  
Morbo grauatus quàm senio minus,  
Efflauit instar dormientis  
Sanctam animam tenues in auras.  
Senis loquentis C H R I S T V S ad vltimum  
Versatus ore est, vnâque vox fuit,  
Laus vna C H R I S T V S, cantioque:  
Et dubitem hunc aduiffe cælum

## De morbo Mariæ filiolæ.

An'ne curarum mihi iugis ordo  
Offeret sese? dabitur nec vnquam  
Turbidæ menti requies, modûsque  
Sortis amaræ?

O meis cœptis inimica fata!  
Annus ô carbone nigro notandus!  
Quæ mihi angorum seges affluenti  
Vbere surgit!

Me prope afflixit modo vanus astu  
Hostis occulto, nocitura fingens  
Multa in infantis caput, & susurris  
Præmia captans.

Coniugi iam sex vterum ferenti  
Plus minus menses grauior repente  
Morbus incessit, miseramque longo  
Tempore torfit.

Sed tamen partu facili leuata,  
Cœperat pulso reualere morbo,  
Cum suas se Fors iterum maligna  
Vertit ad artes.

Mense nam vix dum Mariam peracto  
Langor obrepens & aquosus hydrops  
Implicat furtim, teneramque dura  
Tabæ fatigat.

Mater effusis lachrymis liquefcens  
Filiæ ob morbum queritur Gelonis,  
Filiæ qua non patriis sit vlla  
Pulchrior oris.

Finis ecquando Superi tot atris  
Cladibus per vos erit? ô precamur  
Este contenti, & meliore mœstos  
Cernite vultu.

## De Innocentium infanticidio.

Huc huc Erynnis fer rapidum pedem,  
Regemque aduncis vnguibus arripe,  
Lactentium qui se profuso  
Polluit horrificus cruore.  
Regnæne tanta corda cupidine  
Humana flagrant, sic diademata  
Quærentur, vt stricto oppidatim  
Immeritus fluat ense sanguis?  
Nudum obsoletis præstet in ædibus,  
Fuliginosæ sordibus & casæ  
Algere, & insuauis lupino,  
Lente paretoniæque vesci:  
Quam tot nefandis cædibus oblitum,  
Istis que opertum flagitiis, manu  
Gestare sceptrum, purpuræque  
In trabea Tyriæ videri.  
Tam clade fratrum quam popularium  
Fœdis ruinis hic solium rapit,  
Indebitam extinctoque necit  
Antigono capiti coronam.  
Antoniana quippe potentia  
Fretus satelles, nomina regia  
Inuasit, Hircanum hinc necando  
Vi Solymas sibi iunxit arces.  
Mox sumptuosis oppida mœnibus  
Hebræa cingens turræque plurima,  
Auxitque vires, & coactis  
Imperium stabiliuit armis.  
Atqui scelestum nulla sagacitas  
Tutetur vnquam, quin quoties tonat  
Palle scat exangui timore,  
Horreat & strepitus inanes.  
Nam quod Prophetarum entlica pectora

Tunc nasciturum prodiderant ducem  
De stirpe Iudæa, secundis  
Qui populum auspiciis teneret:  
**A** Sogdianis præterea Magis  
De luce factus certior aurea  
Stellæ micantis, quæ iis fuisset  
Causa viæ Solymas ad vrbes:  
**R**egno excidendi sollicitus metu,  
Non iure partum quod sibi cerneret,  
Bacchatur Herodes, furitque in  
Pignora vix bene nata matrum.  
**I**llo cruoris diluuiο ferunt  
Diro puellum vulnere regium  
Confossum, inundantique tabo  
Oppida cuncta & agros natasse.  
**A**udita vox est per Libani iuga,  
Carmelus & quæ culmina porrigit,  
Palmosa nec mœstis parentum  
Non maduit lachrymis Idume.  
**O** Caspia rex tigride sæuior,  
Quam raptor audax præcipiti dolo  
Orbavit, & paruos anhelis  
Surripuit catulos veredis:  
**N**on te mouebant tot puerilium  
Horrenda passim funera cladium,  
Sparsæque bullanti cruore  
Tot plateæ, fora, templa, vici:  
**I**mpune sed non hæc tibi perdiu  
Cessere: nam tu fraude nefaria  
Mactare quem nixus, tuum mox  
Puniit omnipotens furorem:  
**I**ustoque vindex iudicio obruit,  
Ad stagna Lethes flammea destinans,  
Illic ut æternis gehennæ  
Vsq̃ue miser cruciari pœnis.

Apud ni vt quoties tuum patronum  
 Nostri mentio fiet vlla, saltem  
 Notum olim tibi me fuisse dicas,  
 Absentemque aliqua iuues opella.  
 Voti hæc summa mei est diserte Claudī,  
 Nec quicquam amplius exigo vel opto,  
 Hoc sat officio superque fœlix,  
 Hoc candorēque testimoniūque.

### Ad Io. Bellaium S.R.E. Cardinalem.

Salve Pontificum decus immortale piorum,  
 Tutela præsens vatibus:  
 Ambitio quem non ad honorum culmina tanta,  
 Sed sola virtus extulit.  
 Quippe vbi non nimium naris Franciscus obescit,  
 Cui regna parent Gallica,  
 Doctrinam raris coniunctam moribus in te  
 Cum singulari industria,  
 Seria per grauium vidit molimina rerum,  
 Creperamque casuum aleam,  
 Huc dum temporibus dubiis orator & illuc  
 Frequens ab ipso mitteris  
 Eloquio vt dulci flectas fera pectora Regum  
 Irasque perduellium:  
 Has non in tenebris est passus inertibus artes  
 Segni & iacere puluere:  
 Participem sed enim augusto dedit esse Senatu  
 Secretioris consilii.  
 Idem Pontificem statuit te principis vrbis,  
 Quam varus intrat Sequana.  
 Nec, quam Romulea tegeret tibi tempora Paulus  
 Prius quicuit, purpura.  
 Qui quanuis honor est regum prope culminibus par,  
 Tuis tamen virtutibus  
 Pendere si trutina iuuet haud indebitus æqua,

Vel hoc abunde nomine  
 (Cætera si desint quæ conspicienda refulgent  
 In te erudite Pontifex  
 Ornamenta animi) quodd ad hæc fastigia vectus,  
 Vique hac opum circumfluens,  
 Non tamen ut multi, tenues contemnitis amicos  
 Fastu impotente turgidus.  
 In quorum numero nisi sim, vir maxime, fallit  
 Concepta mentem spes meam.  
 Contigit ambobus discumbere sæpius vnâ,  
 Vnâ iocari sæpius,  
 Es me quinetiam tecto dignatus eodem,  
 Quæ tua erat hospitalitas.  
 Atqui Pythagoræ nota communia lege  
 Si sint amicis omnia,  
 Ex hoc fac aliquis tam diuitem flumine riuus  
 Macrinum adusque defluat.  
 Tum quæ nota tibi à teneris mea Pegasis annis  
 Patrocinanti seruiat.  
 Dulce puto fuerit vates doctissime vatum  
 Musa cani domestica:  
 Nec benefacta fini venturo aboleriet æuo,  
 Dotes & animi heroicas.

### De Ioue & Danae.

Formosam Danaen sollicitus pater  
 In turri Acrisius clauferat ænea,  
 Tutam aduersus amantum  
 Sic fraudes satis autumans.  
 Sed fata indoluit tristitia virginis  
 Inclusæ miserans Iuppiter, illius  
 Mox effectus amator,  
 Et quassans caput hæc ait,  
 Ergo arcere potes Cælicolis tuam  
 Natam & terrigenis ô vafer Acrisiat

Si non imbribus arces,  
Fiam imber, potiúsque ea.

### Ad Gelonidem.

Princeps Iuliadum iuencularum  
Mansuetudine, castitate, forma:  
Verna floridior Geloni caltha,  
Molli mollior anseris medulla,  
Cui cedat fauus Atticus, liquórque  
Is quem Trinacriæ tulere cannæ,  
Et si dulce magis quid esse possit.  
Cur non ô mea nunc susurro tecum  
Secreto laris angulo paterni,  
Cur non turgidulæ infero mamillæ  
Furtiuâque manum, deosculórque  
Tinctas Sidonio rubore malas,  
Rixoso & tua dente colla signo?  
Cur non quod Cypris, occupo suadet?  
Hæc nunc si facerem, beatus essem:  
Sed fortuna meis iniqua votis  
Has ad, mœstum animi, retrusit oras  
Extremi Oceani atque Galliarum,  
Vnus ne fierem beatiorum,  
Essem si assidue Geloni tecum.

### De Agathocle Rege Syracusano.

Prognatum figulo patre Agathoclea,  
Cui subiecta fuit Trinacris insula,  
Et qui fulmineo belliger impetu  
Urbes tot sibi subdidit:  
Contusæ assiduis cladibus Aphricæ  
Cum pacem & patribus Sidoniis daret  
Quos certamine bis vicerat impigro,  
Leges poneret & suas:  
Ipsam inquam perhibent Regem Agathoclea



Præcepisse prius sacra nefaria  
Saturni, atque ferum ritum abolerier  
Mactandi pueros focis,  
Quàm certi vlla foret mentio fœderis  
Cum gente horribili prorsus & impia,  
Sparsis quæque deos sanguine liberum  
Placaret patrios rogis.  
Protendens geminas falcifer æneus,  
Oblatos pueros quæ caperent, manus :  
Magna mole stetit, lapsu uti lubrico  
In furuum ruerent chaos.  
Nam panda horrificans sub statua specus  
Immensis patuit sæuus hiatus,  
Quò delapsa pyris corpora flammeis  
Ardebant pereuntium.  
At ne terrificis in cruciatibus  
Audiretur atrox vociferatio,  
Et stridor vehemens exitialibus  
Ardentum misere rogis:  
Matres atque viri propter aheneam  
Saturni statuam & flammium chaos  
Ducebant choreas, cantica ouatibus  
Fundentes noua barbaris.  
Hos cultus tragicos, hanc truculentiam  
Quauis sanguineus cætera & impotens,  
Non pssaus domitor Sicaniæ vberis  
Icto fœdere sustulit.  
Proin cum militiæ laudibus inclytus  
Hostes sæpe suos Marte ceciderit,  
Obscuræque notam victor originis  
Pugnaci eluerit manu:  
Non vllò ille tamen nomine iustius  
A Musis canitur facta vehentibus  
Præclara, edomitæ quàm Libyæ impia  
Quòd subuerterit Orgia,

Sic vinci vtilius Sidoniis fuit  
 Quam viciſſe, Ducis quando Agathoclei  
 Tunc effectum opera, ne ſua diriter  
 Deinceps pignora cæderent.

Psalmi C X X V I I. paraphraſis.

Omnes qui Dominum timent beati,  
 Et quicunque vias ſequuntur eius.  
 Fœlix ſi manuum labore viuas,  
 Nam te proſperitas fouebit vſque.  
 Fœcundæ tua vitis inſtar vxor,  
 Quæ cingit grauidis domum racemis  
 Huc errore vago fluens & illuc.  
 Menſæ in circuitu nouas oliuas,  
 AEquabit tua florulenta proles.  
 Sic ð qui Dominum timent beentur,  
 Terræ fertilis & fruantur auctu,  
 Cunctis innocui diebus æui.  
 Natorum videant ſenes propagem  
 Canis tempora defluis glabelli,  
 Et pacem populo bonam fideli.  
 Patri gloria ſit, Deoque CHRISTO,  
 Necnon Spiritui perennis almo,  
 Quos tres credimus, & fatemur vnum.

Ad Claudium Vidum Lauallum  
 iuuenem illuſtriſſimum.

Siqua ſynceræ benefacta menti  
 Par inhæreſcere eſt, meminiffe ſemper  
 Quæ recordantem deceat, nec vnquam  
     Tradere ventis:  
 Illa ſunt quæ tu modo contuliſti  
 In tuum vatem, celeberrimo Laualle

Moribus, censu, genere, artiumque  
Dote bonarum.

Proinde dum frendens aper alta montis,  
Cæulas pisces & aquas amabunt,  
Sim voluntatis memor ipse grata, &  
Muneris huius.

Dexter aspiret modo Apollo cœptis,  
Musa te indictum mea non relinquet,  
Quod quidem solum valeam patrono  
• Reddere tanto.

Tecum erit iunctus Lateranus, antra  
Sancta Nympharum duce quo subisti,  
Omni & insignem tibi texuisti ex  
Flore corollam.

Tertii libri Hymnorum finis.

# Salmonii Ma-

CRINI IVLIODVNEN.  
Cubicularii Regii Hymnorum li-  
ber quartus.

Ad Io. Bellaium S. R. E. Card.  
amplis.

Imbellis hæc si Iane Heliconias  
Clarare cantu possit idoneo,  
Heroa virtute eminenti,  
Indigenis patriæque charum:  
Laudes iuuentus Celtica iam tuas  
Nostris gregatim concineret modis,  
Nec nomen à Calpe sit vllum  
Maius odoriferos ad Indos.

Formidolosum conscius at pudor  
Virésque terrent non oneri pares,  
Ne fasce sub magno remissis  
Deficiens genibus labascam.

Quicumque pigris certat Olympia  
Mannis, trementi lora regens manu,  
Delirat, Aegæumque cymba  
Qui fragili secat æstuosum.

Hæc plestra blandis mollia lusibus,  
Lætisque amantum conueniunt iocis,  
His, vina dicuntur, dapésque,  
Munia non grauiora rerum.

Non victus armis Cantaber Italis,  
Flacco canuntur, nec fera prælia:  
Sed festa, sed dulces amores,

Sed faciles nuruum choreæ.  
 Sperti putares ne tamen à tuo  
 Te vate, vernis floribus interim  
 (Dum fructus autumnno metatur  
 Grator) hæc tibi ferta feci.  
 Quæ si libenter fumis & obuia  
 Manu, ecce messes haud mora quin suas  
 Cornu tibi Nymphæ referto  
 Floricomo ex Helicone mittant.

## Cantici Diuorum Ambrosii & Augustini paraphrasis.

Te Deum pleno celebramus ore,  
 Voce te clara Dominum fatemur,  
 Téque supremum veneratur omnis  
 Terra parentem.  
 Syderum flammis tibi pictus æther,  
 Aetheris summi Genii volucres,  
 Et potestates, Superúmque densus  
 Concinit ordo.  
 Sancte Io rerum Pater atque Princeps,  
 Sancte Io immensi dominator orbis,  
 Sancte Io cuius replet alta cælum &  
 Gloria terram.  
 Te chorus præsignis Apostolorum,  
 Te Prophetarum numerus verendus,  
 Téque collaudant sagulis amiæti  
 Martyres albis.  
 Quæque terrarum spatiosus orbis  
 Ambitu lato patet, à recenti  
 Sole ad occasum, veneranda rite Ec-  
 clesia adorat.  
 Te patrem, natum paritérque, & alium  
 Spiritum, quæ par tribus est potestas,

Par item virtus, & idem haud eodem  
Nomine numen.

Gloriæ tu rex bone CHRIS TE, summi  
Tu patris proles, qui homines ab Orco  
Liberaturus gremium pudicæ  
Virginis intras.

Tu triumphatis Lemurum cateruis,  
Mortis & duræ feritate victa,  
Regna cælorum populo fideli  
Alta recludis.

Tu sedes dexter solio parentis,  
Vnde nos spectas oculis benignis,  
Et pia humanos miseraris ô Rex  
Mente labores.

Crederis iudex (operosa mundi  
Cum ruet flamma populante moles)  
Esse venturus, sua cuique vt æquus  
Præmia reddas.

Ergo te propenso animo colentes  
CHRIS TE, vt ignoscas famulis precamur,  
Quos redemisti roseo profusi  
Sanguinis imbre.

Fac tuos ciues numeremur inter,  
Quos serenati tenet aula cæli,  
Nectaris succo liquidi fruantes  
Ambrosiæque.

Fac tuam plebem (tibi enim supremus  
Tradidit regnum Pater omne) saluam:  
Et cohæredum bene dic cohorti  
CHRIS TE tuorum.

Et manu oblata rege semper illos,  
Nec finas incedere calle varo,  
Néve cæcorum scelerum per atras  
Ire tenebras.

Per dies laudem tibi dictitamus

Singulos, & te veneramur alium,  
Antelucanis humilēsq̃e passim  
Psallimus hymnis.

Da citra noxam diem vt exigamus  
Hunc Pater, nostri miserere clemens,  
O Pater clemens miserere nostri, &  
Parce redemptis.

Nos tua vnus bonitate fretos  
Luce perfundas veniens superna,  
Spes sitas in te bone C H R I S T E nullo  
Tempore falles.

### Ad Susannam filiam trimam,

O solatiolum meum Susanna,  
Infestant quoties acerba mentem,  
Curarum & rapido inquietor æstu.  
Meræ deliciæ, merique amores,  
Matri non secus atque chara patri.  
Cuius garrulitas faceta, cuius  
Argutatio, lusiunculæque,  
Et verniliter expedita lingua  
In falsas charites, iocos, lepores,  
Vel duros silices mouere, nedum  
Propensum in te animum queant tuorum.  
Mellita sed enim proteruitate  
Tum mulces auidas licenter aures,  
Titillāsque animos inaudientum,  
Confictis vbi iurgiis feriris,  
Obiecta & regeris cauilla mordax.  
Nam tum percita bile contumaci,  
Commotamque magis dicax ob iram,  
Quæ non scommata funditas in illos,  
Quos voce increpitans refellis acri  
Et conuitiolis aculeatis?  
Sic nunquam tua sordeat crocota,

Quam plus dulciculis amas ocellis:  
 Flavi colla fluant per alba crines  
 Monili, & niueis reuineta baccis,  
 Nec sit oppidulo puella nostro  
 Cultu floridior decentiorque.  
 Sic primæua vbi nubilis iuuenta,  
 Quarto proxima eris Susanna lustro,  
 Tedas alite fortiare dextra:  
 Contingat tibi talis & maritus,  
 Qualem sollicitis vtrique votis  
 Tibi à numine postulant parentes,  
 Hoc est eximius, modestulusque,  
 Pudore ingenuo, ore liberali,  
 Et rara simul eruditione.  
 Da bellatula, da Susanna patri  
 Actæo oscula delibuta melle,  
 Collum cereolis patris lacertis  
 Astringens, bibulam susurra in aurem  
 Acres quod valeat leuare curas  
 Dulci garrulitate, quodque mentis  
 Mœstæ nubila fusca differenet,  
 O solatiolum meum Susanna.

Ad Calligonen. ex vernaculo  
 Regis epigrammate.

Aptabam capiti meo  
 Filis reticulum nexile sericis,  
 Quod solis radios graues  
 Arcerem, & rapidi spicula Sirii.  
 Poscenti at speculum mihi,  
 Vt vultum aspicerem, id sedula tu nimis  
 Mox offers auius malis.  
 Nam tum me speculo cernere cogitans  
 In formæ niueum tuæ



Candorem, & teneri tubera pectoris,  
 Imprudentius incidi.  
 Oblatum at speculum cur auibus mihi  
 Dixi Calligone malis?  
 Verbum poeniteat me male sobrium hoc  
 Fudisse, & potius putem  
 Signandum lapide hunc candidulo diem.  
 Nam sit reticulum licet  
 Curæ ansa, & populet flamma medullitus  
 Intestina liquentia,  
 Faustum forte tamen me reputo mea,  
 Insperato oculi & bono,  
 Quando sævitix siquid inest, tua est.

### Ad Arethusam Annæ Boysiæ filiam.

Inter insignes Arethusa Nymphas  
 Francica quæ nunc agitant in aula,  
 Quæque natabus geminis ministræ  
 Principis adsunt:  
 Tu mihi tantum reliquas videris  
 Laude natiuæ superare formæ,  
 Stellulas quantum superat bicornis  
 Luna minores.  
 Ambient furas rosei cothurni,  
 Colla neglecti per eburna crines  
 Euolent, astricta sinus fluentes  
 Fibula nectat,  
 Pendeat plena ex humero pharetra,  
 Dexteram exertam sua telæque arment,  
 Rursus Alphæus vel ad vsque Gallas  
 Profluet vrbes.  
 Tæque flagranti studio sequetur  
 Ah nimis duram, & thalamis rebellem,  
 Dum tibi castæ pia ponderantur  
 Iussa parentis.  
 At tuæ matri tamen esse notum

Expedit, tali facie haud manere  
 Posse te innuptam, rigida licet sis  
 Abdita turri.

## Ad Io. Parthenium cognomento Archiepiscopū Toparchum Subisanum.

Mortalium pars maxima Partheni

Intenta lucro diuitias amat,  
 Perferre nec quosuis recusat,  
 Dummodo rem faciat, labores.

Ad bella quæstus tristitia militem,  
 Et congerendæ spes opulentiæ  
 Plerunque compellit, salutis  
 Immemorem propriæque vitæ.

Non tela Martis Norica territant,  
 A&æve glandes machina aliena,  
 Discrimen aut mortis, fatigat  
 Quem semel alta fames habendi.

Mercator Indos strenuus vltimos,  
 Rubrique dites æquoris insulas,  
 Gemmarum odoratæque messis  
 Emolumenta petens, reuifit.

Non chara coniux, non lachrymantium  
 Vox liberorum flebilis auocat,  
 Se Pleiadum Arcturique crebris  
 Quo minus obiciat procellis.

Tantis parantur tôtque periculis  
 Et census, & quæ prima homines putant:  
 Inuisa paupertas perinde est  
 Atque canis rabidus, vel anguis.

Rite æstimarit siquis opes tamen,  
 Contemnet illas, vtpote sæpius  
 Quæ præbuerunt maximorum  
 Materiem scelerum ac malorum.

Dum se beatum iudicat affluens  
Et copiosus, tum ecce tibi minax  
Rhamnusia horrendo tumultu  
Omnia miscet agens, & aufert.  
Testis mearum est ille Polycrates  
Sententiarum, qui tenuit Samum  
Vini quidem expertem tyrannus,  
Cætera at immodice feracem.  
Fœlicitatis vêtus ed, anulum  
Gemma vt decorum proiicere in mare  
Auderet, à piscante nauta  
Quem memorant domino relatum.  
Ægyptius Rex vera vbi comperit  
Hæc esse, diuino ore Polycrati  
Prædixit æumnâsque tristes  
Affore, luctificumque finem,  
Haud falsus augur. Nam miserum simul  
Ac fraude cepit Satrapa Perficus,  
In monte suspendi præalto  
Iussit, opes rapuitque tantas.  
Nec frater eius sit Siloson mihi  
Inter beatos, purpuream licet  
Ob lænam ab Histaspis Dario  
Sit patriæ ditionem adeptus.  
Quippe imperauit sic popularibus,  
Tantâque in omnes sæuitia est suos  
Grassatus, vrbes vt propinquas  
Et Samiam vacuarit aulam.  
Custodiendæ cura pecuniæ  
Perquam molesta est: gazâque numini  
Sacrata sit quauis, locique  
Relligio tueatur illam,  
Irrumpet exlex Antiochi tamen  
Brennique miles, turbâque Phocais  
Delubra Phœbeosque Delphos

Sacrilegis spoliabit ausis.  
 Crassus talentorum ad duo millia  
 Ex æde sacra surpuit: at breui  
 Vindieta prædonem secuta est,  
 Assyriis cadit ille Carris.  
 Nec poena vindex agmina Martia  
 Brenni reliquit: vertice nam sacro  
 Delapsa tempestas, fragoris  
 Obruit indomitos ruinis.  
 Cladis nec exors Antiochi manus,  
 Ditata raptis quæ Solymis, perit  
 Obtrita bellorum cruento  
 Turbine, Achemeniisque Persis.  
 Impune cessit nec populatio  
 Patrata Delphis: cætera Græcia  
 Nam Marte Phocæos retundit,  
 Delphica vi repetitque vasa.  
 Hæc ergo cum se sic habeant, domi  
 Sedere præstat compositum, suis  
 Rebusque contentum pusillis,  
 Quam nimios inhiare census.  
 Fœlix abunde cui mediocria  
 Viatum quieto prædia suggerunt,  
 Dulcisque voluentem libellos  
 Quem gremio refouent Camœnæ.

### Ad Annam Crequiadem, Hilermi Bel- larii Toparchi Clariss. coniugem.

Obrutus laudum cumulo tuarum,  
 Vnde selectum tibi Nympha carmen  
 Inchoem prorsus dubito ipse, quove  
 Fine quiescam.  
 Corporis raris animique nam sic

## Ad Gilermum Dumanium Iuliodun.

Ingentes ago gratias Gilerme  
 Facundissime ciuium meorum,  
 Et quos Piætonis ora cunque vidit,  
 Me debere tibi lubensque testor,  
 Quod nugas adeo meas benigne &  
 Prolixe fueris remuneratus.  
 Nam cum carmina pauca nuper ad te  
 Baiardumque simul tuum dedissem  
 Istic nescio cui negotianti,  
 Ne contemnere vos viderer ambos,  
 Quos nimirum oculis meis, quod aiunt,  
 In que ipsis penitus fero medullis,  
 Plenas hendecasyllabon quadrigas  
 Misisti ilico, & affatim beasti  
 Me poematiis tuis venustis,  
 Venustis, Deus/elegantulisque.  
 At pro quisquiliis ineptiisque  
 Non tantum fuerat tibi laboris  
 Sumendum bone Dumani, nisi si  
 Velles chrysea chalceis, vt olim  
 Glaucum egisse refert ineptum Homerus.  
 Vtcunque est, iuuat, atque idem in futurum  
 Vt fiat precor, hisce nec graueris  
 Deuincire magis magisque donis,  
 Qui te, qui tua scripta amat Macrinum.  
 Nam quod Fabritiis, Quiritiisque  
 Caluis Flaminiis, & vrbis ipso  
 Nostræ Iuridico minus te amari  
 Baiardus putat, hac Gilerme causa,  
 Quod nusquam in lyricis meis legare,  
 Næ ille (pace velim quod esse dictum  
 Eius) fallitur, ipsius fuisse  
 Et mi temporis immemor videtur,

Quo librariolis dedi Camœnas,  
 E nostris vti scriniis abirent.  
 Nam tum Dumanium nec ipse noram,  
 Baiardum audieram nec esse natum.  
 At posthac ero siquid editurus,  
 Sparsurusque leuis per ora vulgi,  
 Iunctos pagina multa vos habebit:  
 Quoque amplectar vtrunque amore, passim  
 Euulgabitur his modis minutis,  
 Insulsis licet atque inabsolutis,  
 Quos per gratam animi remissionem  
 Flacci simius interim & Catulli  
 Ludens conficio, offeroque amicis,  
 Primas in quibus obtinetis ambo.  
 Quanquam es ridiculus nimis Gilerme,  
 Qui præstare tibi quod ipse possis  
 Vena diuite floridoque versu, ab  
 Illis non vereare corrogare,  
 Quos omni genere eruditionis  
 A tergo superans procul relinquis.  
 Sic fructus sibi postulet reponi  
 Fœlix Alcinous, fauos Calydne,  
 Seres vellera, Cyprus æs, Sabæi  
 Thura mascula, & Indus vniones,  
 Fragrantésque crocos Cilissa Tharsus.  
 At votis tamen obsequar libenter,  
 Istud cum videam placere vobis,  
 Vestri desipere atque amore pergam.

### Ad Gelonidem de partu sollicitam.

Quid me querelis lugubribus necas  
 Geloni sexto proxima partui,  
 Mœrésque ceu tanti laboris  
 Nescia adhuc, rudis atque miles?  
 Soler quibus te vocibus ambigo,

Multis quodd æstas plena periculis  
Iam peste prægnantes tot hausit,  
In medio rapuitque nixu.

Commota adhortor pectora robores  
CHRISTO inuocato, téque pares Deo,  
Qui cuncta nolimus velimus,  
Iure suo & reget arbitrato.

Nam cognita illi sunt folia arborum,  
Eius nec iniussu vlla cadunt solo,  
Ponti idem inexhaustas arenas  
Et capitis numerat capillos.

Lege ille fixa & non reuocabili  
Vitæ diebus præstituit modum,  
Nec sine quisquam limitato  
Temporibus morietur vnquam.

Quos vult profundo mergier æquore,  
Raucisque volui fluctibus Adriæ,  
Non lancea, Hispanisque mucro,  
Colchica non aconita tollent.

Quid vis tibi inquam, me miserum, meat  
Diffidis ecquid de Domini manu  
De gratia æterni parentis  
Qui eripuit toties precantem?

De quinque primis lux mea liberis  
Nemo exitu non incolumi editus,  
Nemo salutaris lauacri  
Non liquida est aquula expiatus:

Et tres adhuc sunt ecce superstites.

Respira amabo, nec nimio metu

Te confice, excelsis ab astris

Pende agedum, & stabilem foue spem.

Hæc differentem pallida sustines,

Sacræque verbi admittis aculeos

In corda, demulctisque sensus:

Sed docilem pavor obdit aurem,

A sede pressam dimouet & sua  
 Formido mentem, proin mihi debitis  
 Votis adorandus corusci est  
 Suppliciter Deus ipse cæli:  
 Quò det laboranti auxilium tibi, &  
 Partus dolores leniat asperos:  
 Quicunque prodibit puella  
 Siue puer, liquidas sub auras,  
 Mersabitur cum flumine lustrico,  
 Solenne nomen nomine de Dei  
 Assumet, vt longum fauoris  
 AEtherei monumenta gestet.

### Exultat ob natum sibi Theophilū filiū.

Salue orte fausta luce Theophile,  
 Gratum parenti pignus vtrilibet,  
 Cui nomen ex voto dicatum  
 Quàm prius egredere ab aluo.  
 En læte vt ad cunabula virgines  
 Pindi relicto vertice lusitant,  
 Lymphis relictis Hippocrenes,  
 Floribus & te hilares inumbrant/  
 Fallórne Musæ, culta mihi cohors,  
 An me paternus cæcat amor nimis  
 Fortasse auentem credulúmque,  
 Vestra colet sacra vel puellus?  
 Iam nunc choreis hunc ego destino,  
 Vestris sacerdotem & voueo Orgiis,  
 Iam plectra, iam chordas, chelymque  
 De tenero meditetur vngui.  
 O consecratum videritis Deæ  
 Pupum fauenti lumine poscimus,  
 Lactate dio vagientem  
 Vbere, nectareisque succis:  
 Vt mamma ab ipsa iam teneat puer



Fandi leporem, mella & Hyantias  
 Sermone nec Graio sit æquæ  
 Alter & Ausonio disertus.  
 Non ille adultus vincat Olympia,  
 Sudansve certet puluere in Isthmio,  
 Vt sacra victorem corona  
 Condecoret, tripodæ sive fului.  
 Non fronde virtus bellica laurea  
 Ornabit illum, aut conspicuo vehent  
 (Quod Marte profligarit hostem)  
 Cornipedes niuei triumpho.  
 Nec concupiscet diuitias, hians  
 Ad celsa regum scandere limina,  
 Nec vendet argenti sititor  
 Verba foro phalerata rauco.  
 Fingetis illum sed celebrabilem  
 Honore vatum, & Lesbide barbato,  
 Nunc fontium ad riuos sedentem,  
 Nunc gelida nemorum sub umbra.  
 Fratris tenelli chara Sufannium  
 Accede cunis, & Mariam voca,  
 Vt mulceatis vagientem,  
 Sparge rosæ Charilæ flores.  
 Fratri minori (vos superi modo  
 Seruent) præibis tramite musico  
 Anteambulo, & dux litterarum  
 Lingua in vtraque poliriorum.  
 Hæc summa voti præcipua est mei,  
 Hæc cura, tota mente Thæophilus  
 Vt qualis euadat vocatur,  
 Exprimat impositumque nomen.

### Hymnus diuo Paulo.

Paule Tharsensis, tuba clara verbi  
 Paule diuini, fideique præco,

Cuius auditæ penitus sub omni  
Climate voces.

Tu rapax olim lupus innocentem  
In gregem accensus furiis & ira  
Efferebaris, famulisque C H R I S T I  
Vincla parabas.

Conscius cædis Stephani cruentæ  
Vestium custos aderas, furentes  
Cum sacrum testem lapidum obruebant  
Grandine turbæ.

A suo vidit Deus hæc Olympo,  
Nec tulit cæcos miseratus ausus:  
De lupo mitem sedenim voraci  
Reddidit agnum.

Quippe cum magnam peteres Damascum,  
Cingeret multus latus & satelles,  
Arma poenarum cruciatumque  
Tristia portans:

Ecce præmisso tonitru per æthram  
C H R I S T V S apparens, iuuenem vocavit,  
Contrà & obniti tibi calcar esse  
Dixit iniquum.

Densa caligo est oculis oborta  
Mox tuis, tantam neque ferre lucem  
Rege mortalis Superùm loquente  
Pupula quibat.

Lapsus in terram, pauitansque C H R I S T O  
Voce respondes tremula, vocando  
Mente mutata Dominum, hostis etsi  
Antè fuisses.

Hinc manu oblata comites ad urbem  
Te tui ducunt, placidòque reddunt  
Hospiti, gaudens vbi pòst salubri  
Tingeris vnda.

Propalàm Hebræi populi cæteruis

Verba de CHRISTO faciens, fateris  
Esse cum missum misero in salutem  
Cælitus orbi.

Has stupens audit Synagoga voces,  
Tam noua & rerum facies requirit  
Vnde, nec demens videt id potenti  
Numine factum.

Ore centeno mihi abena si vox  
Intonet, quos sis pietatis ergo,  
Propter & CHRISTVM nequeam labores  
Dicere passus.

O fauens luce hac tibi Paule festa,  
Audias quicquid mea Musa promit,  
Et tuum dulci videas ab astris  
Lumine vatem.

## Tellignius de sua Arethusa Vernoniam

Siquam mentis in intimum recessum  
Admisi cupidus, recondidique,  
Dilexique medullitus puellam:  
Ne viuam, illa Arethusa ni sit vna.  
Nam sic pectoribus meis inhæret,  
Sic imis animi sedet latebris,  
Iugi illic sita cogitatione:  
Nulla vt tempora transeuntis æui,  
Nullæ lætitiæ, molestiæve  
Illam euellere & amouere possint.  
Frustra de numero venustiorum  
Accedant aliquæ iuuenularum,  
Vt me surripiant, sibi que iungant.  
Spectabunt oculi hanc libenter vnam,  
Nec spectare alias volent puellas.  
Cor secum feret hanc libenter vnam,  
Nec ferre vnquam alias volet puellas.  
Complectetur & hanc lacertus vnam,

Nec complecti alias volet puellas.  
 Hac foelix modo sum futurus vna,  
 Hæc Telligniolum vna habebit vnum.

## Ad Carolum Cæsarem cum Turcæ Viennam obsiderent.

Non amor Franci modò Carle regni  
 Cæsar(hic quanquam quoque me)rei sed  
 Publicæ mouit mage causa, vt istæc

Pauca monerem:

Intimis quæ si bonus atque prudens  
 Sensibus condas, neque dicta vatis  
 Exteri temnas, tibi magnus inde  
 Venerit vsus.

Sin ferox nostram rigidusque flecti  
 Respuas vocem, patriæ ruinas  
 Mox gemes frustra, & meliora rebus  
 Fata requires.

Omnium primum, nihil esse maius  
 Aut prius debet pietate vobis,  
 Præficit quoscunque Deus regendo  
 Optimus orbi.

Hoc quidem certe mihi non negabis,  
 Numinis iussu quoque diligendum  
 Proximum: quæ si duo forte desint,  
 Omnia desint.

Proin nefas duces aquilas, & ipsa  
 In Dei c h r i s t i populos(perirent  
 Quò graues Turcæ melius)furenter  
 Vertere pila.

Seruit Arctoæ tibi gentis ardor,  
 Atrebas, Flandrus, Batauisque, & Anno:  
 Seruiunt acres Calabri, & feracis  
 Culta Triquetra.

A pruinosa populi Pyrene  
 Vltimam ad Calpen, Tyriásque Gades,

Parsque Maurorum tua iam subacti  
Iussa facessunt.

Hisce contentus nisi viuis, altam  
Quis sitim gurgis satiarit vnquam?

Quanta terrarum cupidum replet  
Portio pectus

Insubres raptos, & auita regna  
Redde Francisco facilis volensque,

Legibus post vt feriat æquis  
Fœdus amicum:

Mente fraterna, paribusque fatis  
Arma in infidos moueatis hostes,  
Marte qui Peucen modo contuderunt,  
Pannoniasque.

Qui rati nullum sibi iam nocere  
Posse, Germanos (genus acre bello)  
Obsident cheu, populantque vestra  
Arua Viennæ.

Gentis infestæ furias & ausus  
Impios nullæ remorantur arces,  
Non gelu, non nix, neque vorticosi  
Impetus Istri.

Interim curas aliò reflectens  
Cæsar, Insubres male parta regna,  
Et sacerdotem miseris supremum  
Cladibus vrget.

Maximum certe video periculum,  
Dum malè affectas aliena, victus  
Ne tua amittas, auidique fias  
Præda tyranni.

Hæc precor tecum reputa, nec hostes  
Esse eos malis tibi, quos redemit  
In cruce erecta pius innocenti

Sanguine CHRISTVS:  
Quàm feros Turcas, Arabasque, & Aphros,

Ultimo & missas Oriente gentes,  
Persequi quas sit satius, pióque  
Subdere bello.

## Ad Margaritã Valesiã Reginã Nauar.

Ingens egentem copia me facit,  
Exordienti nec facilis via est  
Regina virtutum poetæ  
Carmen honorificum tuarum.  
Nam tanta sese protinus explicat  
Rerum facultas non triuialium,  
Incerta mens vt sit decenti  
Quas serie quibus anteponam.  
Septena cum iam instaret Olympias,  
Nec liberorum spes sterili foret,  
Concessa diuino fauore  
Pignora, dicam vtriusque sexus?  
Dicam irrigatas nectare Hymettio  
Voces loquentis quod rabidas domet  
Tigres, quod iratos leones,  
Saxa suis scopulis reuellat?  
Dicam supernæ vi sapientiæ,  
Instincta prorsum pectora nil nisi  
Spirare CHRISTVM, nil nisi acri  
Res agitare animo beatas?  
Hæc cogitantem non humeri pares  
Deterruerunt me, & mea paruitas,  
Primamque Apollo sub quietem  
Talibus increpuisse visus,  
Ecquid minutis his fidibus tui  
Sumis sororem dicere Principis?  
Exemplar immortale morum  
Fœminei decus & pudoris?  
Gcұлæ arenas Tethyos hoc erit  
Metiri, & alto sydera quot micent

Affixa cælo, quando sudæ  
 Cunque tacent numerare noctes:  
 Quot mane primo sub nemorum comis  
 Blandis volucres cantibus instrepant,  
 Cum veris optatam tepentes  
 Temperiem Zephyri reducant:  
 Annon per vndas Oceanitidas  
 Parua vehatur nauita si scapha  
 Formidet, insanis vt impar  
 AEquoris horrifoni procellis?  
 Hæc digna grandi est Mæonidæ tuba,  
 Vel Vida quantam vel meus Actius  
 Inflarit, Acteóque iuxta  
 Ore potens Latióque Budæus.  
 Imbellis at vos turba potens lyræ,  
 Plebeia ludorum otia, nuptias,  
 Vnguenta, luxus, & choreas,  
 Pontificum & celebrate, cœnas.  
 Huic ipse (fandi nam mihi copiam  
 Tum fecit) inquam, mos tamen est Deis  
 Cum thura defunt, & phalisca  
 Victimæ bos satiat herba:  
 Quam plebis offert religio molam  
 Paruo vetusti cum cyatho meri,  
 Ramósque sylvarum, & recentes  
 Consuluisse boni corollas.  
 Non tam mei sum nescius ingeni  
 Thymbræe, tantum nec tribuo mihi,  
 Vt posse sperem eius verendas  
 Pro meritis memorare laudes.  
 Saltus peragrantem attamen Aonas,  
 Et saxa Pindi frondea, quid vetat  
 Decerpere huic incana paruo  
 Lilia cum violis canistro?  
 Attingere laud mens ardua, pectine

Sat cantitarim si Mitylenio,  
 Vt Parca nascenti, futura  
 Indolis egregiæque formæ,  
 Et singularis præscia gratiæ,  
 Voluente stamen candidulum manu,  
 Conchis ab AEois beatum  
 Indiderit, neque falsa, nomen:  
 Disertiorum vt natio cœtuum  
 Eius sub vmbone impenetrabili  
 Secura prorsum conquiescat,  
 Pieriis operata sacris.  
 Contenta certis finibus egredi  
 Eò voluntas vsque mea audeat,  
 Quò clara patronæ potis sim  
 Grati animi dare signa tantæ.  
 Hac voce flexus Cynthius annuit,  
 Et me volucri deseruit fuga,  
 Euanida vt corpus relinquit  
 Vmbra suum fugiente sole.

Ad Cornelium Musium Delphum  
 Batauum poetam.

Ad crucem CHRISTI quoties reflector,  
 Sursum & erectis animis voluto  
 Quàm graues pœnas populi sit ille  
 Nomine passus:  
 Mens in immensum rapitur stuporem  
 Delphe Corneli, ratio nec vlla  
 Tantam inauditi est potis assequi vim  
 Prorsus amoris.  
 Ergo ob offensas, hominûmque causa  
 Sontium æterni patris illa proles,  
 Conditrix rerum, & superi perennis  
 Gloria cœtus:  
 Cœlitus labens solio è paterno



Virginis castam sibi legit aluum,  
In'que mortali voluit libenter  
Esse figura.

Quod precor munus mage luculentum  
Quisset humanis dare Rex I E S V S,  
Quàm palàm sese moriturum amaro  
Tradere letho?

Hoc mihi maius siquidem videtur,  
Texta quàm vasti fabricasse mundi  
Primitus, solo simul & creasse  
Omnia nutu.

At recordatur quotus ista quisque,  
Mente perpendens memori scatentem  
Gratiæ fontem, & roseo piatas  
Sanguine terras?

Sæpe suggestu faciens ab alto  
Verba ad auritum populum sacerdos,  
Prodidit plagas, obitàmque fixo in  
Stipite mortem:

Et pati C H R I S T V M voluisse dixit,  
Nos ut à dira Styge vindicaret:  
Sic & assertos animaret omnem  
Ferre laborem.

Non enim solam populo salutem,  
Et reis C H R I S T V M veniam attulisse,  
Esse at exemplo quoties acerba  
Cunque fatigent.

Sed domum postquam sacra ab æde ventum est,  
Quicquid infusum fuerat monendo,  
Effluit sensim, redeunt priores  
Pectore curæ.

Hinc Auernalis veterator aulæ  
Urget, hinc mundus laqueosque tendit,  
Inde titillat caro blanda, pellax,  
Improba Syren.

Arguat cunctos licet iste sermo,

Quos fides lymphis sacra cunq̃ue tinxit  
Lustricis, hæc me tamen inter omnes  
Nænia tangit.

Proinde fecisti bone Delphic gratum,  
Frigidis quodd̃ me nimis heu Camœnis  
Deditum, ad cæli celebranda posthac  
Regna vocasti.

Audio hortamenta volens, paratus  
Næ tua, & spretis nucibus (quod aiunt)  
Quicquid est artis mihi, viriūq̃ue, ad  
Seria verto.

Editos ô si reuocare lusus  
Prorsus, & Vulcano abolere possem,  
Vel procellosi rapidis in vndis  
Mergere ponti!

Maximo dignum sedenim cachinno  
Quodd̃ mihi tantum tribuas, vt ipsi  
Daunio vati focies me, & aias  
Esse secundum.

Quam sit hæc noui tenuis supellex,  
Quamq̃ue tentanti mihi molle carmen  
Obstrepant Musæ, medióque cursu  
Sæpe relinquunt.

Iustius tete (mihi crede) multo  
Hi lyra insignem deceant honores  
Cum modos Regis Solymi Latino  
Pollice fingis.

Hac ego in scena sequor vt choragum  
Te lubens, partes & ago secundas,  
A tuis latum neque flexus erro  
Gressibus vnguem.

Ad Nicolaum Beraldum Aurelium.

AEgincta fuit Beralde Lampis  
Vir potens, locuples, pecuniosus:

Cuius innumeræ rates vehabant  
 Longinqui tumidas maris per vndas,  
 Allatas Syriis abvsque merces.  
 Quem cum patria diceret beatum,  
 Propter diuitiisq[ue] laude ferret,  
 Hæc quidam apposite est Lacon locutus,  
 Non fortuna beat, sed vna virtus:  
 Nec, cæcæ hoc dare si Deæ velimus,  
 Magni vnquam hanc faciam beatitatem  
 Pendentem à Zephyris rudentibusq[ue].

### Psalmi CXII. paraphrasis.

Fœlix qui Dominum timet,  
 Et qui iussa facit gnauiter illius,  
 Consolans animum piis  
 Hoc mundi ambiguo tramite gaudiis.  
 Eius posteritas potens  
 In terra amplificis fiet honoribus,  
 Et magnis opibus domus  
 Diuina veluti prædita virgula  
 Florescet, neque candidæ  
 Fructus iustitiæ deerit amabilis.  
 Lux infontibus & piis  
 (Dum turba in tenebris cætera desidet)  
 Cælo desuper arduo  
 Effulsit, dubias panderet vt vias,  
 Et caliginis obuiæ  
 Inuisum radiis exigeret chaos.  
 O fœlix ter & amplius  
 Cui vulgum in tenuem prodiga dextera est:  
 Et qui stans solida fide  
 Di&is, mutua dat gratuito ac libens!  
 Virtus permanet illius  
 Indelebilibus credita paginis,  
 Rumores neque friuolos

Formidat, Domini fretus ope vnus.  
Imperterrita pectora  
Non turbat strepitus, non truculentia.  
Præsentem ille animum gerit,  
Hostes dum videat funditus erutos.  
Dispergens inopi dedit  
Secretis fuerat quicquid in horreis,  
Nec congesta tenaciter  
Possedit cumeris farra latentibus.  
Proinde æuo memori decus,  
Et mansura vehet gloria ad æthera  
Tanti iustitiam viri.  
Limis hæc oculis interea videns  
Freudebit tamen impius,  
Concussisque minax dentibus infremet.  
Sed frustra: quoniam irritum  
Est quicquid cupiit fons, & inefficax.

### In natali Virginis Mariæ.

Fortunate nimis dies,  
Albo & digne lapillulo,  
Quo CHRISTI genitrix bona  
Hæcce prodit in auras.  
Te versu memori & lyra  
Vates melliflui ferant:  
Te sacris celebrem annuis  
Castus rite sacerdos  
Tollâtque, ac prece sedula,  
Et thure & facibus frequens  
Ad delubra nitentia  
Plebs ebuccinet Annam,  
Quæ partu omnibus vtili  
Formosam Mariam tulit,  
Nasceretur vt indidem  
Magni conditor orbis.

Tres ergo lepidis mihi  
 Sunt cantandi epigrammatis,  
 Mater Virginis inclyta,  
 Et cum Virgine CHRISTVS.  
 Gyro lux reuolubili  
 Redibis quoties noua,  
 Dulcem hymnum modulabimur  
 Arguto tibi plectro.

### Psalmi CXVI. paraphrasis.

Optimum cunctæ celebrate gentes  
 Maximum cæli Dominum corusci,  
 Laudibus sanctis spatiosa tellus  
 Tollat eundem.  
 Quippe nobiscum bonitate mira  
 Egit, expromens miseris salutem:  
 Veritas eius rata permanebit  
 Omnibus æuis.

### Actio gratiarum ad Deum.

En nos egentes, & miseri Deus  
 AÆterne, sumptis pro dapibus tibi  
 Pæanas altori facramus,  
 Sollicitas agimûsque grates.  
 Largitus atqui pabula corpori  
 Iusta educando, mox vti viribus,  
 Ad munia auctis, & labores  
 Impigrius redeamus aptos:  
 Cælestis ô ne munera dexteræ  
 Nobis recidas, sed potioribus  
 Dona vsque donis profluenter  
 Accumulans, epulis sagines.  
 Instanter abs te nanque reposcimus  
 Escam Angelorum, panem & Olympicum, vt  
 Impertiaris, sempiterno

Corda fouens adipata verbo.  
 Pascatur illa mens alimonia,  
 Et roborescat carne Deus tui  
 Nati sacrosancta, ac cruore  
 Purifico, mala cuncta contra.

Hymnorum libri quarti finis.

# Salmonii Ma-

CRINI IULIODVNEN,  
 Cubicularii Regii Hymnorum li-  
 ber quintus.

Ad Io. Bellaium S. R. E. Card.  
 amplifs.

Marcidis herbæ foliis iacentes  
 Vt repentino vegetantur imbri,  
 Quas male afflarat furiosus acri  
     Sirius æstu:  
 Sic tua Bellai opera refectus  
 Antè cum semi heu modo viuus essem,  
 Prodeo à curis vacuus, mihi que  
     Redditus ipsi.  
 Hei mihi tantis meritis quodd impar  
 Haud quædam dignas soluisse grates,

Insolens plectri, modicæque Musæ  
Cantor inaudax.

Quæ lyræ nervis Dea versibusque  
Præsides doctis, meditare carmen  
Antè inauditum, sociasque tecum  
Iunge sorores.

Antra Bellaium latebrosa, saltus  
Frondei Bellaium iterent, & vnda  
Quas vagus flava Liger in profundum  
Voluit arena.

Herculem Herois alius cothurnis  
Dicat inuictum populos per omnes,  
Et Cleonæi humeros amictum  
Pelle leonis.

Vt Libym pressu, pedibus iuencum,  
Igne lernæam superarit hydram,  
Alites telis, Erycémque castus  
Verbere crudi:

Lydiæ vt iussu dominæ pudenter  
Texerit Coa sua membra palla,  
Crassa robusto tenuarit idem  
Pollice fila:

Vt' ve Colchoæ magicis puellæ  
Cantibus tauros subigens furentes,  
Aureum vellus Scythicis Iason  
Vexerit oris.

Arboris densæ resupinus vmbra  
Iane te tantum celebrabo, seu sol  
Mane collustret sola, siue Iberum  
Flectat ad æquor.

Dignus es nostro prope solus æuo,  
Cui sacri vatum vigilant labores,  
Flore cui texant roseo nouémque  
Serta sorores.

Ad Iacobum Colinum Antistitem  
Ambrosianum.

Huc quis sodales ocyus euocat,  
Et suauolenti spargit humum rosas  
Myrto quis aptandas capillis  
Deproperat nitidis coronas  
Hæc singulari lætitia dies  
Est exigenda, hæc adiicialibus  
Cœnis, inexhaustoque mensæ  
Regificæ celebranda luxu.  
Baccho labantes nec male sit pudor  
Arbosiano ferre mihi pedes,  
Lingua nec infræni referre  
Quæ Monachon grauis ordo damnet.  
Pensare longi prosperioribus  
Fas sit vicissim tempora tædii,  
Saluòque gratari (ferebant  
Quem modo depositum) patrono.  
Viuit Camœnæ faucibus erutus  
Colinus Orci, viuit Io meus,  
Cumæam & huic spondent Sororum  
Fila trium renouata vitam:  
Vt vestra mystes Orgia idoneus  
De fonte puro progrediens ferat  
In regna Gallorum, sacrumque  
Rite chorum instituat per vrbes.  
Quis feriat nunc Ducis otia  
Inotiosis colloquiis fouet  
Regum quis & paces & arma  
Martia commemorat pricorum  
Te conualefcentem alta Lutetia,  
Te voce Nymphæ Sequanides vocant,  
Te regia inuitat, recultæ



Te veteres Luparæ Penates.  
Vt sit salutis cura tibi tuæ  
Coline verbis pluribus obsecrat  
Non vnus è vulgo, sed ille  
Gallia cui spatioſa paret.  
Franciſcus inquam qui te amat vnice  
Induſtriæ ergò, & nobilium artium,  
Quas doctus ornaſti, obuióque  
Vſque patrocínio extuliſti.  
Qui ſeu citatæ grandiloquentiæ  
Ingens fragoris fulminibus tones,  
Sermone ſeu preſſo fluentis  
Eloquii penetres in aures,  
Labris loquentis ſuada vel efficaciæ  
Lenire tigres Armenias ſedet,  
Et ſaxa mollire, & ruentis  
Sistere aquas Rhodani rapaces.  
Conceſſa diæ proin tibi longior  
Vſura lucis Diis ſtatuentibus,  
Qui ſceptra Franciſci miniſtro  
Sunt veriti ſpoliare tanto.  
Ah ſi cadentem te mihi florido  
Extinxet æuo lethifer exitus,  
Cur ipſe manſiſſem ſuperſtes  
Parte mei potiorè raptæ  
Exempla mortis ſponte obitæ dabat  
Solduriorum turba fidelior,  
Conſtanter infernas ſecuta  
Sæpe ſuos dominos ad vmbraſ.  
Nunc aure noſtras qui facili preces  
Exaudierunt Cælitibus bonis,  
Suſcepta perſoluo Patrone  
Vota libens, meritâſque grates.  
Donariis & munera largiter  
Promiſſa reddens, igniferas faces

Affigo delubris, diu te  
Sospitem & incolumem precatus.

### Ad Io. Dampetrum monachum:

Quin tu Dampetre floridis in hortis,  
Istus pampineis in ambulacris,  
Secessuque domus amœniore  
Vmbroso, arboribus, nemusculisque,  
Scribis quod recreet bonum sodalem,  
Dilectum tibi, téque diligentem  
Fraternæ, ex animo, vnice, ac vicissimæ  
Cum sint otia tanta, nec sit vllus  
Qui mentem meditantis inquietet,  
Aut dulci auocet à remissione?  
Atqui (forsitan inquires) decebat  
Te præstare magis, quod impudenter  
A charo officium exigis sodale.  
Ah non par ratio est vtrique nostrum:  
Nam me Dampetre semper occupatum  
Scis rerum in strepitu domesticarum,  
Vectigalibus aut salariorum,  
Vt nec sit mihi tantulum vel otii.  
Quid conclauiæ quod nec examussim  
Constructa, aut viridis recessus horti,  
Nec frondentibus ambulacra ramis  
Inuitant numeris pigrum canendis?  
Sed segni magis abditum latebra,  
Et gurgustiolis araneosis  
Iugis anxietas comestque cura  
De statu populi periclitantis,  
De discrimine Regis, atque regni  
Sumptis quod male Cæsar vrget armis:  
Sanum at cætera compotémque votis  
Nil afferre queas amice tale  
Huic quod desidiæ patrocinetur,

Quæ tam te graui adobruit veterno,  
Vt lethargicus esse dictiteris,  
Verum id iam Monachis peculiare est.

### Psalmi XCIX. paraphrasis.

Stellantis Domino Deoque cæli  
Passim iubila terra fundat omnis.  
Exultatio gaudiumque lætos  
Cultores & ad eius ora ducat,  
Puro pectore seruiant vt illi.  
Nimirum Deus, & monarchia rerum est,  
Qui totum ex nihilo creauit orbem:  
Nos non fecimus, author ipse nostri est,  
Eius vt populûsque græxque simus.  
Portas ingrediamini patentes,  
Eiusque atria luminosa, siqui  
Grates illi agere & referre laudes  
Gestitis, prece & inuocare casta.  
Ille ille assidua celebritate  
Est laudum meritò colendus vnus;  
Incuruetur ei genu omne soli,  
Iussis pareat & libenter eius,  
Quicumque ætherea fouetur aura.  
Quàm multæ est Dominus benignitatis!  
Et quantæ bonitatis idem in omnes!  
Non vni modò seculòque verax  
Dandis pollicitis suis, ad omnem  
Sed constans quoque sempiternitatem.

### Ad Vidonium Corniculâ Archaiçen:

Pro nostra veteri necessitate  
Mi Cornicula, mutuòque amore,  
Festa ex quo face coniugata mecum est,  
Quæris quot mihi liberos venusta  
His octò ediderit Gelonis annis:

Tres mares, totidem parit puellas,  
 Alterno ordine at vtriusque sexus.  
 Nam primo est Helena orta prima partu,  
 Honoratus habet locum secundum.  
 Quos cœu primitias sibi dicatas  
 Viræ limine protinus, tenelli  
 Accepit Deus & diebus æui,  
 Ac cœlo innocuos locauit alto.  
 Læto tertia dein Sufanna partu  
 Vitales oriens subiuit auras,  
 Quam deinceps Charilaus est secutus:  
 Hunc item Maria, hanc Theophilusque,  
 Cum mater foret ipsa quinque lustris,  
 Nec spes defereret ferax colonum  
 Messis vberioris in futurum.  
 Hæ Cornicula sunt opes Vidoni,  
 Necnon deliciæ tui Macrini,  
 Quas mutare Britanniiis recusam,  
 Cræsi diuitiis & anteponam.  
 Fœlix, cui sua cunque grata fors est.

### Ad Adrianum Drusum Iuliodunen.

Druse in assuetum redeamus orbem  
 Carminis nostri, melicœque cantu  
 Gaudeant tactæ fidis & Latinis

Versibus aures.

Rupibus dum Thrax modulatur Orpheus  
 Ausis, nervos citharæ feritque,

Ad feræ cantum veniunt, morantur

Flumina cursum.

Per tua Amphion, Aracinte tesqua

Arbores plectro trepidas eburno

Traxit auditum, Tyriamque in urbem

Saxa coegit.

Sub fera quin & Polyphemus Aetna

Flexit argutis Galathean odis,  
Capta rorantes agit illa dulci  
Voce iugales.

Si colant docti mea scripta, mirum:  
Hos sinu & passim foucant libellos,  
Quæque suggestit mihi blanda dexter  
Carmina Pæan.

Fulta si non est pariis columnis  
Mi domus, seu quæ veniunt Caristo,  
Nec laboratum rutilo lacunar  
Fulgurat auro:

Arbores si non meus hortus æquat,  
Ipse quas Phæax biferas habebat,  
Fons nec in nostras properat per artem  
Defluus ædes:

At suo Musæ comites alumno  
Carmina afflantes operosa dictant,  
Nec pedem nostris agilem recusant  
Ferre choreis.

Ergo ter fœlix erit his quaterque  
Versibus quisquis celebrescet olim,  
Per futurorum memor & volabit  
Ora nepotum.

Nam nec Elæi Iouis alta templa  
Molibus fulgens imitata cælum,  
Celsa Mausoli neque busta Caris,  
Pyramidæve,  
Structa nec sumptu Babylon superbo,  
Coctili quanuis decorata muro,  
Mortis extrema nimium seueræ  
Lege vacabunt.

Hæc ruent olim populante flamma,  
Aut situ longo, aut pluuiâ fatiscent:  
Excidet nullo sed enim Camœna  
Nobilis æuo.

## Hecubæ captivæ querela.

Atropos iam tum mihi dura cladem,  
 Iam tum & æumnas superi parabant,  
 Cum meus syluam Paris arborosa

Vertit in Ida:

Salva Neptuni vada transiturus,  
 Ut rate auferret celeri Lacænam,  
 Pulchrior qua non sub utroque visa est  
 Fœmina Phœbo.

Ecce me circum mala multa vallant,  
 Et malis longè grauiora fata,  
 Publicos Troiæ peperitque priua a-  
 mentia luctus.

Hæc quidem clades aliunde nata est,  
 Multifons ex quo volucris sinistra  
 Ida tres vidit sine veste nato  
 Iudice Diuas.

Inde fax tanti lachrymosa belli,  
 Inde tot Troes Danaïque cæsi,  
 Liberum strages, Phrygiæque casus  
 Flebilis aula.

Ast ad Eurotam quoque nunc puella  
 Quæpiam forsan gemit, Inachumve,  
 Hic quod immiti iaceat peremptus  
 Cæde maritus.

Et manum cano capiti genitrix  
 Iniicit charis aliqua orba natis,  
 Ac furens malas auido cruentat  
 Ungue seniles.

Quod magis florens status ipse rerum,  
 Pluribus regnis opibusque fultus:  
 Hoc tamen lapsus grauior, magisque  
 Dura ruina est.

Ecce regnatrîx Asiæ feracis,

Affluens auro, & genus omne gemmis,  
Tot ministrorum procerūque densa

Cincta corona:

Liberis fœlix utriusque sexus,  
Et viro & quondam patre Rege pollens,  
Quam repentino tamen vna nox dat

Turbine pessum.

Vt forem exemplo nihil esse tutum  
Quamlibet magnis, Nemesisque quantum  
Ardua viciscens queat, inque cūlmen  
Infima tollens.

De meæ sago tamen audiisse  
Ore Cassandræ memini, canentis  
Dardanæ stirpi fore uti vicissim  
Seruiat Hellas.

## Ad Iuliū Camillum de efficacia fidei.

Si fidem citra Domino placere  
Tecte vel Paulo nequeamus vnquam,  
Hæc iter nobis & ad alta cæli

Muniat astra:

A Deo crebris eam ut impetremus  
Vsq̃ue nitendum est precibus Camille;  
Spiritusque huius dator ille pura  
Mente rogandus.

Nam simul castum penetrarit atque  
Pectus, à celso veniens Olympo, &  
Mentis arcanum vegetarit imos

Pneuma recessus:

Sponte tum fructus operum sequentur,  
Et boni mores, pietasque viua,  
Tum Deo fient generosa gratum  
Pectora templum.

Per fidem aeterno Patriarcha iustus

Principi cordi fuit, & litauit,  
Quod iubebatur faciens in omni  
Moriger actu.

Quippe cum seris Deus almus annis  
Iam seni optatam sobolem dedisset,  
Et spondisset numero sine vlllo  
Multiplicandam:

Mox eam stricto gladio feriri  
Iussit, extructa statuque in ara  
Victimam summo teneram supini  
Culmine montis,  
Non patrem segnis dubiisve mæror  
Occupat, iussis hilarus volensque  
Paret, & credit rata dein Tonantis  
Verba futura.

Quale spectaclum, puer in cacumen  
Montis excelsum duce patre pergens,  
Ligna fert pressis humeris agendo  
Congrua sacro.

Cumque libaret genitor securim,  
Victimaturus sobolem tenellam,  
Ecce per sudam veniens repente  
Angelus æthram,  
Brachii iamiam ferientis ictum  
Fregit, humanam vetuitque cædem:  
At loco nati Domino repertus  
Cæditur agnus.

Rektor hanc cæli probat obsequelam,  
Reddidit iustum pietas parentem,  
Qui fide certa foret imperantis  
Iussa secutus.

C H R I S T V S immensi reparator æui,  
Perditos dura cruce qui redemit,  
Det fidem nobis, fideique verum  
Fertilis vber,



## Ad Virginem matrem.

Regina mundi, Virgo puerpera,  
Qua nulla nata est fœmina pulchrior,  
In que axe quam circum corusco  
Stat volucer chorus Angelorum,  
Tu pura vincis lilia lacteo  
Candore, fusas Alpibus & niues,  
Collata fordescitque tecum  
Alba rosa, & nitidum ligustrum.  
Signata nœuo ne minimo quidem,  
Talos ad imos vertice ab arduo  
Formosa, cœlestis que plastæ  
Mirifico fabricata torno.  
Tu regum auita clara ab origine  
Omnes Hebræas exuperas nurus:  
Effert nec idcirco modestam  
Nobilitas generosa mentem.  
Te nascituram carmine præscii  
Scripsere quondam faticino senes,  
Laturam & aluo virginali  
Aurea qui regat astra, fœtum.  
O quæ voluptas/quantæque gaudia  
Exuberarunt pectoribus piis,  
Errore cum exploso Deorum in-  
notuit illa tua alma proles!  
Et nuntiatum est gentibus omnibus  
Sparsis per orbem latiuium, à tuo  
Tantum esse sperandam salutem,  
Nec miseris aliunde, nato.  
Tum facta rerum mira nouatio est,  
De principatu tum veteri fremens  
Frendensque cessit, luctuosum  
In Barathrum Antithen sive fugit.  
Hoc pro perennis munere gaudii,

Et suauitatum indeficientium,  
 Sunt gratiæ imprimis agendæ  
 Artifici Dominóque rerum.  
 Nec florulentis non epigrammatis  
 Tu digna laudum, quæ thalami inſcia  
 Pers Patris æterni propagem  
 Flaminis auspiciis beati.

**Ad Augustum Triuultium Cardinale  
 amplifs. Pauli summi Pontif. in Frã-  
 cia Legatum.**

Vox vnde nostris influit auribus  
 Tam læta: rumor murmure quis leui  
 Iucunda diuulgat repens, &  
 Huc niueis volat vsque pennis  
 Honore sacro clarus ab Italis  
 Augustus oris hñcne Triuultius.  
 Legatur in Franco vicēsne  
 Pontificis gerit orbe summit  
 O singulari lætitia diem,  
 Gemmisque Thracum more notabilem!  
 Iam nomen haud virtus inane est,  
 Iam meritis erit ampla merces.  
 Candore si quis præditus enites,  
 Rectumque præfers (vt decet) improbo,  
 Lætare fortitus patronum  
 Plausibilem, & merito verendum.  
 Et tu secundo si quis Apolline  
 Afflatus, audes digna lini cedro,  
 Crinémque Musarum sacerdos  
 Pieria redimis corona:  
 Orsis fauorem dulcibus incipe  
 Sperare tandem, iustæque præmia:  
 Accingere & mentem labori

Egregio, & fidibus mouendis.  
Non vana votis ludet inanibus  
Manare doctum mella poetica  
Spes vatem, humo nec seminabit  
In sterili, bibulisve arenis.  
Fœlix ea olim est copula, cum genus  
Illustre mores condecorant boni,  
Nec labe declinat quis vlla  
Stemmata ab eximio parentum.  
Hunc à Toparchis nobilioribus  
Burgundionum fama satum refert,  
Mutare qui sedes coacti,  
Insubriam petiere opimam.  
Illic manūque & Marte Triuultia  
Inclaruit gens, nominis & decus  
Extendit Eoos ad ortus  
Solis ab Hesperio cubili.  
Primæ illa nunquam quid quod originis  
Oblita, Francis partibus addidit  
Se semper, affectūque fido  
Pouit opes studiosa nostras?  
Augustus atqui non titulis domus  
Contentus altæ, & sanguinis inclyti,  
Se fruge doctrinæ salubris  
Excoluit, sphiâque sancta.  
Nec festa adiuit non etiam Orgia  
Vatum, iuuenta feruidus impigra,  
Et voluit authorum bonorum  
Omne sagax genus artiumque.  
Nil ergo mirum si modò tertius  
Ornauit illum his Paulus honoribus,  
Legatum & ex omni creauit  
Ostriferi numero Senatus.  
Torquent Olympum numine qui suo,  
Tantum mihi æui Cælicolæ annuant,

Florente dum possim Camœna  
 Rite tuas memorare dotes  
 O purpuratæ gloria curiæ  
 Præstans Triuulti, quo tumet Itala  
 Sese efferens tellus alumno,  
 Gallia quo sacra agente gaudet.  
 Faxi volentem Lesbide barbito  
 Præco hæc, vis me aut mea deseret,  
 Aut voce olorinum canorem  
 Melliflua superabo vates.

## De Petro Pylade monacho, ad Caro- lum Seuinum Aurelium.

Haud procul Petrus Pylades ab vrbe,  
 Quæ caput regni populis abundat,  
 Quam bipartitis penetrat quietus  
     Sequana lymphis:  
 Ruris in phanis agitans remoti,  
 Virgines sanctè Domino dicatas  
 Erudit, quæ sit via sempiterni ad  
     Gaudia regni.  
 Otii ô grata requiete foelix  
 Mens viri, quæ per volat alta cælum,  
 Quæque constanter studiosa CHRISTO  
     Hæret amando!  
 Non eam gazæ, neque consulares  
 Purpuræ à recto potuere calle  
 Flectere, aut sensus rapiens inani  
     Gloria plausu.  
 Maximos i nunc proceres, Ducésque  
 Cum meo confer monacho, videbis  
 Millies illis magis hunc videbis  
     Esse beatum.  
 Proin tibi grates ago Carle, quòd me

Tædio affectum strepitûsque & urbis  
Turbidæ, vt curas releuarem edaces  
Duxeris illuc.

### Ad Io. Cossiam virginem nobiliss.

Docta ð tempora, seculûmque fœlix  
Possit iure quod aureum vocari!  
Ter nondum tria transiere lustra,  
Cum regnaret in orbe scabra Gallo  
Passim barbaries, nec vllus esset  
Qui Græcè loqueretur ac Latine,  
Et Musis vti par bonis vacaret.  
At nunc ð Deus! ð beata secla!  
Romanas pueri, innubæ & puellæ,  
Ac Graias auidè sequuntur artes,  
Et sese eloquiū excolunt lepore.  
Tu Cossia mihi venusta testis,  
Quæ clarum genus, aureâmq; formam  
Doctrina excolis eruditore,  
Ac tete ingenuo colore pingens  
Exornas Charitum poeticarum,  
Et refers veneres venustiores  
Nostro Pieridum vna facta seculo.

### Ad Antonium Leonium Cõsiliarium Regium.

Plærunque rebus conueniunt suis  
Imposita nobis nomina: præbuit  
Insigne cognomen leonis  
Indomita indomiti tibi vis:  
Quo sis vt olim robore præditus  
Claretet, & quàm interritus asperos  
Contra labores, atque vitæ  
Omnibus in generosus actis.

Infana sed vis, sed feritas abest  
A mente leni: sicque tuos regit  
Natura conatus Deûsque,  
Iure vt agas nihil ipse summo.  
Virtus Leoni hæc cælitus inditur,  
Hi ab axe mores proueniunt, fouet  
Doctrina quos rerum sacrarum,  
Ingenuæ & studium Mineræ.

### Ad Hilermum Bellaium Langium.

Si noui bene te diserte noster,  
Quauis nunc procerum ambiare cœtu,  
Magnorum alloquio & fruarè regum,  
Quos sancto vnanimos amore longa  
Iam concordia paxque fœderauit  
Tete interprete, nuntiôque rerum  
Per quas creuit amor, fidelitâsque, &  
Facta est regibus vna mens duobus:  
In tam conspicua virûm corona  
Macrini memor es tamen, nec ille  
Conuentus celebrè, notabilisque  
De me quominus impedit loquare.  
Fortasse & cupias habere tecum,  
Vt tantummodo testis esse possim  
Partæ istic tibi gloriæ atque honoris:  
Illa & gaudia conscius Camœnis  
Quauis illepidis, meis referre.  
At quando dirimunt vtrunque longæ  
Interualla viæ, tenâxque cura  
Concessos mihi liberos alendi  
Ad te non finit euolare auentem,  
Ne mi ne tamen ô Patrone desis  
Absenti, obtulerit parata si se  
Fortè occasio amiculum iuuandi.  
Nec me propterea putes auarum:

Non diues cupio, sed esse liber.

## De nomine I E S V Augustis.

Quosdam esse vates (si superis placet)  
Fama est, I E S V nomen Olympicum,  
Insuaue quas cheu videtur,  
Nec citharæ modulis canendum.

Nostras quod aures nescio quid sonat,  
Offendat (aiunt) vt rude, barbarum,  
Agreste, & auersum affluenti  
Fonte Heliconiadum sororum.

Præposteri vāh iudicii viris,  
Doctis sinistra prorsus & alite,  
Quos Lerna tabo viperino  
Sparsit, aquis Stygisque Pluton!

Vobisne I E S V nomen amabile,  
Vernisq̃ue dignum floribus miseri, &  
Gemmis Hydaspæis nitere,  
Horridulum est, & inominatum?

Egnatio visum haud ita martyri,  
In corde cuius celebriter aureis  
Hoc nomen inscriptum figuris  
(Viscera dum laniantur) extat.

O rex I E S V qui cruce lignea  
Suspendus orbis crimina perdit  
Deles, & æternam reponis  
Morte piis obita salutem:

Tuo mihi nil nomine dulcius  
Quæso sit vnquam, nil pretiosius,  
Illius aduersus furentem  
Dæmona sim clypeo vsque tutus.

## De Carolo Bracheto cōsiliario Regio.

Versus cum legerem meos Bracheto,  
Fido Longolii asseclæ Bracheto,

Docto insigniter vtriusque linguæ,  
Eius siqua fides habenda verbis,  
Fallaci neque laude blandiatur,  
Commendasse mihi & probasse visus,  
Dicat qui volet esse nos ineptos,  
Atque auræ popularis appetentes,  
Delector tamen, æstimoque magni  
Nugas hæcce meas remissiores  
Tanti iudicio viri probari,  
Cui mens, ingenium, sagaxque naris,  
Ipso & lumina acutiora Lynceo.  
Quidni iudicio hoc superbiamus,  
Brachetique fauore gloriemur  
Fallatur licet, & Brachetus erret,  
Dum poemata laudat immerentis:  
Errore illius attamen fruemur,  
Et nos esse aliquid palàm loquemur,  
Freti authoréque & arbitro Bracheto.

### L. Tellignius ad Arethusam.

Illibata puellula,  
Præclaris neque non orta parentibus,  
Cuius grata decentia  
Formæ & mundities me mihi surpuit:  
Cui stellis oculi pares,  
Et frons sub rutilis lucida crinibus  
Multos sollicitant procos,  
Qui me diuitiis forsitan anteeant.  
Me constans tamen omnibus  
Præfers, atque virum non alium cupis.  
Vt leues taceam genas,  
Atque æquanda rosis ora rubentibus,  
Vt linguæ veneres tuæ  
Sermonemque fauis dulcibus oblitum,  
Ecquid coniugii memor



Noctu mœsta gemis, mœsta gemis diu:  
 Absentemque procul tuum  
 Suspiras tacitis faucibus ab ignibus  
 Aut fallor mea lux, moræ  
 Aut tam longa dolens tædia fers meæ.  
 Sic Phyllis Rhodopeia  
 Actæum patrio littore coniugem  
 Speravit reducem diu.  
 Sic flauum Hypsipyle tristis Iasona.  
 Blandis utraque vocibus  
 Deceptæ, trifidis sed prius ignibus  
 Irati feriar Iouis,  
 Ac terræ subitis viuis hiatibus  
 Labar Tænareum in chaos:  
 Promissam tibi quàm sustineam fidem,  
 Pacta & connubialia  
 Dispergi AEoliis irrita flatibus.  
 Me torret face mutua  
 Qui te incendit amor, nullaque fœmina est  
 (Sint cultæ Italides licet,  
 Vultusque ingenui gratia amabiles)  
 Quam præferre tibi velim.  
 Flammæ principium & finis eris meæ.

## Ad Nicolaum Britannicum Căpanum de munusculis ad Gelonidem missis.

Hæc Nicolao pauca Britannico  
 Charo mi ocellis non secus ac meis  
 Pimplæa (si non sit molestum)  
 Exposuisse agedum memento.  
 Grates Gelonim exoluere maximas  
 Nostram, quod illi pectinem eburneum,  
 Cum theca inaurata eleganter,  
 Miserit & speculum ipse rarum.

Hoc hospitis se mnemosynon fui  
Abscondituram dicere in arcula  
Clausa, nec vsuram diebus  
Munere eo nisi forte festis.  
Addes & à me perbreue amiculo  
Hortamen istud, ne malè scilicet  
Consultus imprudensque chartis,  
Anteferat gladios minaces.  
Securus alto sed mage in otio  
Pugnata nostris prælia scriptitet,  
Incumbat & libris docendo  
Ingenuas Arethusan artes.  
Hæc verba postquam paucula dixeris,  
Obliuiosis non tamen auribus  
Credenda, multam impertieris  
Nomine Musa meo salutem.

### De constantia Martyrum.

Integræ fixa est cui cura vitæ,  
Quique cælestas ad opes anhelat,  
Numinis cultor pius, & caduci  
Spretor honoris:  
Cuncta quæ mundus pretiosa ducit  
Fortis irridet, nihilque pendit:  
Nec dapum luxu, neque commouetur  
Diuite gaza.  
Omnis in C H R I S T O est animi voluptas,  
Omnis inque eius nece cogitatus,  
Cæli inardescit modò amore, & illuc  
Lumina tendit.  
Non metus lethi quatit vllus illum,  
Orbe cum vitam cupiat relicto  
Ponere, & causa fidei cruorem  
Fundere rubrum.  
Hoc flagrauerunt studio beati

Martyres, quos nec gladiis Tyranni,  
Nec fame longa, aut potuere sæuis  
Vincere flammis.

Talibus merces datur ampla cælo, &  
Quamlibet duros superans labores,  
Perpes æquetur Superùm quibusnam  
Gloria pœnis?

Per pius prunas medias vir ibit,  
In' que ridebit rapidis fauillis,  
Fulgurent nec si frameæ, timebit  
Vulnere lædi.

Quos amor CHRISTI, probitas, fidésque  
Robore arcano stabilivit, esse  
Flagra proponunt leue ferre, & omnes  
Corpore pœnas.

Erigit mentem bene præliantum  
Certa spes vitæ melioris, & post  
Fata victori in rutilo reposta  
Axe corona.

## Ad Musam de laudibus Frãcisçi Regis.

Seu Laureta iugi densa biuerticis,  
Seu te ruris habent gramina Thespii,  
Aurata huc properè non sine barbito  
Dulcis Terpsichore veni.

Quàm vati Rutulo, tam facilis mihi,  
Augustum melico carmine dum canit,  
Clarorùmque domi ac militiæ virùm  
Docta gesta sacrat lyra.

Regum non dubiè maximus omnium,  
Insignisque suæ gloria Franciæ,  
Franciscus celebrer nominis omine  
Dicendus fidibus nouis.

Nam nunc Insubria victor ab vbere  
Vexilla ante Deos hostica patrios

Suspendit pius, & Gallica laureis  
Ornat regna recentibus.

Hostes attonitos vidit & Abdua,  
Tranquillóque fluens Mincius alueo  
Despondere animum, deferere ordines  
Perfractos equitum impetu

Nostorum: agna lupos vt noua Martios,  
Sic Gallum Verager fractus & Antuas  
Instantem iuga per frondea montium,  
Per valles fugit inuias.

Non fulgens roseo murice pileus  
Sedunum eripuit, lingua vel eloquens:  
Nam castris tacito tramite perditus  
Exangui egreditur metu.

Tantam Liligera gentis adoream  
AEui nulla dies destruet, inclytos  
Narrabunt proceres, magnanimum & ducem  
Certatim quoque posteri.

Hunc qui vincat auos laudibus, augeat  
Quo bellante suos Francia limites,  
Et responsa Deum, & sydera consona  
Passim significant fide.

Huic felicem Asiam, & Niliacam Pharon  
Cedes Turca ferox, regnaque Dorica:  
Atque illata Scythes lilia, & asperi  
Spectabunt iuga Caucaasi.

Ad Hilermum Bellaium Langium to-  
parchum clariss.

Libertate vti candida fruamur,  
Nimirum lapidem mouemus omnem, &  
Nullum horrescimus impigri laborem  
Iucundissime mi patrone rerum.  
Conatu sedenim irrita atque casto

Cedent omnia quantacunque, ni tu  
 Intendas animum, & benignus adsis.  
 Fons tu huiusce rei caputque solus,  
 Solus præsidium, decusque nostrum.  
 Voti reddere compotem Macrinum  
 Si velis modò, paululumque tentes,  
 Cuncta perficies vel otiosus.  
 Si mi contigerit quies, manūque  
 Per te mittar ego, ilicet solutus  
 Quantas mox tibi gratulationes  
 Effundam cithara loquaciore!  
 Quot te millia carminum, quot amplæ  
 Scitorum Iliades manent leporum?  
 Clamabis quoties legendo nostra  
 Cynum ex anserē me repente factum?  
 Vt te pœniteat fuisse lentum,  
 Prolixasque moras subinde damnes,  
 Quod non iuueris ocyus clientem  
 Iucundissime mi Patrone rerum.

### In nebulonem quendam.

Machinareris mihi cum ruinam  
 Vix pili infelix nebulo putande,  
 Atque versares genus omne fraudum  
 Perfide tecum:

Ora composito tibi suda vultu,  
 Intini gestus & erant amici,  
 Subdola in vafro sedenim latebat  
 Pectore vulpes.

Te modò hoc verè memini locutum,  
 Dum mihi incauto dare verba tentas,  
 Neminem meipso magis esse Franco  
 Orbe beatum.

Quod licet ficta loquerere lingua,  
 Mēque lactares placitura fingens,

Non tamen dicta hæc Deus esse clemens

Irrita iussit.

Exitus Naso probat acta ut inquit,

Tu velut vitæ maculis mereris

Dura fers, semper medio in periculo

Mortis acerbæ.

Nos sed optata vacui sub umbra

Arborum, ad notæ fugitiua Brissæ

Flumina effusos canimus sonanti

Pectine versus.

Cumque concentu satiata mens est,

Et manus nervos feriendo laissa,

Voce anagnostes veterum suaui

Carmina lectat.

Antè fors profer(rogos) sit ferenda

Vtrius, vatis meane otiosi,

An tua infana ò nebulo vorantis

Cuncta rapina.

### Canticum Simeonis paraphrasticòs.

Æterne Princeps culmina qui tenes

Suprema cæli, nunc (vti dixeris)

Nunc pace compositum in quiete

Decrepitum Simeona linquis:

Quippe hisce C H R I S T V M luminibus tuum

Æui supremo curriculo datur

Spectare, diuinam mensque

Stringere progeniem lacertis.

Importuoso quæ velut æquore

Igni relucens flammivomo Pharos,

Diffundit ecce omnes coruscant

In populos manifesta lucem.

Tristes tenebras gentis & ethnicæ,

Obscura ceu sol nubila, discutit:

Et gloriam auget nationum

Ex oriens Solymis piarum.

## De Georgio Selua pontif. Vaurenſi & regio legato.

Nymphæ quæ nemorum tenetis vmbraſ,  
Et flores legitis per vda Tempe  
Plenis ſirpiculis adaggerandos,  
Seluæ ſerta meo parate quæſo,  
Sacræ nomina cui dedere ſyluæ,  
Mutata modò littera ſecunda,  
Vt præſagia dulcioris eſſent  
Oti, & Caſtaliarum amœnitatum,  
Quas veſtra coleret quietus vmbra:  
Seluæ pontificum eruditiorum  
Longè me Hercule principi, benignos  
Seu quis ponderet æſtimetque mores,  
Artes ſiue magis bonas, ſed illi  
Quænam ſerta Deæ feretis? ô ſi  
Impromiſcua, flore non caduco,  
Annorum aut ſeriem timente longam?  
Immortalia ſint vt ipſa, quando eſt  
His ſertis meus ecce Selua dignus.

## Ad CHRISTVM Dominum.

AEui luſtra nouem iam mihi proxima, &  
Albeſcens propera canitie caput  
CHRISTO offerre ſuadent  
Vitæ quod ſupereſt brevis.  
CHRISTO inquam, ætherei qui ſapientia  
Eſt æquæua patris, virgo perintegra  
Quem diuinitus olim  
Concepit, tulit, edidit.  
Et quid me fieret ſi pede quo prius  
Per prærupta viæ ac lubrica pergerem?

m.iiii.

Nec vestigia recta  
Ad cæli atria flecterem?  
Si merfus vitiis non resipiscerem,  
Sectarer rapidos mentis & impetus,  
Iusta iniustaque miscens  
Annis ut male sobriis  
Extirpare parens optime maxime  
Quæ sunt praua velis, semina & indere  
Virtutum omnigenarum,  
Ad frugem ut redeam bonam:  
Ad flammæ meritum ne Phlegetontias,  
Ardentemque olido sulphure Tartarum,  
Me proturbet amarus  
Summi iudicii rigor.  
Illic fumiferam lampada mobili  
Quassans Tisiphone lurida dextera,  
Obiecto igne nocentes  
Terrétque anguineis comis.  
Vndarum sitiens amne fugacium  
Frustra haurire parat Tantalus, & rotæ  
Iugi voluitur orbe  
Audax Pirithoi parens.  
Pertusas miseræ Belides ingerunt  
Effluxura iterum flumina in amphoras,  
Saxum in culmina montis  
Urget Sisyphius labor.  
Et tu tergemini Cerbere hiatibus  
Latras vestibuli limine fumidi,  
Lernæ & peior Echidna  
Stridet bellua centiceps.  
Ne illuc me scelorum noxia vis trahat  
Quæso præcipitem C H R I S T E salutifer,  
Neu commissa gehenna  
Plectantur mea flebili.  
Sed vitæ meditans crimina pristina,



Fufis conciliem te mihi lachrymis,  
Et culpas metanœa  
Anteaſtas comite eluam.

## Ad Renatū Fabriciū Iuliod. de mor- te Domini I E S V C H R I S T I.

Annua ſolis reuoluta gyro  
Hæc dies luſtum lachrymâſque poſcit  
Fabrici, ſunt & ferienda crebro  
Pectora planctu.  
Nanque ſarturus generis ruinam  
C H R I S T V S humani, Mariæ alma proles,  
Hoc die culpas hominum cruenta  
Morte piauit.

Ferreus quis tam precor, vt ſupremi  
Principis leto nequeat moueri,  
Cum ſuum mœſtus manifeſtet orbis  
Ipſe dolorem.

Terra nam mouit, lapidē ſque ſciſſi,  
Luxit & Titan moriente C H R I S T O,  
Mortui furgunt, Solymæque velum  
Diditur ædis.

Tanta quid mirum fieri? dolores  
Quippe tam duros Dominus ferebat,  
Eius vt nullum propè cerneretur  
Corpore corpus.

Nunc meæ menti ſpecies inhæret  
Illa ceu præſens, animûmque ſtringit,  
Sancta cum ſudor roſeo rigaret  
Membra truoze.

Atqui oportebat genus eſſe mortis  
Horridum, cuius modò cogitatu,  
Ac citra plagas, fluido maderet  
Sanguine corpus.

Nunc flagris cæſum videor videre

Seſta, diſiungat quoque ſchiſma nullum,  
Sentiant omnes atenim quod æquum eſt  
Pectore puro.

[Ad Michaelẽ Rutilium Lambertum  
Iuliodunen. Ex Græco.

Seſtanda vitæ quæ mihi formula  
Deliberanti ſollicite ac diu,  
Quocunque me vertam Rutili,  
Omnia plena malis videntur.  
Feruent moleſtis nam fora litibus,  
Et continenter cauſidici ſtrepunt.  
Sin forte priuatus: domi me  
Tædia & anxietas manebunt.  
Si ruſticari diſcupiam: necat  
Me ruſ iniquis triſte laboribus.  
At regna Neptuni ſecantem,  
Horrida mille premunt pericla.  
Amplum eſſe cenſum fac mihi diuiti,  
Fac eſſe Cræſi gazam Alyattici,  
Tunc ſi peregre eſt exeundum,  
Cuncta miſer metuam inque tutus.  
Sin dura nudum pauperies premet,  
Et farta nulla bulga pecunia  
Pendebit, cheu quàm moleſtum eſt  
Hoſpitem egere virum Rutili!  
Vinculis iugatum connubialibus  
Curæ ſequentur, multæque acerbitas:  
Torquebit ægrum ſolitudo,  
Si placeat mihi vita cœlebs.  
Fœcunda coniux me ſobole auxerit,  
Enutrienda eſt non ſine tædio ac  
Sudore: ſin deerit, carebit  
Lumine vita gementis orbi.

Lanugo primo flore teget genas,  
 Nullo Iuuenta est consilio efficax,  
 Canis inalbescet senecta,  
 Viribus intalida est caducis.  
 Ergo quod optem quid reliquum mihi est,  
 Nisi alterutrum si cupiam catus,  
 Exisse vel nunquam parentis  
 Ex vtero, interiisse vel mox?

Hymnorum libri quinti finis.

# Salmonii Ma-

CRINI IULIODVNEN.  
 Cubicularii Regii Hymnorum li-  
 ber sextus.

Ad Io. Bellaium S.R.E. Cardi-  
 nalem amplifs.

Mecœnas quod Horatio, Maroni,  
 Plotio, Vario, Propertioque,  
 Et doctis aliis fuisse fertur,  
 Dum commendat eos potentiori,  
 Multo & munere liberalis ornat:  
 Macrino id cupis esse non merenti  
 Bellai Aonidum decus sororum,

Nec vates modo, sed Patrone vatum,  
Francisci quoties putas fauore  
Vllos munifici atque amore dignos.  
Esse inquam mihi vis id immerenti  
Mecœnas quod Horatio, Maroni:  
Ac me suscipis, euehisque nullo  
Spectatum officio peculiari.  
Nam quæ te ratio mouere possit,  
Nulla præditum vt eruditione  
Tam constanter amest identidemque  
Aulai moneas rudem, meandum  
Quo sit tramite, & arte qua obtinendum  
Francisci mihi clausa ne sit vni,  
Ex omni grege literas amantum,  
Tam proluxa manus benignitasque  
Francisci aurea quem tulere secla,  
Clarum militiæ domique Regem.  
Ad cuius solium & verenda sceptræ  
Vultus deliciunt suos Camœnæ,  
Atque insignia liliata adorant,  
Custodem ac Dominum suum fatentes.  
Vt qui scilicet exulum misertus,  
Has regni penetralibus locarit,  
Et certos dederit bonus penates,  
Cursu Sequana qua fluit bisulco,  
Leni Metropolim alluitque lympha.  
Verum ad te redeo, affluente cuius  
Sic me sentio gratia obligatum,  
Atque his officiis inusitatis  
Deiectum quibus alleuare pergis,  
Vt si possideam quod antè Crœsus  
Pactoli spoliisque onustus Hermi,  
Vincam aut diuitiis potentiâque  
Qui olim Persida dum lacescit, ipfas  
Fœdauit latio cruore Carras,

Soluendo ta men ô Patrone non sim,  
Nec dignas meritis vices rependam.  
Atqui(quæ tua lenitudo)nostros  
Hos tanti facis æstimásque versus,  
Insultos licet atque inelegantes,  
Vt fat te hisce putes remuneratum,  
Nec gemmis mage gaudeas vel auro,  
Vel pictis veterum manu tabellis.

### Ad seipsum.

Quid congerendæ cura pecuniæ  
Noctes Macrinum percoquit ac dies  
Quanam laborantem paternos  
Amplificet ratione census?

Me si beatum maxima vis opum,  
Exoticorumque atria marmorum,  
Si prædia insignésque villæ &  
Tecta citro laqueata reddant:

Eia! hæc necessum cuncta pararier,  
Vllum labori nec statui modum,  
Splendore dum rerum domoque  
Purpureos superem Tyrannos.

Atqui æstuantis non animi impetum  
Sedare magnæ diuitiæ queunt,  
Intrinsicus nec cura pungens  
Regifico est abitura luxu.

Dum parua fester, seditionibus  
Non turbulentis obiiciam caput,  
Nec prælia infensi vel hostes  
Vlla mihi pariant pericla.

Quærenda quæ sint inuidia procul,  
Tutus quiescam si fugiam ardua:  
Nam quicquid excelsum, trifulco  
Sæpius igne Iouis feritur.

Contentus hortis proin mediocribus,

Nexisq̃ue spisso palmite pergulis,  
 Ne sutor adspirem (quod aiunt)  
 In vetitum crepidamq̃ue supra.  
 Vitæ exigenti quod superest mihi,  
 Notis agellis atq̃ue humili domo  
 Manantis ad riuī susurrum  
 Somnificum, salicisq̃ue nanas:  
 Dicantur hymnis suauisonantibus,  
 Sapphusq̃ue dulci pectine Lesbæ,  
 Heroes æternisq̃ue, & ipsa  
 Cælipotens Mariæ propago.  
 Diuæ propago Virginis aurea,  
 Quæ sede summi Patris olympica est  
 Illapsa terris, quo ruinam  
 Semianimi repararet orbis.  
 Te vagientem Rex bone Cælitum,  
 Te membra vinctum mollia fasciis  
 Visere pastores, Magisq̃ue  
 & roseis Orientis oris.  
 Authore stellæ lumine præuiæ  
 Matris pudico compositum sinu  
 Visere, & aduectas ab Indo  
 Vsq̃ue solo exposuere gazas.  
 Mortalitat̃is myrrha typum gerit,  
 Auri tributo nota potentia est,  
 Panchæa adorando offeruntur  
 Thura Deo, Superumq̃ue Regi.  
 Hac luce festa CHRISTE hominum parens  
 Supreme, vates te tuus inuocat,  
 Longamq̃ue Francisco precatur,  
 Paret humus cui Galla, vitam.  
 Oraculis nam deditus hic tuis  
 Dignis magistros sumptibus excitat,  
 Vt pubis intentæ per artes  
 Ingenia ingenuas reforment.

## Ad Pascaſium Clementem.

Sex ego perſcripſi multo ſudore libellos,  
 Quos tu atque amici Paſcaſi  
 (Subdola lingua niſi ſimulato à pectore diſtet)  
 Deſyderaviſti tandiu.  
 Sed non crediderim diſferre à pectore linguam  
 In adeò amicis candidis,  
 Tuſano vtpuſta, Danefio, comiſque Maino,  
 Necnon trilingui Vatablo:  
 Vt cunctis taceam lumen venerabile Graiis  
 Horum patronum Laſcarem:  
 Quem non ambitio vel opum ſitis improba, ſanctis  
 Ab inſtitutis auocat  
 Illuſtrandi artes veterum, doctòſque citandi:  
 Totiſque in hoc pius ſenex  
 Incumbit, regum & procerum & ſecurus honorum:  
 Satu ipſe quauis regio  
 Inſignis, proavos auguſtæ in ſtemmate gentis  
 Iactare poſſit Cæſares.  
 Iſtis vt gererem Clemens ſuaviſſime morem  
 Amiculis prædulcibus,  
 Collegi nuper melius latitura profeſto  
 Sex carminum volumina.  
 Quæ commendabis accurate omnibus, antè  
 Nido è ſuo quàm prodeant,  
 Vt naſutorum ronchos ſannâſque moleſtas  
 Præteruolent interrita.  
 Nam niſi defendant tantorum ſcuta virorum,  
 Qui auſint venire in publicum?

## Ad Franciſcum Regem.

Regum maxime Rex potentiorum,  
 Annos iam prope bis decem labore  
 Sum ſummo ipſe tua frequens in aula,

Et te persequor huc euntem & illuc,  
 Nec quicquam inde fero tamen lucelli,  
 Aut rem promoueo peculiarem,  
 Exhausto iam animi mei vigore.  
 Cultori ò steriles suo Camœnæ!  
 Quæ cum tot pariant subinde curas,  
 Tantos vndique & afferant labores,  
 Nil profint tamen, & maligna fallat  
 Ex agris toties seges recultis.  
 Nimirum hæc leuius forent ferenda,  
 Si illo tempore fortè natus essem  
 Cum tristi Genio maloque fato  
 Noster barbarie iaceret orbis.  
 Sed sælicia me tulere sæcla,  
 Quæ te Principe perpolita raris  
 Cunctarum artibus eruditionum,  
 Linguarumque trium diserta cultu,  
 Aetati nihil inuident beatæ  
 Pellæi iuuenisq; Cæsariumque.  
 Hac regni ergo tui feraciore  
 Tempestate tot exteri atque Galli,  
 Quæ donis & honoribus fouentur,  
 Doctrinæ modò gratia ac leporum:  
 Quis fit maxime Rex tuarum vt vnus  
 Restem expers ego liberalitatum,  
 Tam pronum neque sentiam fauorem?  
 An'ne id segnibus imputem Camœnæ?  
 An fato mage syderumque causis?  
 Cum Musis tibi par sed est potestas  
 Ad præcordia concitanda ratum:  
 Et maior Ioue, syderum sinistros  
 Aspectus potis es leuare præsens.  
 Proinde abs te peto, flagitòque supplex,  
 Vt me lumine lætiore posthac  
 Deiectum aspicias, & in tuorum



Admittas numerum, gregemque vatum.  
Facturum puto te rogata, cum sis  
Regum maximus, optimus virorum.

## Ad Ludouicum Tellignium Toparchum clarissimum.

Bella dum summo studio geruntur  
Cæsari Carlo Ducibusque Flandris,  
Sextias pugnae & aquas Iberum  
Occupat agmen:

Militas Francis Ludouice castris,  
Præque Francisci ditione corpus  
Acer obiectas, patriæ & pericla  
Spernis amore.

Macte præclara pietate tyro,  
Mox Duces inter numerande magnos,  
Cui salus Regis patriæque vita est  
Charior ipsa.

His parens olim tuus institutis,  
His rudimentis gradibusque creuit  
Ad decus magnum, celebres adeptus  
Martis honores.

Non eris laudis iuuenis paternæ  
Degener, menti stimulos honestæ  
Illa subiunget, face te flagranti  
Illa peruret.

Sic Phrygum Pyrrhus veniens ad urbem,  
Patris exemplo feriebat hostem:  
Sic Themistoclem decora excitabant  
Milciadæa.

Si tamen nostras Ludouice voces  
Blandus exaudis docilisque, non tam  
Cornipes fuluo cataphractus ære, aut  
Noricus ensis:

Non cauius thorax, clypeus, vel hasta

Spem tibi palmæ faciant habendæ,  
Quàm sacer CHRISTI fauor, ille muns,  
Ille sit umbo.

Tela seu forti iaculere dextra,  
Siue equum aduersos adigas in hostes,  
Aura cælestis face & inuocetur  
Dulcis IESVS.

Et tibi coniux Arethusa mentem  
Tangat, exhibis quoties ad arma.

Quod redux narres & ei labora  
Quærere nomen:

Vt virum propter Superos adorans  
Sospitem, sacris pia dona templis  
Offerat, lætas salienti agátque  
Pectore grates.

## Lætatur eo quòd nuntiatum sit Delphinum conualuisse.

Non semper atris fluctibus Adria  
Raucus tumescit, nec mare spumeum  
Frangunt inabruptis procellis  
Pliades, Olenii vel hœdi:

Sed nube disiecta aureus interim  
Titan refulget, flabræque concidunt,  
Impune tranquillum & liburna  
Fas secuisse salum carina.

Oppressa mœstis pectora nuntiis  
Exæstuarunt heu nimium diu,  
Quòd fama Delphinum ferebat  
Præcipiti cecidisse letho.

Quid? morte mortis quod grauius genus  
Ipsa latentis quippe venefici  
Sublatus (aiebant vt omnes)  
E medio, cyatho ille tetro.

Vt cunque sese res habuit, tamen  
 Sancto reuixti munere numinis  
 Francisce Francisci propago  
 Liligeri generosa Regis.  
 Iam luctuosorum intima pectorum  
 Cessere prorsus nubila, & aere  
 Iam sudo inæquales procellas  
 Lætificum pepulit serenum.  
 C H R I S T O decebit iam meritas preces  
 Offerre, grates soluere debitas,  
 Cantare Pæanas facellis,  
 Atque Arabos adolere odores.  
 Cur ð ministri mensa paratior  
 Non sternitur iam? Aurelia cur scypho  
 Spumante defunt? cur quod Andes,  
 Quòdque tulit bona Belna vinum?  
 Inter Lyæi munera floridi  
 Regi parentisque, & soboli licet  
 Victoriæ oppresso apprecari  
 Cæsare, Cantabricisque turmis.

### Ad Franciscum Regem.

Da Princeps veniam tuo poetæ,  
 Valetudine si periculosa  
 Tentatus patriam domum reuiso,  
 Et cum coniuge liberos amata.  
 Nam morbo malè qui sine habet premittique,  
 Sic contrarius est labor, quietem  
 Vt vel quærere sit mihi necesse,  
 Ex hac vel properè emigrare vita.  
 At ne segnitiei inertięque  
 Quis patrociniū putet parari,  
 Ignauæ & latebram remissioni,  
 Reddetur tibi temporisq; & otii  
 (Si quicquam tamen otii relinquat

AEgrotatio continenter anceps)  
 Ad vnguem ratio, per & dolorem  
 Si curam dare litteris licebit,  
 Plenis millia versuum quadrigis  
 Mittentur tibi, lectione quorum  
 Cognosces neque longa separati  
 Interualla loci, neque impotentem  
 Vim morbi potuisse sæuioris,  
 Quin regum & celeberrime optimorum  
 De te nocte diéque cogitarem.

### Ad Titum Pinnium Iuliodunen.

Ergóne Orphæis fidibus, canebas  
 Quas modos nuper vacuus, relictis,  
 Atque Parnassi bifidi valere  
     Numine iusso,  
 Castra Gradiui sequeris cruenti,  
 Militem mauis Tite, quàm poctam  
 Esse te! plus quàm bona Musa cordi est  
     Letifer ens!  
 Et quis hæc quæso ratus esset vnquam?  
 Quis neget cursu Ligerim reflexo  
 Iam meaturum, reditura ad ipsos  
     Flumina fontæ?  
 Hactenus sacris operata Nymphis  
 Dextra crudeles gladios coruscat,  
 Próque concentu chelys, it tubarum  
     Clangor ad aures.  
 Cum tibi immundæ latices lacunæ  
 In caua fesso galea bibentur,  
 Súbque cogêris Ioue ferre duræ  
     Frigora noctis:  
 Cum relegati cupido soporis,  
 Atque speranti placidam quietem

Ingruent hostes, subitoque cingent  
Agmine vallum.

Quam velis pugnæ adiisse nunquam,  
Nec latus munisse tuum ense sæuo!  
Quam domum, at frustra, cupies perosus  
Bella redire!

Est quidem belli studiisque præses  
Ipse Tritonis: sed enim libenter  
Otium vsurpans, posita frequentat  
Gorgone Athenas.

Antefert pugnae Dea sæpe pacem,  
Iurgio & rixæ quietem, olivæ  
Arguit pacis typus id Mineræ  
Nobilis arbor.

### Ad Claudium Magonem Iuliodunem.

In comparandis mi nimis anxius

Videre Mango diuitiis, neque

Audire diuinos libenter

Veridici monitus magistris:

Ne sitis vnquam solliciti die

De castino, inquit, sufficiat sua

Sed cura præsentis diei,

Anxietas & amara victus.

Nimirum abunde est diues & affluens,

Quem Patris almi larga benignitas

Cornu locupletat perenni,

Æthereis saturans saginis,

Auro micanti iam laquearia

Distincta, marmor iam parium tibi

Sordefcet, affabréque quicquid

Artifici studio expolitur:

Postquam excolendum te mage sciueris,

Magisque adornandam esse tibi domum,

Cæleste quam numen frequentans

Infideat, vice templi & intret,  
 Hæc penicillo iustitiæ domus  
 Pingenda Claudi, mentis & integræ  
 Splendore puro luminanda,  
 Grata Deo sit vt ipsa sedes.  
 Hunc nempe cultum Rex superum probat,  
 Has solum *i e s v s* diuitias vocat,  
 AErugo quas nec perdat olim,  
 Nec caries tineæve rodant.  
 Talem flagranter nos opulentiam  
 Optemus, hæc & lucra salubria  
 Sectemur, hoc censu beatos  
 Nemo inopes homo reddet vnquam.

### Ad seipsum.

Syrenum illecebris captus inanibus,  
 Vatum & melliflua vaniloquentia,  
 Ceu Circes biberis pocula noxia,  
 Indulges modò fabulis.  
 Indulges, oculos heu nec ad æthera  
 Sustollis, nec agis quæ placeant Deo,  
 Dauides veluti vaticinus sacra  
 Cælesti enucleans lyra.  
 Quid verbosa tibi proderit Ilias,  
 Pellacisve duplex cursus Vlyssæi  
 Quid regnum in Latium Anchisiadæ manu  
 Latos Dardaniæ Deos?  
 Vites quæ posuit mollis Horatius,  
 Lasciua & nimium Musa Propertii,  
 Tu Nasonem aliis & Cythercias  
 Prudens linque agedum faces.  
 Verba Euangelii sint tibi cantio  
 Amplectenda magis, *c h r i s t v s* & optimus,  
 Qui Patris folio missus ab aureo  
 In terras hominem induit,

Aluo qui Mariæ virginis editus,  
 Affixusque cruci, morte vicaria  
 Humani generis crimina sustulit,  
 Et cælo asseruit pios.  
 Culto nec sileas carmine martyres,  
 Argutæve chely, qui Dominum Ducem  
 Sectati, accipiunt iure perennia  
 Fusi præmia sanguinis.  
 Nimirum his studiis, his bone cantibus  
 In doctas hominum peruenies manus,  
 Sudorêsque fauens respiciet tuos  
 Alto CHRISTVS ab æthere.

### Ad Gilermum Buccetellum Secretarium Regium Saffii Dominum.

Si versus tibi Buccetelle mittam,  
 Propter quos vadimonium relinquo,  
 Molles, dulciculos, venustulosque,  
 Ecquid præmii erit tuo Macrino?  
 Illum munere de suo Anne amabis,  
 Adiungesque gregi intimo tuorum?  
 Si noui bene te, tuas & aures,  
 Quas nil tersius eruditiusque est,  
 Non emblemata sericis vestes,  
 Non rubri niueos maris lapillos,  
 Aut pluris facies metalla Gryphum,  
 Quam poemata florulenta vatam,  
 Et factos criticum modos ad vnguem.  
 Quidni? cum tibi profluente riuo,  
 Fontis Pegasæi Thalia custos  
 Sedarit cupidam sitim bibentis  
 Nec sit carmina belliore rhythmo  
 Qui vernacula facitet poeta,  
 Si quando vacat hisce feriaris

Et deſeſſum animum otio fouere  
 Miſcenti tibi ſeriis iocoſa  
 Per gratas operum remiſſioneſt  
 Hæc aurem mihi vellicant ſubinde,  
 Vt verſus tibi Buccetelle mittam,  
 Hoc eſt in mare aquam ſeram, quod aiunt.

Ad Georgium Armeniacum Ruthenorum Pontif. Regium apud Venetos Legatum.

Quis lyra mecum lepidoque verſu  
 Lucis auguſtæ celebrem triumphum  
 Concinet vates, hedera reuinctus  
 Tempora pulla?

Quis preces diuſumque, hominūque Regi  
 Debitas fundet pius hanc ad aram  
 Fronde adornatam mihi, ſuauiūque  
 Flore roſarum?

Ecce iam myſtæ niueis amiſti  
 Carbafis templi loca ſancta circum  
 Ordine incedunt, ſuperōſque feſtis  
 Cantibus orant.

Tu diem tantum celebres Georgi  
 Optime in primis, tibi cura nuper  
 Quando ſacrorum data, & edocendæ  
 Munia plebis.

Tenia crines redimitus alba  
 Iam præi caſtis precibus ſacerdos,  
 Iam ſuperfuſæ chorus expietur  
 Flumine lymphæ.

Voce certatim numeroſa dulci  
 Chriſton authorem Dominūque rerum



Inuocent Odæa, adyta & Sabæo

Thure vaporent.

Gratias nostrum tibi quisque soluit

C H R I S T E supremi patris alma proles,

Supra opem humanam meritas licet sit

Promere laudes.

Gratias cuncti sedenim libenter

Soluimus, festas canimusque laudes,

Sedibus summi quodd adusque terras

Lapsus Olympi

Gentis ob noxas hominem induisti,

Quoddque synceræ ex vtero puellæ

Prodiens annis teneris acerba

Multa tulisti.

Quodd pependisti cruce fixus alta,

Mortèque euicta rediuius auras

Has reuifisti domitor nigrantis

Factus Auerni.

Quodd remigrasti solium ad paternum;

Cælitum densa comitante turba,

Quem diem sacris colimus frequentes

Rite peractis.

Nunc throno gemmante sedens verendam

Patris ad dextram, imperiique consors,

Cernis humanam placido benignus

Lumine gentem.

Et reos patrocinio tueris,

Patriæ clemens moderator iræ,

Asperant illum quoties tuorum er-

rata clientum.

Scis enim quàm sit facilis ruina in

Peius humano generi, proinde

Alleuans lapsos, nouimenta præsens

Omnia pellis.

Te Dei summi bone C H R I S T E prolem

Antelucanis veneramur horis,  
Tēque dum ferus rubicunda tollit  
Lumina vesper.

Ad Gelonidem de coniugis absentia  
conquerentem.

Ne posthac rogo ne Geloni plores,  
Neu te iugibus eneces querelis,  
Absens quod nimium diu penates  
Ex aula ad patrios redire cessem.  
Iam fidem tibi liberabo pactam,  
Id damno licet vtriusque fiat,  
Annonæ neque caritas vetabit,  
Qua late regio laborat istic,  
Ad te quod properem minus Geloni.  
Quin nec rem fuerit mihi lucellis  
Tanti augere nouis peculiarem,  
Et ditescere, & interesse lautis  
Nostrorum procerum subinde mensis,  
Vt te sustineam domi manere  
Desertam, ægram animique, flebilēque.  
Tu tantum reduci mihi parato  
Complexus dare, quos prius solebas  
Succis nectareis inebriatos.  
Addes millia multa basiorum  
Sed mellitula, mollicella, pressa,  
His absentia nostra subleuctur  
Post tardam nimium reuersionem,  
Sint solatia mensiōis huius  
Inuisæque moræ Geloni nobis.  
Quam fraudi tibi ne fuisse dicas,  
Vbi istuc semel iuero, cauebo:  
Proin posthac rogo ne Geloni plores.

De lauru Germani Brixii poetæ &  
oratoris clariss.

Tu laure foelix, inter & arbores  
Spectanda raras, siue quis æstimet  
Vmbraꝝque odoratasque baccas,  
Siue tui studium coloni:  
Qui primus inter millia ciuium  
Authoritate ac diuitiis, sua  
Vnius exultam manu, te  
Delicias vocat atque amores.  
Quauis ad Arcton consita frigidam  
Propter silentis flumina Sequanæ,  
Auram reformides iniquam,  
Duræ hyemis, Boreæque flantem:  
Solers coloni sic tamen anxii  
Dextra allaborat, ne tibi qua gelu  
Sit parte crescenti molestum,  
Neu pluuii noceant Decembres,  
Vt te educatam vertice Delphico  
Mitique quiuis sub Ioue iudicet,  
Sic fronde sublimes in auras  
Perpetuo viridante ferris.  
Sub te frequenter Mnemosynes solent  
Dyrce relicta ludere filia,  
Mutare cyrreæ tuamque  
Sæpe specu Pataræus vmbraꝝ.  
Leui ille plectro, nox vbi conticet,  
Candetque iunctis Cynthia cornibus,  
Ducente cum Nymphis choreas  
Cypride, tangit ebur canorum.  
Illius actus numine Brixius,  
Idem sacerdos & citharæ sciens  
Bacchatur, ac miranda seclis

Scripta parat meditans futuris.  
 Vtraque lingua doctus, & ingeni  
 Exercitati, seu libitum foro est  
 Limare non temnenda rauco,  
 Seu numeros cecinisse dulces.  
 Vt nemo dotes commemoret tuas  
 Hunc præter, æuo sat tamen ac super  
 Laudata notesces sequenti,  
 Atque hominum venies in ora.  
 Nec turba vatum non tibi cespitem  
 Lectæ dicatum sanguine victimæ  
 Tingetque, votiuasque ramis  
 Adiiciet tabulas onustis.

### Ad Virginem matrem.

Diua regnatric superûm, diserti  
 Cui pios versus soliti poetæ  
 Ferre, & argutis meritos honores  
 Reddere neruis:  
 Da mihi qualem numerosus olim  
 Pindarus vocem refono ore fudit,  
 Dum sacros ludos, pugilumque fortes  
 Cantat agonas.  
 In tuam sit fas animare laudem  
 Fila gemmato ferienda plectro,  
 Fas & arcanas numeros canendi  
 Promere vires.  
 Nanque tu virgo pariter parénsque  
 Virgines longe & superans parentes  
 Quæ fûere, & sunt, & erunt sequenti  
 Postea in æuo.

In parricidam qui Delphinum veneno  
 sustulit.

Crudele est malè mortuis precari,  
 Et iam compositos ciere manes:

Efflata, ac simul vt soluta vita est.  
 Ast illud facinus tamen patraſti  
 Funestiſſime parricida, tanto  
 Et te flagitio perinquinaſti,  
 Dum Regis ſobolem necas veneno  
 Inſontem penitusque & immerentem:  
 Manſuetudinis vt modetiæque  
 Fines tranſgredier pium ſit ipſos,  
 Et diras capiti tuo imprecari  
 Orcum apud ſine fine ſæuientes.  
 Nam quanquam(vt meritis)citis quadrigis  
 In diuerſa trahentibus nocentem,  
 Membratim laniatus interiſti:  
 Mitis nemo adeo tamen boniſque  
 Aut dandæ veniæ paratus, huius  
 Qui noxæ grauitate ponderata,  
 Noxæ inquam horribilis nefariæque,  
 Non tecum ilico perſeueret actum  
 Clementer nimis, atque diſſolute.  
 Quod certus niſi & eruditus eſſem  
 Diuino ordine, prouidentiæque  
 Arcana, fieri orbe cuncta toto:  
 Sexcentos caput in tuum vibrarem,  
 Immite heu caput, horridos iambos,  
 Et te atrocibus uſque & uſque diris  
 Lethen perſequerer vel ad nigrantem,  
 Impuræ neque parceretur umbræ,  
 Quando vno interimis tot interempto.

## Ad Annam Monmorantium Regis Franciæ Archicœconomum.

Tu quoque es palmæ bone Monmoranti  
 Particeps huius, meritæque laudis,

Primus(excepto modò Rege)nostra  
Voce ferendus.

Regis vt par est genio referri  
Prosperum euentum, auspiciis & eum,  
Qui suos diuos sua præbuiſſet  
Lilia Gallis:

Sic tuo ductu vigilique cura,  
Militem qui dux fueras ab illo  
Alter, hoc genti decus incruento  
Marte paratum est.

Culta caſtrenſis malè diſciplina  
Antè præfectis ducibùſque, damnum in-  
vexerat Francis, animarat acres  
Acrius hoſtes.

Tu Numantinus velut ille quondam  
Scipio, aut inter Numidas Metellus,  
Legibus culpas abigis, reformans  
Cuncta, leueris.

Omnium primum vigilanter iſtas,  
Copiis iuges vti com meatus  
Affluant noſtris, neque rebus vllis  
Caſtra laborent.

Menſe conſeſtim numerantur acto  
Singulis nummi, & ſua cuique merces,  
Néve diuerſos oriatur inter  
Rixa cauetur.

Nomen auguſtum Domini Deique  
Siquis effræni violauit auſu,  
Quis quid aut furto rapuit, reſpreſſus  
Vindice pœna eſt.

Hac quidem factum ratione, vt omnes  
Caſtra iurarent ea ſanctiora  
Coetibus clauſis monachûn eremo  
Separe agentum.

Prouides cura tamen interim acri

Ne tuas capto labefactet auro  
Proditor turmas, stipe neu Tribunos  
Tentet emaci.

Sicque, subducens alimenta passim  
Hostibus, septos premis vndecunque  
Et fame & ferro, dare sint vt illi  
Terga coacti.

Vera vñ' audire libenter Anna?  
Haftenus non sat (mihi crede) notus  
An rogabatur regere hæc scienter  
Agmina posses.

Te dies Regi facit hic secundum  
Maximo, cunctisque aperit fuisses  
Qui vir & quantus, tua fert & alto  
Nomina cælo.

Talis hoc bello tua visa virtus,  
Sit nefas vt iam dubitare posthac,  
Comprimat de tēque inimica victus  
Murmura liuor.

Rege Francisco renouantur artes  
Bellicæ, Martis studiūque floret,  
Et redit priscis sua rege eodem  
Gloria Musis.

Tu quoque vt laudem ducis affecutus  
Strenui leges reuocas & arma,  
Sic faue doctis, placidōque vates  
Respice vultu.

Carmine hi famam tibi prorogabunt,  
Ore facundo benefacta dicent,  
Nec sinent vllis tua clara labi  
Stemmata seclis.

Ad Philippum Cossesium Cōstantien-  
sem Pontificem Delphini magnum  
Eleæmona.

Pastor Cœnobii Iouiniani,  
Quem Constantia præsulem veretur,  
Delphinus colit vt pium parentem,  
Doctorem chorus ambit vt patronum  
Et Graio & Latio lepore cultum,  
Vt te sæpius obsecras reuisam,  
Accedamque celer tuas ad ædes,  
Quæ toto patuere poste semper,  
Sectatoribus artium bonarum.  
Nil certe magis ipse concupisco,  
Has si per vacet occupationes,  
Quæ me nocte tenent dièque vinctum  
Iussu Principis, ob salis tributum  
Cui nos prædicimur. Sed interim dum  
Expectamus idoneumque tempus,  
Momenta & magis expedita, fumes  
Hos de laude tui modos Iouini.  
Qui gemma & patriæ corona nostræ  
Hymnis Pindaricis cani meretur,  
Efferi & numeris modò his, modò illis.  
Quæ cum encomia sanctitatis ergò  
Diuo conueniant, tamen redundant  
In natale solum eius, atque ciues,  
In te Cœnobii Philippe patrem  
Pastoremque bonum Iouiniani.

Ad Dominū IESVM CHRISTVM.

Rerum CHRISTE opifex optime maxime,  
Summi æquæua patris qui sapientia  
Cæli culmine ab alto  
In terræ loca deuolas:



Aluum nec Mariæ Virginis integram  
 Fastidis, hominem assumere cogitans,  
 Nostræ & tegmine numen  
 Formæ abscondere destinans.  
 Si mundi ob maculas credo datum neci,  
 Effudisse tuumque in cruce sanguinem,  
 Vt lustrata lauacro  
 Plebs vitam pia viueret  
 Aeternam: ambrosiis pastâque eduliis,  
 Atque epota sacro nectare calitum  
 Ferret laude perenni  
 Diuinam omnipotentiam.  
 Actis da veniam propitius meis,  
 Da quæ recta sequi, deterioraque  
 Euitare tenaci  
 Sancti propositi fide.  
 Fac Evangelii defluat vt tui  
 In mentes hominum Spiritus efficax  
 Expurgare quod obsit,  
 Nigrum in candida vertere.  
 Hinc hinc pestiferæ sint procul hæreses,  
 Tincta & tabifico dogmata toxico,  
 Neu fallaciter intret  
 Trux caulas lupus in tuas.  
 Doctrinæ pecudes campo agiographæ  
 Da diuina tuas gramina pascere,  
 Cælestique sagina  
 Frugis gliscere mysticæ.

### Ad Io. Bellaium Card. amplifs.

Cum Sol Herculeum tenet Leonem,  
 Et multo aridulas perurit æstu  
 Herbas Sirius, atque hiulcat arua  
 Immenso rapidi caloris igne,  
 Si fortè irriguum soluta nubes

Imbrem fuderit hispidos in agros,  
 Marcescens videas repente gramen  
 Vires sumere pristinas, aquisque  
 Epotis nitido virere luxu.  
 Sic qui tristitiis molestiisque  
 Inuisis prius obrutus iacebam,  
 Et vitam in tenebris miser trahebam,  
 Præ desyderio impotente vestri,  
 Accepi simul ac tuas tabellas  
 Iucundissime mi Patrone dulci  
 Et solatia dulciora melle,  
 Quas curam releuas clientis ægri:  
 Cristas erigere ilico (quod aiunt)  
 Et moestum caput alleuare cœpi.  
 Nec visa est tua vox minus valere,  
 Vox inquam tua me vocantis ad te  
 Succis Pæonis AEsculapiique,  
 Dia quorum ope Virbius reuixit.  
 Proin si dicere veriora veris,  
 Collatumque velim referre munus,  
 Hoc vsurpem ego carmen est necesse,  
 Hoc læto mihi sit frequens in ore,  
 Quod spiro, & valeo, tuum Patrone est.

### In Antonium Læuam, cuius hortatu Delphinus veneno extinctus est.

Ecquis Antoni scelerata Læuæ  
 Ausa promenti mihi, det reuinctum  
 Aere pulmonem triplici, seueræ  
 Vocis & vsu?  
 Quippe nec Colchæ laniena matris,  
 Nec Thyestæ fera mensa cœnæ,  
 Quæque Ithym ignaro posuit marito  
 Attis edendum:  
 Plus cothurnatis meruere chartis

Et graui dici Sophoclis boatu,  
 Quàm trucidæ Læuæ facinus, datumque  
     Fraude venenum.  
 Hei quodd in tali mihi nunc piaculo  
 Debiti planctus, fat & apta defunt  
 Verba: quodd tantum mea ferre pondus  
     Barbitos horret?  
 Non enim inuoluat taciturna Lethe  
 Exitum indignum, miseròsque casus:  
 Sed tua feri quoque lachrymarent  
     Morte nepotes  
 Innocens cheu iuuenis: superbo  
 Illo priscis & abusque Teucris  
 Duçte, Francisci soboles potentis  
     Maxima natu.  
 Profuit quid te ditione tanta, &  
 Regiis natalibus exoriri?  
 Proximum hæredem quid & esse regni  
     Profuit ampli?  
 Quid iuuant candor, facilèsque mores,  
 Floridum augustæ decus & iuuentæ?  
 Quid fauor quo te tua profecuta est  
     Gallia semper?  
 Toxicici cuncta hæc nihil obstiterunt  
 Quo minus tetropimaribus haustu,  
 Et cadas diri teneris in annis  
     Hostia Læuæ.  
 Téne crudeli iacuisse letho,  
 Fraude & impuri decuit latronis?  
 Téne speratum diadema Franci  
     Linquere regni?  
 Tu decus nuper patriæ ac tuorum,  
 Grata spes Regis genitoris idem,  
 Nunc dolor flagrans, & acerba iustæ  
     Causa querelæ.  
 Quam tibi Læua ô truculente pœnam

Imprecer? merces erit apta quænam  
 Noxiorquæ vel scelus expiabit  
     Ultio tantum?  
 Sisyphus saxo posito quiescat,  
 Nec rotæ Ixion agitetur orbe,  
 Expleant sæuæ laticum capaces  
     Belides urnas:  
 Et sitim sedet fluuio propinquo  
 Tantalus, nec sint fugitiua poma:  
 Nec iecur rostro Tityi retundat  
     Vultur edaci:  
 Dummodo angorum cruciatuûmque  
 Quicquid in fundo est Barathri æstuoso  
 Ferre cogaris, vacet & tibi omnis  
     Eumenis vni.

### Ad Vidonium Corniculam.

Iam Cornicula litigas tot annos,  
 Quot Rex Arfacidum potens Orodes,  
 Vel natos Priamus senex habebat.  
 Nec lis est tibi de domo vel agro,  
 Sed de panniculo togæque trita,  
 Iactura idque rei peculiaris:  
 Quam non diminui atterive sentis  
 Vindictæ studio impotente flagrans.  
 Si de iudicio exitusque causæ  
 Signis non dubiis sit augurandum,  
 Dum das causidicis crumenimulgis,  
 Controuersæque vendicas, periculum est  
 Ne reddat dominum toga ipsa nudum,  
 Neu naulum omnia post adempta perdas,  
 Et te scommate competitor acri  
 Enummem feriant & aduocati.

## Laudes Dei esse cōtinenter celebrādas.

Singulis quòd Sol oritur diebus,  
Non minor certe est oculis voluptas,  
Quòdque fulgenti toties resurgit  
Lumine semper.

Nec voluptatis minus esse debet  
Mentibus castis animoque recto,  
De Deo quod nos eadem frequenti  
Voceloquamur.

Gratius quin hoc decet esse multo:  
Solis emanat quoniam corusci  
Pulchritudo omnis, rutilusque cæli à  
Numine fulgor.

Est enim lucis Dominus capax fons,  
Vnde deducti velut amne riui  
Syderum erumpunt radii, solique  
Infima lustrant.

Omnium primum est igitur tenendum,  
Viribus totis studiisque agendum,  
Nostra diuino per vt imbuantur  
Corda timore.

Qui timor solus stabilire mentem  
Possit, inuictos animique sensus  
Dæmonum contra laqueos, & ægræ in-  
commoda vitæ.

Cantico iugi memoranda laudum  
Sunt Dei passim benefacta veri,  
Eius haud nostras pia lasset vnquam  
Mentio voces.

Illius faustos obitus putarim  
Hora quem extremi nec opina fati  
Inuenit summi Domini occupatum  
Laudibus almis.

Non cum flammæ metus æstuosæ

Acer inuadet, neque pertimescet  
 Alloqui infestos Lemures in atræ  
 Limine portæ.

### Ad Gelonidem coniugem.

Per terras vagus & per alta ponti  
 Annorum hebdomadas duas peregi,  
 Mellitissima mi Geloni rerum.  
 Nec vitæ requiem laboriosæ  
 Tot sudoribus inuenire quini,  
 Dum fausta face tu iugata mecum  
 Hæreres thalamo, auiumque vatem  
 Instillans Charites venustiores  
 Casti & gaudia lectuli propinans,  
 Nexu plus quàm adamantino illigares.  
 Nunc omnis meus acquieuit ardor,  
 Alas perdidit & suas Cupido,  
 Nec iam ex hac libet euolare sede.  
 Omnes vt mihi fordeant puellæ  
 Præ te, omnes mihi lactææ maritæ.  
 Si fallo, peream statim Geloni,  
 Et sis (quo grauius molestiis que  
 Possit esse tuo nihil marito)  
 Infensa vsque meo atque iniqua amor.  
 Tu gratum ergo meæ otium Thaliæ,  
 Vitæ tu requies laboriosæ, &  
 Tantarum vnica præmium viarum  
 Mellitissima mi Geloni rerum.

### De diuo Dionysio. Ad Carolum Francisci Regis filium Aureliæ ducem.

Hæc ritè sacra est lux Dionysio,  
 Vt quæ peremptum sedibus intulit  
 O Carle stellatis Olympi,

Ordinibus superúmque iunxit.  
 Quæ terra talem quæritur edidit  
 Doctorem, Athenæ hinc quem sibi vendicant,  
 Nilotis hinc quem gens alumnum,  
 Iactat item bimaræ Corinthus.  
 Sed ducta libris ex agiographis,  
 Atque Acta Lucæ veridici sequar,  
 Qui tradit illustratum Athenis  
 Coniunge cum Damari domoque.  
 Nam Paulus illic dogmata seminat  
 Dum sancta C H R I S T I Cecropidas docens,  
 Sermone te flexit sequacem  
 O Dionysi, & aqua piauit.  
 In regna dein te Gallica Romulis  
 Clemens ab oris misit episcopus,  
 Transire & in cælum minantes  
 Præpropero pede suasit Alpes.  
 Non fulsit illo tempore sericis  
 Mystes amictus vestibus, arduum  
 Instratus ostro nec rubenti  
 Mulus herum tulit aurifrænis.  
 Dum vana lucorum Orgia destruis,  
 Gaudere C H R I S T V M, & sanguine pernegas  
 Constanter humano, ferisque  
 Vera monens maledicis aris,  
 Qua flexuosus Sequana gurgite  
 Urbem bifurco Parisiam secat,  
 Cervice mactaris recisa  
 Cum sociis operum duobus.  
 At fert in vlnis ipse suum caput  
 A colle summo truncus inambulans  
 In vallis effusam propinquæ  
 Planitiem, riguóisque campos.  
 Póst insecuto tempore mysticis  
 Imbuta C H R I S T I Gallia ritibus.

Te amplexa patronum, deditque  
 Rex celebrem Dagobertus ædem.  
 Quæ sumptuoso condita marmore,  
 Et Cœnobitis culta gregalibus,  
 Fulgente berillis pheretro  
 Vestra tenet reuerenter ossa.  
 Templi superbo sub mediæ tholo  
 Regum videre est busta faberrima,  
 Quas iure Mausoli sepulchrum  
 Pyramides Phariæque cedant.  
 AEdis vetustæ magnificentiam  
 Frustra ipse coner tam leuibus modis,  
 Ditæque thesauros referre  
 Cœnobii bene prædiati.  
 Atqui efferendæ pronius immorer  
 Sedi, quod illic sunt sita corpora  
 Dux Carle maiorum tuorum,  
 Morte quibus sociere sera.

### Ad Margaritam Valesiam Francisci Regis filiam.

Regis filia gratiosa Franci,  
 Nomen candida cui celebre bacca  
 Eoi maris indidit merenti,  
 Vt candorem animi tui notaret,  
 Morum munera singulari inque,  
 Quas virguncula regia enitescis.  
 Res quænam obsecro, quæve causa mouit  
 Vt me rusticulum & rudem poetam  
 Tanto prosequier velis fauore?  
 Adscribâsque libens tuorum in albo  
 (Est qui summus honor) domesticorum,  
 Ac procliuius audias loquentem?  
 An quod me esse aliquem tui parentis



Iussit gratia liberalitâsque,  
 Musas munificè meâsque fouit,  
 Tu vestigia persecuta patris  
 Quos charos habet aduocas, & ornas,  
 Tanti & carmina ducis ipsa vatume  
 Ut nunquam potis est latere flamma  
 Quam æratis Pharos euomit lucernis,  
 Vrbis nec vertice structa montis alto  
 Vicinis nequit à locis videri:  
 Sic Heroica nobilisque virtus  
 Non erumpere non potest, & in se  
 Admirantia vertere omnium ora.  
 Nec fas Rege satam aureâmq; prolem  
 Trita incedere semita popelli,  
 Fuso lædere vel manus setero  
 Læues, more inopum pedissequarum.  
 Perge ô regia perge Nympha quæso,  
 Altorum patefac tendere morum  
 Quo sis sanguine procreata & ortu.

## Ad illustris. Principem Cardinalem Lotharingum.

Stirps Regum venerabilis,  
 Quæ & Parthenope subdita paruit,  
 Et tellus Capuæ ferax,  
 Et procurua maris littora Brutii,  
 Lucani, Calabri, Appuli,  
 Necnon Trinacriæ fertilis oppida,  
 Tén' caduciferum impotens,  
 Et tot laurigeris toruus adoreis  
 Cæsar despicit Austrius?  
 Atque æquis renuit conditionibus  
 Cum Franco icere fœdera  
 Te oratore? nefas forsitan ah nefas

Iam trux corde sub intimo  
 Voluebat, miseri dira satellitis  
 Quod mox perficeret manus,  
 Propinans tacitis toxica fraudibus  
 Heu Regis soboli aureæ  
 Regem ipsum nequeat si modò perdere.  
 Spe illa propterea tumens  
 Aulam ad Liligeram regnâque Gallica,  
 Te spretum regredi iubet  
 Re infecta. venient tempora, sed breui,  
 Cum sero facinus gemet,  
 Atque icisse volet te auspice fœdera.

### Ad Gul. Mainum Belli loci Antistitem de Diuo Io. Baptista.

Verbum Maine est nobile comici  
 Quo veritatem matrem odii refert:  
 Hanc certe Ioannis beati  
 Fata probant truculenta vocem.  
 Quippe ille regem dum pius impium  
 Sermone sancto cogit in ordinem,  
 Carpitque, quod fratris Philippi  
 Rapta ab eo teneatur vxor:  
 Furore vecors exitiabili  
 Tetro Prophetam carcere claudier  
 Præcepit Herodes, & arctis  
 Ilico compedibus ligari.  
 Primariis tum fortè viris sui  
 Regni vocatis, mos vti Principum,  
 Natalis ob festum diei  
 Rex epulum celebre apparabat.  
 Herodias (nam id nomen adulteræ)  
 Ira in Prophetam vindice percita,  
 Molita & illius ruinam,

Mille dolos animo volutat,  
 Quo tolleretur de medio innocens,  
 Linguæque ferret præmia liberæ  
 Amara, censuræque, magni  
 Quam nequeant tolerare Reges.  
 Natam subornat: quæ iuueniliter  
 Progressa cœtus in medios, placet  
 Lasciuia saltatu impudico,  
 Exhilarans procures choreis.  
 Pompa puellæ præcipue pater  
 Lætatus illa, mollibus & iocis,  
 Se iure iurando daturum  
 Quicquid ea expeteret, recepit.  
 Inducta matris ludia vocibus,  
 Vatis sacriati postulat heu caput,  
 Disco quod actutum recisum  
 Ingeritur medio videndum.  
 Quam vilis ipsis, ð Superùm parens,  
 Est immergentum principibus cruor!  
 Colore quam paruo necantur  
 Sæpe pii, leuibusque causis!  
 Mortalium res sed bene iudice  
 Quod ponderantur te Deus optimo  
 Post funus, albentes ab hædis,  
 Quod dirimis piceis & agnos.

### Ad Prasocrenidem Nymphã Nænia de morte Helenes & Honorati liberorū.

Quid mihi festa Prasocreni luce  
 Arborum nigris operanti in vmbriis  
 Cespice extructam tibi dedicasse  
 Profuit aram?  
 Quidve odoratas adoleffe menses  
 Thuris Eoi tibi in æde sacra,

Et meri plenam pateram obtulisse, &

Florea fecta,

Ipsa si noto male amica vati,

Vertis in damnum tibi facta sacra,

Et meas surda lachrymantis audis

Aure querelas?

Ergo Honoratum mea quem Gelonis

Altero partu ediderat, tibi que

Miserat credens teneræ sub ipso

Limine vitæ,

Tollis infantem è mediocrapaxque

Matris à dulci gremio reuellis?

Illa ploratu nemora, antra, valles

Replet inani?

Dalmatum flavo similes metallo

Vnguibus sævis lacerat capillos?

Dicit in Parcas & acerba quicquid

Suggestit ira?

Immemor nostræ nimium Camœnæ,

Hac eam mercede remunerata es,

Quæ tuas nuper cecinit fluentia ad

Limpida tedas?

Quippe me lentum memini, dum aquosis

Fontium ripis sedeo tuorum,

Indiges magno memorare vt actus

Launus amore

In suos tete thalamos volentem

Naidum læto comitante cœtu

Duxerit, carmen modulante agresti

Pane cicuta.

Syderum cursu celeri fluebat

Mensis à teda decimus iugali,

Cum paludosi Cleonyfan edis

Margine Diuæ.

Inter æquæuas Cleonyfa Nymphas

Crine præfulsit roseoque vultu,  
Vitium Bacchus cui regna & albas  
Credidit vuas.

Gnosia vxori dedit & ministram,  
Vt comæ legem ad speculum, vagisq[ue]  
Poneret cirris, premeretq[ue] viuo  
Colla smaragdo.

Hæc sedens ripa viridi canebam  
Ad tuos amnes Dea, cum repente  
Vox mihi nati morientis ip[s]as  
Perculit aures.

Quis furor, quæ vel rabies adegit,  
Siquis aut Diuos quoque liuor vrit,  
Vt mea immites raperent auaro  
Pignora fato?

Coniugis primam sobolem pudicæ  
Mensibus vix dum tribus euolutis  
Antè festinans Helenen nigro mors  
Merferat Orco,

Ore quæ pulchro poterat Lacenam  
Et nurus priscas superare Graiûm,  
Editæ in lucem data si fuisset  
Longior ætas.

Liberos sexus vtriusque Parca,  
Hos mihi inuidit Prasocreni tecum,  
De beatorum numero vnus essem  
Ne ipse parentum.

Interim dum flet stupefacta mater,  
Dum suis longum dolet orba gnatis,  
Verti & in saxum Niobes Deorum  
Numine poscit:

Liberûm affixus tumulis meorum,  
Euocem manes teneros odoro  
Melle, nec fusi mihi bina desint  
Cymbia lactis.

Ne precor dulces animæ silentum,

Elysi tanti faciatis umbram,  
 Neu nemus sacrum, variisque picta  
     Floribus arua:  
 Patris ut moesti lachrymas negetis  
 Visere interdum, ac releuare curas,  
 Colla & amplecti, placidisque mecum  
     Ludere somnis.

### Ad Io. Bellauium Cardinalem ampliss.

Bifrons Iane pater mentis acumine  
 Qui subtili, animi & lumine lynceo  
     Tum praesentia cernis  
     Tum ventura sagaciter:  
 Fulgentem ut petasum promeruit tua  
 Virtus, & Latiae tegmina purpurae,  
 Nec qui Paulus habenas  
 Urbis Romulae regit,  
 Doctrinam indecorem sustinuit tuam:  
 Quaecunque at potuit praemia contulit,  
 Nuper sponte cooptans  
 Te in patrum ostriferum chorum:  
 Clarus Liligero sic diademate  
 Princeps subiicitur Gallia cui triplex,  
 Qui sunt quique fuere  
 Regum maximus omnium:  
 Constantis fidei tot data pignora  
 Inuictisque animi robora non tulit  
 Ceu neglecta iacere  
 In Lethes piceo situ.  
 Urbem metropolim sed tibi credidit  
 Frænandam, utque fores murus aeneus  
 Contra hostilia tela,  
 Flandrique agminis impetus.  
 Nulli tanta tui est hactenus ordinis  
 Res commissa viro, sed fuerat Ducum

Quorum strenua virtus,  
 Regum aut arcta propinquitas.  
 At cum sis celebri clarus origine,  
 Factis magnanimos & superes auos,  
 Qui pro arisq; focisque  
 Certauere viriliter:  
 Nil antiquius & sit tibi patria,  
 Nil Regis genio charius optimi,  
 Menti infixæ tuæque  
 Prorsus lilia inhæreant:  
 Quid te his Rex dubitet tollere honoribus?  
 Regni & præcipuis præficere urbibus,  
 Vitæ iura necisque  
 In cunctos tibi conferens?  
 Hæc prouincia vbi credita contigit,  
 Moles imperiique intima Francici,  
 Plus regno & patriæ, quàm  
 Bellai tibi præstitum est.

### Ad Deum pro victoria.

Rex exercituum, Deus deorum,  
 Qui per aligeros tuos ministros  
 Terrarum varios status gubernas:  
 Hos nunc Marte premens periculoso,  
 Hos pacis placida fouens quiete,  
 Prout visum tibi cuncta iure agenti.  
 Qui vires animûmq; contulisti  
 Dauidæ puero, vt vibrante funda  
 Inermis licet, & rudis duelli,  
 Vastum Goliaden necaret audax,  
 Ictum sterneret & patente campo.  
 Causa ad prælia si mouemur æqua,  
 Iuste hanc militiamque militamus,  
 Ad cædes hominum feras coacti,  
 Primum suppliciter rogamus istud

Hostiles animos vti reflectas  
 Ad pacis studium, remolliſque:  
 Ne fuſo rubeat cruore tellus  
 Ablutorum aquulæ ſalubrioris  
 Sancta aſpergine, luſtricoque tinctus  
 Terror Panicus aut repente cogat  
 Moliri attonitos fugam, & latebras  
 Paſſim quærere. cedat incruenta  
 Aut victoria quæſ tibi placebit,  
 Et quos vincere iudicabis æquum,  
 Cauſam ob CHRISTE tibi probatiorem,  
 Finito vt cito, te regente, bello,  
 Sopitiſque odiis vtrinque, gratès  
 Soluamus tibi vocibus ſonoris,  
 Victoreſque Epinicion canamus.

### Gratulation in hoſtium fugâ, ſumpta ex Dauid.

A niſi nobis Dominus ſtetiffet,  
 Nunc dicant Franci, niſi & affuiſſet,  
 Cum ferox in nos rabido tumultu  
     Surgeret hoſtis,  
 Nos quidem ſæuo propè dente viuos  
 Turba glutiffent inimica ſontum,  
 Cum flagrauiſſet furibundus in nos  
     Ardor eorum.  
 Tunc inundaffet miſeros aquarum  
 Alta vis, torrens animamque noſtram  
 Amne tranſiſſet ſuper incitato,  
     Omnia mergens.  
 Gratia CHRISTO, bonitate cuius  
 Non dati in prædam ſumus ac rapinati  
 Hiſce qui noſtros iugulos minaci  
     Dente petebant.  
 Ecce venantum è laqueo perinde ac



Passer, erepta est anima ecce nostra,  
Est'que contritus laqueus, trucidemque e-  
uasimus hostem.

Nomine est robur Domini omne nostrum,  
Pérque lætantes agitamur illum  
Qui mare & terram & rutili creauit  
Sydera cæli.

### Ad Petr. Vinaium Iuliodunen.

Hærens tenaci glutine charitas  
Qua foederamur firmiter inuicem  
Iucunde Vinai, suasit

Vocibus his uti te monerem,  
Ut vana sectans gaudia corporis,  
Mundisque fumus lusus inanibus  
Ne vara rectis anteponas,  
Néve tuo iuguleris ense,

Postquam iuuentæ ver breue floridæ  
Per lenta segnis triueris otia,  
Regni Dionæi satelles,  
Carnis & illecebris subactus,

A Euum necesse est deterius sequi,  
Morbisque tandem languida tristibus  
Membra inquietari, & pudendæ  
Ferre senem mala damna vitæ.

Hæc parua rere incommoda forsitan.  
Reddenda quid cum pôst ratio tibi  
De rebus ad summum antelapsis  
Iudicis ætherei tribunal?

Gulæ voluptas, Cypris, inertia  
Quæ blandiuntur nunc tibi suauiter,  
In te tum adunatis ferentur  
Viribus, insiliéntque contra.

Ah ne tyrannis præda rapacibus  
Dedaris Orci, ne vrna nouissima

Vltoris æterni cremandum  
 Te miserum rapido igne damnet!  
 Hæc à propinquis, hæc ab auunculis  
 Si dicerentur, mox resipisceres  
 Fortasse, nec vitæ peractæ  
 Propositum indocilis probares.  
 Ad mundi honores ii modò te vocant,  
 Atque ampliandi dant reditus viam,  
 Vitare vt hortantes Charybdim  
 Præcipitent freta in atra Scyllæ.  
 Audire nostros si monitus velis,  
 Exuscitantis téque salubriter  
 Si pondus in verbis sit vllum  
 Municipis veterisq; amici,  
 Tolles in altum lumina, cogitans  
 Quo sit meandum post nigra funera,  
 Nam sine diuerso, salutis  
 Arcta via est, via lata Ditis.  
 Castris memento Regis Olympici  
 Quem mater aluo virginea tulit  
 Te militantem disciplinæ  
 Suaue iugum subiisse sanctæ.  
 Qua luce nudum lustrica lotio  
 Vitæ futuræ viuificus typus  
 Tinxit salutarî liquore,  
 Et maculas aboleuit omnes:  
 Renuntiasti tartareo Duci  
 Eiûsque pompis exitialibus:  
 Constans & inuidus manesine,  
 Polliciti & memor vsque tanti  
 Antehac malignis si Satanæ dolis  
 Partes migrasti transfuga in hosticas,  
 Ruptor sacramenti prioris,  
 Militiæ & violator almæ:  
 Aeterna ne mors te miserum voret,

Neu sis leonum præda frementium,  
 Te protinus castris ab illis  
 Eximito, atque pedem referto:  
 Ceu cum viator tramite in herbido  
 Incautus anguem pressit humi ferum,  
 Pallefcit extemplo, pedémque  
 Exanimis reprimat trementem.  
 Aetæ iuventæ pœniteat, notas  
 Densis priores ablue lachrymis,  
 Antè & quod exultans patraffi  
 Cordolio gemitûque dele.  
 Nec te tuorum vox malè sobria  
 Ad mundi honores lucrâque nōxia  
 Traducat auersum relictis  
 Iustificæ studiis opellæ.  
 Sublatus ô si culmen in arduum  
 Montis supini, de specula queas  
 Rerum edita infra te iacentum  
 Tam varias facies videre.  
 Tumultuantis si populi vago  
 Confusa possis omnia turbine  
 Spectare, si motus procellis  
 Pœsimiles Maleæ æstuosis:  
 Tum perdit orbis te miseresceret,  
 Et mente grates C H R I S T O ageres pia,  
 Quodd te ipse propenso fauore  
 Eripuisset ab iis tenebris:  
 Quodd luce cælesti intima pectoris  
 Illuminasset se insinuans tui,  
 Semosset à mundique fæce,  
 Te misera sibi consecratum.  
 Formidolosis septa latronibus  
 Frondosa sylvarum auia cerneres,  
 Obsessa pyratibus iniquis  
 Veliuoli freta lata Nerei.

Depreciantes sanguine mutuo  
 Accerere vrbes exitium sibi,  
 Horrore castrorum cruento  
 Bella mouere trucem Gradium.  
 Orbem cruoris fluctibus allui,  
 Stagnare campos cæde hominum impia,  
 Cum more sit fratrem recepto  
 Plausibilis iugulasse virtus.  
 Heu cæca veripeçtora gentium!  
 Cum singuli admittunt homicidium,  
 Est crimen: at laude efferemus  
 Publicitus quoties geretur.  
 Impunitatem flagitijs parat  
 Vitæ innocentis non ratio quidem,  
 At (quod sit omnino stupendum)  
 Seuitiæ sera magnitudo.  
 Vt nuper oris Cæsar ab Italis  
 Regni ampliandi cum cupidus, neque  
 Contentus hæredes auita  
 Insubria spoliasse Francos:  
 Multo pauentem milite Galliam  
 Oppleuit, & nunc Massiliæ imminet,  
 Affinitatis iure prorsum  
 Posthabito, fideique pactæ.  
 Hæc dum geruntur, regia toxico est  
 Sublata proles, cui diademata  
 Cessura post mortem parentis,  
 Liligeri soliumque regni.  
 Fleuere raptum mæsta Druentia,  
 Molésque Turni nomine nobilis:  
 Fleuere certatim retuso  
 Lenis Arar, Rhodanúsque cornu.  
 Audita ab imis vox quoque fluctibus  
 Fatum ominantis flebile fluminis  
 (Quodd causa Delphino fuisses

Exitii) tibi Carle Cæsar.  
 Vt cunque sese res habet, haud potest  
 Iniuriosum te esse negarier  
 Gallisque, Franciscóque Regi,  
 Cum violens aliena raptas.  
 Si fortè vires despicias hostium,  
 Cinctusque condense agmine militum  
 Audacter hos illos laceassis,  
 Opposita & facis arma nauci:  
 Speres at alto vindicem ab æthere,  
 Atque affuturum iudicii diem  
 Quo præmia æquus reddet vni  
 Pro meritis sua cuique CHRISTVS.

### Ad Tristanium Portium Iuliodunen.

Iam mihi in votis fuit inde Porti  
 Hoc ab exactæ spatiis iuuentæ,  
 Hoc & à CHRISTO prece singulari,  
     Sæpe petiui:  
 Esset vt parvus mihi saltem agellus,  
 Annua qui me modò fruge possit  
 Pascere, & tectum breue, amœnus hortus,  
     Iugis aquæ fons:  
 Et parum sylvæ super his ad vsum  
 Ac voluptatem, quoties rediret  
 Frigus, incedensque vago leuarem  
     Tædia passu.  
 Hæc Dei dono mihi contigerunt  
 Omnia vbertim, & potiora multo,  
 Improbus dici vt merear, quid hinc si  
     Amplius optem.  
 Proinde præsentim (modica illa quanvis)  
 Sorte contentus Superos adoro,  
 Vt mihi sano propria hæc benigni  
     Munera faxint.  
 Vtque fatales studiosus annos

Legis æternæ peragam, viâque  
 Spiritum quæ morte obita corusco  
 Ducat Olympo.

Defluxæ sed dum brevis hora vitæ  
 Ducitur, princeps mihi cura sunt  
 Res sacræ, libri, ingenuis agenda  
 Otia Musis.

De die potent medio licebit,  
 Regio affectent epulas paratu,  
 Quas Deus venter dapibusque mensa  
 Prodigæ lectis.

Massicum hic auro bibat, ille gemma,  
 Vincat & cœnis Salios opimis,  
 Hic toro ostrino iaceatque plumis  
 Sardanapali:

Non tamen vitæ facient vt huius  
 Persequi formam mihi sit molestum,  
 Aut putem luxu fugiente quenquam  
 Esse beatum.

Qui timent omnes Dominum beati,  
 Et fides cordi quibus orthodoxa est,  
 Pertinax æqui studium, atque egenos  
 Cura iuuandi.

Quin nec infœlix status est eorum  
 Sorte qui rerum mediocri agentes,  
 In sacris vitam per honesta ducunt  
 Otia libris.

## De fuga Cæsaris & victoria Francisci Regis ad Aquas Sextias.

Solennia ecquis vatum epinicia  
 Cantabit alto Cælicolũ patri,  
 Qui tale Francisco trophæum  
 De spoliis Caroli excitauit

Late patentis viribus imperi  
Magnis tumescens Cæsar, & ebrius  
Favore Fortunæ, quod esset  
Collibitum nihil huic negantis:  
Exercitu ausus vix numerabili est  
Intrare fines maxime Rex tuos,  
Funesta regno interminatus  
Excidia, & miseras ruinas.  
Ad Sextias hinc castra locans Aquas  
Sedit, locutus fanda nefandæque  
In te, tuasque vrbes, propè ipsos  
Terrificans Superos in armis:  
Non se exiturum Galla ab humo prius,  
Quàm reddidisset tæte hominum vltimum,  
Pauperrimum & te Rex tuorum  
Luëtifico procerum duello:  
Nec additurum funeribus modum,  
Mucrone donec vindice Galliam  
Vastasset omnem, liliūmque  
Implacido secuisset vngui.  
Hæc tum impotentis verba minantia  
Audita passim Cæsaris: hoc suæ  
Pactio ille germanæ maritum  
Tractet, & nisi CHRISTVS obftet:  
Qui sede ab alta flammiferi ætheris  
Elata cernens pectora fontium,  
Illa ipsa fregitque, & tremendo  
Iudicio tumidum repressit.  
Non hæc tuarum (ne temerè arroges  
Rex forte summi quæ modò sunt Dei).  
Non hæc facultatum tuarum,  
Nanque opifex potior peregit.  
Victoriam hanc sed non tibi vendicas,  
Soli Tonanti debita nec rapis,  
Quin pronus obstipòque adoras

Vertice nūmen, agīsque grates.  
 Votiua CHRISTO carmina in ædibus  
 Sacris canuntur, talia qui dedit,  
 Nec passus orantem superbi  
 Ore teri rabido leonis.  
 Hostilis aruis fusa acies iacet,  
 Et decolori littora sanguine  
 Stagnant, fuga incerta per æquor  
 Consuluit Carolus saluti.  
 Sed dum fugaci quæritur hæc salus  
 Terrore, labem Cæsar eam sibi  
 Contraxit, vndis belluosi  
 Quam lauere haud valeat profundi.

### Ad Regē de Delphini filii eius morte.

Quid Rex maxime, rex supreme regum  
 Amissum quereris subinde natum,  
 Extinctūque truci gemis veneno?  
 Non est mortuus ille ceu putasti:  
 Mortali modò corpore at relicto,  
 Ipsis cum superis agit superstes,  
 Stellis additus emicātque claris,  
 Et fulgore suo polum serenat  
 Inter sydera luminosiora.  
 Non credis mihi: tēque rere falli?  
 Altum tolle oculos tuos ad axem,  
 Delphinum in mediis videbis astris.

### De victoria Frācis Regis apud Aquas Sextias contra Car. Cæsarem.

Si quanta mentis lætitia est mea,  
 Tanto feratur mens eadem impetu  
 Ad clara Francisci trophæa



Vincat Macrinum non lyra Daunia,  
Quauis Camœnis dulcibus explicet  
Victoris Augusti duellum  
Actiacum, Phariósque fractos.  
Prona huc voluntas est satis ac super,  
Ardore anhelò pectus & æstuat  
Te summe Rex regum canendi, &  
Hoste tuam fugiente laurum.  
Duntaxat hoc mi sed dolet anxio,  
Hæc gestientem res habet & malè,  
Vires voluntati quòd ipsæ  
Esse pares nequeunt auenti.  
At danda ventis lintea flantibus,  
Parua & secundum ingens pelagus rate,  
Aura modò aspires ferenti  
Syderibus melior Laconum.  
Turmis superbus Cæsar Ibericis,  
Germanicarum víque cohortium  
Iam prædo spe effræni vorarat  
Regna tuæ ditionis ampla.  
Nanque antelapsi temporis ebrius  
Fœlicitate, & cuncta sibi putans  
Cessura præsentì, tetendit  
Massiliam prope Aquasque Sextii.  
Audita vox est à malè sobrio,  
Cladem minatus qua tibi lugubrem,  
Mensem ante iurauit peractum  
Imperio fore vti careres.  
Risere vanas Cælicolæ minas,  
Inuisæ & vltrix Diua superbix,  
Cui cura frænare impotentis  
Vota animi, nimiosque fastus.  
Nam territabat qui prius æthera  
Armis, Gigantum more ferociens,  
Cum mole freti brachiisq;

Montibus imposuere montes:  
Ictus Tonantis fulmine ceu graui  
Mox se recepit degeneri fuga,  
Lucémque vitalem perosus,  
Quæsiit à pedibus salutem.  
Huc turmæ & illuc semianimes eunt  
Instante Galli robore militis,  
Qui strage cæforum cruenta  
Fœdat iter, Ligurúmque rupes.  
Dux interim expes littore commodam  
Nactus phaselum, deferit agmina  
Palantia, accitisque fidis  
Clàm latebras volat ad propinquas.  
Portu fugaces ora Ligustica  
Excepit arcto, fouit & indigos,  
Fletu ciulantes non virili  
Et lachrymis sua fata fuffis.  
Dic Carle Cæsar, dic modò regibus  
Timende magnis, qui furialibus  
Ausis minabaris ruinam  
Parisiis, foliòque Franco:  
Annon fuisset splendidius tibi,  
Desyderandum annon mage millies,  
Fudisse pugnando sub armis  
Claram animam, & cecidisse telo:  
Exercitu quàm sic malè prodito  
Fugisse paruo nauigio oppidum,  
Nudúmque inermémque, ad propinquum,  
Et miserae timuisse vitæ?  
Casus priores nil queror amplius,  
Iam fœnore amplo restituit dies  
Hic quicquid amissum fuisset,  
Post nebulas redit & serenum.

Sit dux vter maior, sciensque  
Tunc magis Carolusve Martis.  
Huiusce certe est omne tuum decus  
Palmæ incruentæ, qui rationibus  
His ambiisti hostem coactum, in-  
dagine disposita tuorum:  
Qui victum eidem & pabula subtrahens  
Necessitatis compulerisque eò,  
Conflictu ut absque ullo haud negaret  
Se domitum, fugerétque furtim.  
O gloriosæ gaudia adores,  
Cantanda festis ô noua versibus  
Trophæa, doctorumque vaturn  
Pieris celebranda Musis!  
Te Cantabri non antè domabiles  
Mirantur acrem, te Ligurum manus  
Rex magne formidatque & armis  
Compositis veniam precatur.  
Tu commeatu, præsidio, & tuis  
Picarda firmans oppida copiis,  
Contundis eneruásque sæuurn  
Atrebatem, Batauurn, Eburonem.  
Te fraudulento natio Cæsari  
Germana præfert, te Dominum Insuber  
Agnoscit, ipsi te Sicani  
Crebra vocant, cupiuntque Regem.

Hymnorum sexti libri finis.

Petri Galádii viri vtriusque linguæ do-  
ctissimi Elegidium ad Salmonium  
Macrinum.

Primus ad Ausonias numerosus Horatius aures

Deduxit lyricis carmina culta modis.

Primus ad armifonos diuino munere Gallos

Salmoni hæc eadem Pindarica arte feres.

Quæ quid adhuc limas, decimumque recudis in annum

Iampridem leui pumice terfa nimis?

Cur tenebris & nocte premis Quinquatria sacræ

Promeritum, & summum Pallados arcis, opus?

Cur cedro digna inuoluis caligine cæca,

Ne rutili radios Solis & astra petant?

Pande sinus ventis, nec tu oblucente Minerva

Sacra per inuidiam carcere clausa preme,

Nec dubita quin sint cunctis placitura modestis:

Quin age Musophilis tam fore grata puta,

Formosæ quàm adamata fuit præsentia Thisbes

Pyramo, & obiecto pariete colloquia.

Quàm grate Cytherea suum suscepit Adonim,

Quàmque natatorem Sestia Nympha suum.

Adde quodd eximio Bellai nomine fulta,

Liuioris facient verba canina pili.

Bellai, qui purpureo præsignis amictu,

Laurigeros donis prouocat vsque choros.

Quocirca auspiciis huius deductus & aura,

Cæruleos fluctus & maria alta seca.

Cornelii Musii Delphi poetæ Bataui  
tetraſtichon.

Vt niſi Mæonidæ prohiberent carmina vatis,  
Prima eſſent magni carmina Virgilii:  
Sic ni eſſet Quintus Lyricorum gloria Flaccus,  
Sit Macrine tuæ gloria prima lyrx.  
Aliud eiufdem.

Eſt qui vel Lyricos tantum, vel ſcribit Iambos,  
Aut verſus Elegos, Hexametrôſve facit.  
Salmoni (quo non maior meliôrque poeta eſt)  
Omnigenos numeros ore decente canis.  
Aliud eiufdem.

Inuenias multos Heroo carmine claros,  
Sed tantum Lyricos eſt reperire duos.  
Alter Macrinus cenſetur, Horatius alter,  
Iſte ſui ſæcli primus, & ille ſui.

Bart. Latomus de Salmonio  
Macrino.

Hinc poſtquam niueo viſturus in alite Flaccus  
Aurea cygnæum fudit in aſtra melos:  
Exceſſit terris, ſed plectra lyrâque reliquit  
Macrino, decet hunc carminis alter honos.  
Omnis & Aonidum chorus annuit, annuit ipſe  
Phœbus, & hoc tantum Gallia munus habes.

EXCVDEBAT ROB. STEPHANVS

PARISIIS, ANN. M. D. XXXVII.

VII. IDVS FEBR.

W

# ERRATA SIC CORRIGITO.

Facie	Linea	
21	Nunc	clausam,
21	Te querulo	paritura
22	Quæ	fuerunt
24	Roma	est
25	Orci	triumphatisque
25	Septus	nitenti
26	An	luctæ
31	Gratia	inungat.
35	In	Charis
37	Questibus,	functum mulier maritum
43	Liuidos	media
46	Quos	numine credimus
48	Angier	si te,
70	Indulgenter	puertia
84	Tutere	trilicisque
128	Non	passus
165	Mortis	seueræ
167	Ardua	inque
175	Vernisque	infern,
175	In	crebriter
232	Tractet,	ei nisi

RECEIPTS FOR BOOKS

MASSACHUSETTS  
LIBRARY

